

ԼՈՒՄԱՅ

ԴՐԱԿԱՆ ՀԱՆԴԻՍԻ

1897 թ.

Ա. ԳՐԳԻ

ՅԱԿԵԼՈՒԱԺ

ԼԻՆՀԱՐԴ ԵՒ ԳԵՐՏՐՈՒԴ

ՎԷՊ ՊԵՏԱԿԱՆՈՅՑՈՒ

THE UNIVERSITY OF CHICAGO

LIBRARY OF THE UNIVERSITY OF CHICAGO

1907

1907

RECEIVED

LIBRARY OF THE UNIVERSITY OF CHICAGO

1907

նութիւն անէ: Եթէ քահանան աղքատներին ինձ պէս ճանաչէր՝ այդչափ չէր մտատանջուի նրանց համար. բայց նա աղքատների համար չէ հոգում: Նա կամենում է միայն հայհոյել և մարդկանցը դատապարտել ու սխալացնել: Ինչ պտուղներ են աղքատները. եթէ տասը խաբերանների կարիք ունենայի, տասնութէն աղքատների մէջ կգտնէի: *) Ես էլ կցանկանայի, որ եկամուտներս քառորդ տարին մի անգամ ձշտօրէն իմ տուն մերէին, այն ժամանակ ես էլ կսովորէի համեստ և բարեպաշտութեամբ ընդունել այդ: Բայց իմ գինետան գործում և գիւղացիների բակերում, ուր ամեն բան կոպէկի շուրջն է պտտում և ուր ամեն մէկին անկիւններում կարող են կողոպտել, հանգամանքները բոլորովին ուրիշ են: Ես գրազ կգամ, որ ով բանուորների ու աղքատների հետ ներողամտութեամբ և բարեսրտութեամբ վարուի, իր ստացուածքը կկորցնի, որովհետեւ դրանք ամեն տեղ էլ խաբեբաններ են: Այսպէս էր խօսում տանուտէրը և իրեն անհանգստացնող խղճի ձայնը խեղդում իր սրտի մէջ: Նրա խիղճն ասում էր, որ քահանան իրաւունք ունի, որ ինքն է գիւղի բոլոր աղքատների արիւն բրտինքն եղունգների տակից հանող մարդը: Բայց որչափ ուզում էր տանուտէրն այդ ձայնը խեղտել, դարձեալ լաւ չէր զգում իրեն: Երկիւղն ու հոգսը յայտնի կերպով տանջում էին նրան. և նա կուչ գալով՝ վերեւ ու ներքեւ էր անում սենեակում և ապա կրկին ասում.

«Ես անպէս դառնացած եմ քահանայի քարոզի վրայ, որ չգիտեմ թէ ինչ եմ անում և առհասարակ լաւ չեմ զգում ինձ: Արդեօք ցո՛ւրտ է այստեղ, դրացիներ, ինչ որ տուն եմ եկել՝ մըսում եմ»:

Ո՛չ, ասացին գիւղացիները, ցուրտ չէ: Բայց արդէն եկեղեցում կարելի էր տեսնել, որ դու առողջ չես. մեռելի գոյն ունէիր այնտեղ:

Տանուտէր: Մի՞թէ նկատելի էր: Այո, հէնց այնտեղ վառ էի զգում ինձ, ինչպէս երևում է կըերմեմ, շատ

*) Խաբեբանների գլխաւորը մոռանում է, որ հարուստ խաբեբաններն իրենց իրենց համար են գործում և այդ պատճառով ուրիշներին չեն ծառայում:

Թող եմ: Պէտք է կոնծեմ. գնանք յետևի սենեակը և բարոզի ժամանակ այնտեղ քէֆ անենք:

41.

ԷՀԷԳԱՌԻՄԷՐՆ ԻՄԱՅ Է ՏԱԼԻՍ ՔԱՀԱՆԱՅԻՆ ԵՂԱԾ ԱՆ-
ԿԱՐԳՈՒԹԵԱՆ ՄԱՍԻՆ

Սակայն ԷՏԷգառւմէրը *), որ տանուտէրի բնակուած փողոցումն էր ապրում և քարոզի ժամանակ տեսաւ, որ Էբին, Քրիստէն և ուրիշ անպիտաններ գինետուն գնացին, բարկացաւ սաստիկ և իսկոյն մտաբերեց իր երգումը, որով խօսք էր տուել՝ հսկել ամեն անկարգութիւնների, անաստուած արարքների վրայ և քահանային հաղորդել: ԷՏԷգառւմէրը մի՛ պատուաւոր մարդու պատուիրեց, որ հսկէ այդանպիտանների վրայ՝ թէ արդեօք քարոզից առաջ գինետանից դուրս կը գան թէ ոչ. և երբ արդէն զանգահարելու ժամանակը հասաւ և ոչ ոք գինետանից դուրս չեկաւ, գնաց քահանայի մօտ, ասաց իր տեսածը և յայտնեց նոյնպէս, որ Սամուէլին պատուիրել է հսկել նրանց վրայ: Քահանան վախեցաւ այս յայտարարութեան վրայ, ինքն իրեն գաղտնի հառաչեց և շատ չխօսեց: ԷՏԷգառւմէրը կարծեց թէ քահանան դեռ մտածում է իր քարոզի մասին և մի բաժակ գինու մօտ նըստած՝ սովորականից քիչ խօսեց:

Վերջապէս երբ քահանան եկեղեցի էր ուղղւում գնալ, Սամուէլն եկաւ. ԷՏԷգառւմէրն ասաց նրան, այժմ կարող ես արժանապատիւ քահանային ամեն բան պատմել:

Սամուէլ: Բարեւ ձեզ, արժանապատիւ Հայր:

Քահանան: Ողջոյն ձեզ. այն մարդիկը դեռ տուն չը վերադարձան:

Սամուէլ: Ո՛չ, տէր հայր, ԷՏԷգառւմէրի պատուերից յետոյ շարունակ ման եմ եկել գինետան շուրջը. բացի տանուտէրի կնոջից, որ այժմ եկեղեցումն է, ոչ ոք դուրս չեկաւ այնտեղից:

*) ԷՏԷգառւմէր (ամուսնական հաւատարմութեան վրայ հրուիր) կուչում էին Զուրիցերիայում եկեղեցու աւազները, որոնց պաշտօնն էր քահանայի հետ միասին հսկել կրօնի, բարոյականութեան և կարգապահութեան վրայ:

Քահանան: Ուրեմն հաստատ գիտե՞ս, որ նրանք ամենքը դեռ գինետանն են:

Սամիւէլ: Այո՛, տէր հայր, հաստատ գիտեմ: Իհնէզաոււմէր: Տեսնո՞ւմ էք այժմ, արժանապատիւ հայր, որ ես չեմ սխալուել և որ պէտք է իմաց տայի:

Քահանան: Կատարեալ դժբաղդութիւն է, որ ճաշկաման օրն էլ այսպիսի բաներով պէտք է զբաղուենք:

Իհնէզաոււմէր: Ինչ որ արինք, արժանապատիւ հայր, մեր պարտքն էր:

Քահանան: Ես գիտեմ այդ և շնորհակալ եմ ձեր հոգացողութեան համար, սակայն բարեկամներ, մի փոքր պարտաւորութեան համար մի մոռանաք աւելի մեծ և ծանր պարտքը, մարդուս ամենաառաջին ու ամենանշանաւոր պարտաւորութիւնն է հսկել նոյն իսկ իր անձի ու սրտի վրայ. այդ պատճառով դժբաղդութիւն է, երբ մարդուս մոռած մունքը ցրւում է այդպիսի շարութիւններով:

Մի վայրկեանից յետոյ քահանան շարունակեց. Ո՛չ, այլ ևս կարելի չէ երկար դիմանալ, այդ արդէն անսահման անկարգութիւն է, ամեն անգամ ներելով աւելի վատ է լինում:

Յետոյ նա այդ մարդկանց հետ եկեղեցի գնաց:

42.

ՅԱԻԵԼՈՒԱԾ ԱՌԱՒՕՏԵԱՆ ՔԱՐՈՋԻ

Չարչարանաց պատմութիւնից քահանան յիշեց. «Երբ Յուդան մի փոքր ճաշակեց, սատանան մտաւ նրա սիրտը», խօսքերը և մատնիչի ամբողջ պատմութիւնն արաւ. յետոյ մեծ եռանդով սկսեց ձեռքերն ուժով խփել ամբիոնին, որ շատ տարիների ընթացքում չէր արել: Նրանք, ասաց նա, որոնք Տիրոջ հաղորդութիւնից փախչում են, որ թուղթ խաղան և խմեն, մի մազաչափ անգամ Յուդայից լաւ չեն և դրանց վերջն էլ Յուդայի վերջը կլինի:

Եկեղեցում եղած մարդիկն սկսեցին զարմանալ և մտածել՝ թէ ի՞նչ է նշանակում քահանայի այդ մեծ եռանդը: Տեղ տեղ սկսեցին գլուխները միմեանց մօտեցնել և փսփսալ, որ տանուտէրն իր տունը լցրել է անպիտաններով և շուտով ամենքն աջ ու ձախ կողմից սկսեցին նայել տանուտէրի

դատարկ աթոռի և նրա ամուսնու վրայ: Աերջինս նկատեց
այդ, դողաց, աչքերը գետին ձգեց, չէր համարձակու-
մէկի երեսին նայել և երգի սկզբին եկեղեցուց դուրս գը-
նաց: Բայց այդ դէպքից յետոյ խօսակցութիւնն աւելի մեծա-
ցաւ և շատերն սկսեցին մատնացոյց անել նրան, ամենավեր-
ջին նստարանների վրայ նստողները մինչև անգամ կանգնե-
ցին նստարանների վրայ, որ տեսնեն նրան և նոյն իսկ եր-
գեցողութիւնը խանգարուեցաւ այդ աղմուկից:

43.

ԳԻՆԵՏԱՆՆ ԵՂԱԾ ԳԻՒՂԱՑԻՆԵՐՆ ԱՆՀԱՆԻՍՏԱՆՈՒՄ ԵՆ

Տանուտէրի կինն իր կարողութեան չափ արագ վազեց
տուն և սենեակ մտնելով՝ բարկացած ձգեց ժամագիրքը
շշերի և բաժակների մէջ և սկսեց բարձրաձայն ողբալ:

Տանուտէրն ու գիւղացիները հարցրին թէ ի՞նչ է պա-
տահել:

Տանուտէրի կինը: Մի՞թէ չգիտէք, որ այսպիսի մի
սուրբ օր հարբեցողութեամբ պարապելն անարդար բան է:

Տանուտէր: Եթէ այդ է բոլորը, մեծ բան չէ:

Գիւղացիներ: Առաջին անգամ է, որ դու ողբում
ես այդ բանի համար:

Տանուտէր: Ես կարծեցի՝ թէ առ սակաւն փողի բը-
սակը կորցրած կլինես:

Տանուտէրի կինը: Յիմարութիւններ արա՛, եթէ ե-
կեղեցում լինէիր՝ այդպէս չէիր խօսի:

Տանուտէր: Ի՞նչ է պատահել, այդպէս մի ողբայ և
խօսիր, ի՞նչ է պատահել:

Տանուտէրի կինը: Ինչպէս երևում է քահանան իմա-
ցել է, որ բարոյի ժամանակ դուք այստեղ խմում էք:

Տանուտէր: Այդ շատ վատ կլինէր:

Կինը: Նա անպատճառ գիտէ այդ:

Տանուտէր: Ո՞ր սատանան կարող էր ասել նրան:

Կինը: Որ սատանան, յիմա՛ր, նրանք վառարանի մի-
ջով չեն սենեակը մտնում, այլ գալիս են իրենց ծխամոր-
ջով փողոցի կողմից և յետոյ օրինաւոր կերպով Էհէգաու-
մէրի տան մօտովն անցնում: Քարոզի ժամանակ քահանան
ա՛յսպիսի բան արեց, որ անկարելի է արտայայտել, բոլոր

ճարգիկն սկսեցին ինձ վրայ մատնացոյց անել:

Տանուտէր: Այդ սատանայական արարքն իմ գէմ է ուղղուած կրկին:

Կինը: Ինչո՞ւ հէնց այսօր պէտք է գայիք, խմող չնե՞ր, մի՞թէ չգիտէիք, որ արգելուած է:

Գիւղացիներ: Մենք մեղաւոր չենք, նա մարդ ուղարկեց մեզ մօտ և կանչել տուեց:

Կինը: Ճշմարիտ:

Գիւղացիներ: Այո՞, այո՞:

Տանուտէր: Ես ա՛յնպիսի դուրձեան մէջ էի, որ անկարող էի մենակ մնալ:

Կինը: Այդ միւսնոյն է. բայց դրացիներ, որքան կարող էք շուտ տուն գնացէք յետևի դռնից և այնպէս արեք, որ ժողովուրդն եկեղեցուց դուրս գալիս՝ ամեն մէկիդ իր դրան առաջը տեսնի: Այսպիսով կարող էք իրողութիւնը քողարկել: Ի՛նչ երգեցողութիւնը չի վերջացել, գնացէք, դեռ ժամանակ ունեք:

Տանուտէր: Այո՞, գնացէք, գնացէք:

Գիւղացիները գնացին: Կինը մանրամասն պատմեց տանուտէրին, որ քահանան քարողեց Յուդայի մասին, թէ ի՞նչպէս սատանան նրա սիրտը մտաւ, թէ ի՞նչպէս նա կախուեց և թէ նրանք, որոնք հաղորդութիւնը թողնելով՝ գնում են խմելու և թուղթ խաղալու, միւսնոյն վերջը կունենան: Նա այնպէս եռանդ էր ստացել, աչաց կինը, որ բռունցքով ամբիոնին էր խփում և ես համարեմ թէ ուշաթափուեցայ: Տանուտէրն ա՛յնպէս վախեցաւ կնոջ պատմածի վրայ, որ համբաւ և ոչինչ չպատասխանեց. ծանր և խորը հառաչանքներ դուրս թռան նրա հպարտ բերանից: Շատ տարիներից ի վեր տանուտէրն այդպէս չէր հառաչել:

Կինը յաճախ հարցնում էր՝ թէ ինչո՞ւ է այդպէս հառաչում, բայց նա ոչ մի խօսքով չէր պատասխանում և երկար հառաչանքով ինքն իրեն ասում էր. մինչև ե՞րբ պէտք է շարունակուի այսպէս: Յետոյ սկսեց սենեակի մէջ արագ մանգալ և վերջապէս կնոջն ասաց. սափրիչից մի փոքր հանգստացուցի՜չ փոշի բեր, արիւնս եռում է և անհանգըստացնում ինձ: Եթէ այդ փոշին չօգնէ, վաղը պէտք է արին թողնել տամ: Կինը բերեց փոշին, նա ընդունեց ու

մի փոքր ժամանակից յետոյ ճշմարիտ որ թեթևութիւն զգաց:

44.

ՄԻ ՄԱՐԴՈՒ ՍՐՏԻ ՊԱՏՄՈՒԹԻՒՆԸ՝ ՀԱՂՈՐԴՈՒԹԵԱՆ ԺԱՄԱՆԱԿ

Յետոյ տանուտէրը պատմեց իր կնոջը, թէ ինչպէս ինքն այսօր բարի և հաշտուած սրտով եկեղեցի գնաց, թէ ինչպէս իր աթոռի վրայ նստած Աստուծոց ներողութիւնն ինդրեց իր մեղքերի համար, բայց քահանայի բարոյի վրայ կատաղեց և այն վայրկեանից ոչ մի բարի միտք չէ ծագել նրա գլխում. ասաց նոյնպէս, որ հաղորդութեան ժամանակ սարսափելի և երկիւղ պատճառող բաների վրայ է մտածել շարունակ:

— Հաղորդութեան ժամանակ ոչ կարողանում էի հառաչել և ոչ աղօթել: Սիրտս քարացել էր. քահանան էլ ճակելիս այնպէս նայեց երեսիս, որ անկարելի է արտայայտել: Ո՛չ, չեմ կարող արտայայտել, բայց միւսնոյն ժամանակ չեմ կարող մոռանալ թէ նա ինչպէս նայեց: Դատաւորը խեղճ յանցաւորին կախաղանի ու խարոյկի պատժին ենթարկելիս էլ այդպէս չէ՛ կարող նայել նրան: Չեմ կարող մոռանալ թէ ինչպէս նայեց: Սառը բրախը ծածկեց ճակատս և ձեռքս դողում էր, երբ նրա ձեռքից ընդունեցի սուրբ հաղորդութիւնը: Ճաշակուելուց յետոյ այնպէս կատաղի և սարսափելի կերպով բարկացայք քահանայի վրայ, որ ատամներս կրճտացնում էի, բայց չէի համարձակում նայել նրան: Կի՛ն, սիրտս ամենաանպիտան բաներով լցուեց: Ես վախենում էի այդ մտքերից — ինչպէս որ վախենում եմ մեծ փոթորիկներից — սակայն չէի կարողանում ազատուել դրանցից: Ես այնպէս էի դողում աւազանի ¹⁾ առաջ, որ սարսափից ու զզուանքից հազիւ էի կարողանում բաժակը ձեռքիս բռնել: Այդ ժամանակ Յովսէփն եկաւ իր պատուաւած կօշիկներով և իմ առաջ իր խորամանկ աչքերը դէպի գե-

¹⁾ Բռննալում հաղորդողները մկրտութեան աւազանի առաջն են քահանայից ընդունում ճաշակման հացը, իսկ բաժակը գիւղի աւազներից:

տին ուղղեց: Յիշեցի իմ տուած երեք թալէրը և հոգիս ու մարմինս ցնցուեց: Յետոյ եկաւ Գերտրուդը, աչքերը բարձրացրեց դէպի երկինք և ապա դէպի բաժակը, կարծես թէ ինձ չէր տեսնում, կարծես թէ ես այնտեղ չլինէի: Նա տուում, անիծում է ինձ և գետնի հետ հաւասարեցնում. նա կարողացաւ այնպէս անել, որ իրրեւ թէ ինձ չէ՛ տեսնում, որ իրրեւ թէ ես այնտեղ չեմ: Յետոյ եկաւ որմնագիրը և ա՛յնպիսի խղճալի հայեացքով նայեց ինձ, որ կարծես թէ սրտի խորքից ուղղում էր ասել, ներքի ինձ, տանուտէր: Նա, որ եթէ կարողանար, կախաղան կբարձրացնէր ինձ: Յետոյ եկաւ Շաբէնիխէլը, որ ինձ պէս գունատ ու վախեցած էր և դողում էր ինձ նման: Երեւակայի՛ր, թէ այդ միջոցին սիրտս ի՞նչ դրուածեան մէջ կլինէր: Ես վախենում էի, թէ Հանս Վիլստը նոյնպէս կգայ: Եթէ նա՛ էլ գա՛ր, այլ ևս չէի կարող դիմանալ և բաժակը ձեռքիցս վայր կընկնէր ու ես էլ անպատճառ գետին կգլորուէի: Համարեա՞ թէ էլ չէի կարողանում ոտքիս վրայ կանգնել և երբ աթոռիս վրայ նըստեցի, ա՛յնպիսի դող ընկաւ մարմնիս մէջ, որ երգելու ժամանակ էլ չէի կարողանում գիրքը ձեռքիս պահել: Եւ այդ ժամանակ միտքս էր ընկնում միշտ, որ Արներն է մեղաւորն այս բոլորի մէջ. կատաղութիւնը, բարկութիւնն ու վրէժխնդրութիւնն եռում էին սրտիս մէջ: Հաղորդութեան ժամանակ ա՛յնպիսի բան ընկաւ միտքս, որ կեանքումս երբեք չէի մտածել: Ես չեմ համարձակւում ասել այդ, մտածելիս արդէն սարսափում եմ: Արներին վրէժխնդիր լինելու համար մտածեցի՝ ճանապարհի վրայ եղած մեծ սահմանաքարը ժայռերի վրայից ներքեւ գլորել: Այդ սահմանաքարի գոյութիւնը միայն ինձ է յայտնի:

45.

ԿԻՆՆ ԻՐ ԱՄՈՒՄՆՈՒՆ ՄԵԾ ԺՀՄԱՐՏՈՒԹԻՒՆՆԵՐ Է
ԱՍՈՒՄ, ՍԱԿԱՅՆ ՇԱ՛Տ ՈՒՇ

Տանուտէրի կինը խիստ վախեցաւ իր ամուսնու խօսակցութիւնից, բայց չգիտէր՝ թէ ի՞նչ ասէ. մի վայրկեան նրանք երկուսն էլ լռեցին. վերջապէս կինն սկսեց. ես վախենում եմ այն ամենի համար, ինչ որ ասացիր: Դու պէտք է ձեռք վերցնես այդ անպիտաններից, բաններս լաւ չէ գը-

նում և յնք էլ ծերանում ենք:

Տանուտէր: Իրաւունք ունես, բայց այդ այնքան էլ հեշտ չէ՛:

Կինը: Հեշտ է թէ դժուար, այդ միւսնոյն է, դու պէտք է նրանցը հեռացնես բեզնից:

Տանուտէր: Դու լաւ գիտես՝ թէ ո՛րչափ կապուած եմ նրանց հետ. նրանք բոլոր գաղտնիքներս գիտեն:

Կինը: Բայց դու աւելի շատ բան գիտես նրանց մասին: Նրանք խաբէրանք են և չեն համարձակուի ասել: Դու պէտք է ազատուես նրանցից:

Տանուտէրը հառաչեց, իսկ կինը շարունակեց. նրանք միշտ ուտում-խմում են բեզ մօտ և ոչինչ չեն վճարում, հարբած ժամանակդ էլ խաբում են բեզ. մտածի՛ր, ի սէր Աստուծոյ, թէ ի՛նչ արեցիր երէկ Յովսէփի հետ: Ես ուզում էի բեզ խորհուրդ տալ — ա՛խ Աստուած, ի՛նչ բարի սրտով մտածեցի — բայց դու ի՛նչպէս վարուեցիր հետո: Այդ բաւական չէ՛ր կարծես թէ, երէկ քսակիցդ 2 թալէր է այնպէս տացել: Մինչև երբ պէտք է շարունակուի այդ: Եթէ հաշուես արածդ վատ գործերը և ծախսած փողերդ՝ կտեսնես որ դարձեալ դու ես տուժել. բայց դեռ էլի շարունակում ես այդ մարդկանց հետ բարեկամութիւն անել և այդ անում ես քո անաստուած մեծամտութեան համար միայն: Այդ շնորհից մէկը պէտք է խօսէ քո ցանկութեան համեմատ, միւսը պէտք է լռէ, երբ չես ցանկանում, որ խօսէ: Եւ դրա փոխարէն նրանք ուտում և խմում են բեզ մօտ, բայց եթէ ձեռքներիցը գայ՝ անդունդը կգլորեն բեզ: Այո՛, կա՛ր ժամանակ, երբ ամենքը բեզնից վախենում էին, դու կարողանում էիր նրանց սանձը ձեռքիդ պահել, բայց այժմ էլ չես կարողանում իշխել նրանց վրայ: Իմացած եղի՛ր, որ եթէ նրանցից չհեռանաս, ծերութեանդ օրերում կորած մարդ կլինես: Մեր դրութիւնը շա՛տ կասկածաւոր է. հէնց որ հեռանում ես, ծառաներն էլ չեն աշխատում, միայն ծիծաղում, յիմարութիւններ են անում և խմել են ցանկանում:

Այսպէս խօսեց կինը, բայց տանուտէրը ոչինչ չպատասխանեց և նստած էր նրա առաջը՝ զարմացած և լուռ: Վերջապէս նա վեր կացաւ տեղից, գնաց այգին, այնտեղից

մարգագետինը և յետոյ ձիերի ախոռը: Հոգսն ու երկիւղը պտտեցնում էին նրան. նա մի վայրկեան մնաց ախոռում և սկսեց ինքն իրեն խօսել:

46.

ՏԱՆՈՒՏԷՐՆ ԻՐ ՄՏԱԾՄՈՒՆՔՆԵՐԻ ՄԷՋ ԴԺԲԱՂԴԱՐԱՐ
ՇԱՄՏ Է ՀԵՌՈՒ ԳՆՈՒՄ

Ահնա իրաւունք ունի, բայց ի՞նչ անեմ. չեմ կարող օգնել: Անկարելի է, որ կարողանամ այդ բոլորից ազատուել: Այդպէս ասաց Հումելը, յետոյ կրկին անիծեց Արներին, կարծես թէ այդ բոլորի պատճառը նա՛ լինէր, ապա հայհոյեց քահանային, որ նրան եկեղեցումն այնպէս կատարեցրել էր: Յետոյ կրկին մտաբերեց սահմանաքարը և ասաց. այդ անիծուած քարն ես տեղահան չեմ անի, բայց եթէ անող լինի՝ Արները կկորցնի իր անտառի երրորդ մասը: Այո՛, այդպէս է. ութերորդ և իններորդ պետական սահմանաքարերն այդ կտորն ուղիղ գծով կբաժանեն: Բայց Աստուած ո՛չ անի, սահմանաքարը չեմ տեղափոխի. սակայն եթէ այդ ճիշտ սահմանաքար չլինի՞. այդ քարը կարծես թէ ջրհեղեղից է մնացել, ո՛չ համար ունի և ո՛չ էլ նշան: Յետոյ գնաց իր սենեակը, վերցրեց հաշուեմատեանը, հաշուեց, գրեց, թերթեց, թղթերը միմեանցից բաժանեց, կրկին միացրեց, մոռացաւ կարդացածը, նորից որոնեց, ինչ որ հէնց այժմ գրել էր, ապա գիրքը գրեց կրկին արկղի մէջ, սկսեց սենեակում ման գալ և մտածում ու խօսում էր ինքն իրեն՝ կալուածատիրոջ նշան ու համար չունեցող սահմանաքարի մասին: Վռհասարակ ոչ մի սահմանաքար առանց նշանի չէ. ի՞նչ է միտս գալի. կարծեմ Արներներից մէկը պէտք է պետական անտառը խիստ փչացրած լինի. գուցէ հէնց այդ տեղն է. այդ քարը մի անբնական և ծուռը գծով է բաժանում Արների կալուածքը պետական անտառից: Այդ տեղից երկու ժամուայ հեռաւորութեամբ գիծն աւելի ուղիւ է. քարն էլ ոչինչ նշան չունի և բաժանուած տեղը փոս չկայ. եթէ անտառը պետութեանը պատկանի, ես անարդարութիւն արած չեմ լինի, այլ հաւատարիմ կլինեմ երկրի պետին: Բայց եթէ սխալուե՛մ, ո՛չ չեմ տեղափոխի քարը: Տեղափոխելու համար պէտք է նրա

շուրջը փորել և մի բարձրակեցի հեռաւորութեան չափ դաշտի վրայ ցած գլորել՝ մինչև ժայռը, իսկ բարձր ծանր է։ Յերեկով քլունգի իւրաքանչիւր թխկոցը լսելի կլինի, որովհետև կառուղուց մօտիկ է, իսկ գիշերը... չեմ համարձակուի, ամեն մի խշխշոցից կվախենամ։ իսկ եթէ մի գորշուկ կամ մի եղնիկ դուրս թռչի, ես կուշաթափուեմ։ Եւ ո՞վ գիտէ թէ աշխատելու ժամանակ մի ուրուական չի բռնի ինձ։ Ճշմարիտ որ սահմանաքարի մօտ գիշերն ապահով չէ։ աւելի լաւ է, թողնեմ այդ միտքը։

Մի վայրկեանից յետոյ նա կրկին շարունակեց. ինչո՞ւ շատ մարդիկ ո՛չ դժոխքի և ո՛չ էլ ուրուականների են հաւատում։ Առաջուայ գրագիրը ո՛չ մէկին էլ չէր հաւատում, իսկ փոխանորդը, Աստուած է վկայ, անկարելի է, որ մի բանի հաւատար։ Գրագիրը հարկւր անգամ բարձրաձայն ասել է ինձ. մեռնելուցս յետոյ ամեն բան կվերջանայ ինձ հետ, ինչպէս որ իմ շան կամ ձիու սատկելուց յետոյ. նա հաւատում էր իր ասածին, ոչնչից չէր վախենում և ուզածն անում էր։ Գուցէ նա իրաւունք ունէր։ Եթէ ես էլ կարողանայի հաւատալ, յուսալ և ընդունել սրբտանց, որ այդ ճշմարիտ է—որսի ժամանակ հէնց առաջին անգամ Արնբրին տեսնելիս թիփերի յետևից կսպանէի նըրան. բահանայի տունը կրակ կտայի։ Բայց ի զո՞ւր. ես չեմ կարող հաւատալ. չեմ կարող յուսալ։—Այդ ճշմարիտ չէ. դրանք յիմարներ են, մոլորուած յիմարներ, որ հաւատում են այդ բաներին։—Ո՛հ, ո՛չ, կա՛յ մի Աստուած. Աստուած կա՛յ—սահմանաքար, սահմանաքար, չեմ տեղափոխի բեզ։

Այսպէս էր խօսում Հումբելը և դողում, բայց այդ միտքը նրանից չէր հեռանում։ Նա ինքն իրենից զզուեց և ուզում էր փախչել. դուրս գնաց փողոց, խօսեց առաջին պատահած գիւղացու հետ՝ եղանակի, բամու և այն որդերի մասին, որ երեք տարի առաջ անօսրացրել էին հաճարը։ Մի փոքր ժամանակից յետոյ՝ մի բանի ծարաւ մարդկանց հետ նորից եկաւ գինետուն, գինի տուեց նրանցը, ինքը սափրիչից կրկին փոշի առնելով ընդունեց և այդպիսով վերջապէս մթնացրեց այդ տօն օրը։

47.

ԸՆՏԱՆՆԿԱՆ ԿԻՐԱԿՆՕՐԵԱՅ ԶՈՒԱՐՃՈՒԹԻՒՆ

Թողնում եմ բեզ մի վայրկեան, տո՛ւն զղուանաց. սիր-
աբս ծանր էր, աչքս խաւար, ճակատս խորշոմած և վա-
խենում էի քո զղուելի արարքներից. այժմ մի վայրկեան
թողնում եմ բեզ: Աչքս կրկին լուսաւորւում է, ճակատս
բացւում և կուրծքս նորից ազատ շնչում: Եւ մօտենում
եմ կրկին մի խրճիթի, ուր մարգասիրութիւն կայ:

Այսօր առաւօտը Լինհարդն և իր կին Գերտրուդը
եկեղեցի էին գնացել, իսկ դրանց մանուկները նստած էին
միասին իրենց սենեակում՝ հանգիստ և երկիւղածութեամբ
աղօթում, երգում և կրկնում էին այդ շաբաթուայ ըն-
թացքում սովորածները, որովհետեւ սովորութիւն ունէին
իւրաքանչիւր կիրակի երեկոյ բոլորը Գերտրուդին պատմե-
լու: Երբ մայրն եկեղեցումն էր լինում, Լիզէն, ամենից մե-
ծը, պէտք է միշտ հոգս տանէր փոքրիկ Գրիտէլի մասին,
նրան վերկացնէր, մաքրէր, կերակրէր. և այս բանը Լիզայի
համար կիրականօրեայ զուարճութիւն էր դարձել: Երբ
նա փոքրիկին իր ձեռքն էր առնում և խաղում, երեւակա-
յում էր, որ ինքն էլ մեծ է: Արժէ՛ր տեսնել՝ թէ ինչպէս էր
նա մօր դերը կատարում, փոքրիկին հազար անգամ կրծքին
կայցնում, գլխով անում ու ժպտում. փոքրիկը փոխադար-
ձաբար ժպտում էր, ձեռքերը տարածում և ոտքերը բարձր
ու ցածր անում նրա գրկում: Նա՛ մէկ Լիզէի գլխի ծած-
կոցից էր բռնում, մէկ նրա փոքրիկ հիւսից, մէկ բթից, յե-
տոյ կիրականօրեայ խայտաբղէտ վիճոցից և ի՛-է, ի՛-է ա-
նում: Նիկլասն ու Էննէն էլ ի՛-է էին պատասխանում:
Փոքրիկն իր գլուխն ու աչքերը շրջելով՝ որոնում էր այդ
ձայնը, նայում Նիկլասին և ժպտում. Նիկլասը տեղից վե՛ր
էր թռչում և իր ժպտող քոյրիկին գրկում: Այս բոլորը
շատ սիրուն էր: Լիզէն ուզում էր, որ փոքրիկը միայն իր
երեսին ժպտայ, հոգում էր նրա լացի առաջն առնել և ու-
րախացնում էր նրան՝ հոգացողութեամբ մէկ մինչև առաս-
տաղը բարձրացնելով և մէկ էլ մինչև յատակն՝ իջեցնելով:
Գրիտէլին այս խաղի ժամանակ ուրախանում էր և փոքրիկի
ձեռքերն ու գլուխը հայելու վրայ սեղմում: Փոքրիկը հե-

ուսից տեսնելով մօր գալը՝ գլխով էր անում, ժպտում, ձեռքերը դէպի նա տարածում և համարեա՝ թէ թաւալւում քող ձեռքերի վրայ: Այս ամենը ճշմարիտ որ գեղեցիկ էր: Լինհարդի երեսանների կիրակնօրեայ մշտական զուարճութիւնն էր այդ: Եւ ո՛րքան սիրելի է Տիրոջն այդ ուրախութիւնը, նա բաւականութեամբ է նայում մանուկների անմեղութեան վրայ, երբ դրանք ուրախանում են իրենց գոյութեամբ և օրհնում է, որ դրանք իրենց ամբողջ կեանքի ընթացքում արդար, լաւ և առողջ լինեն:

Գերտրուդն այսօր բաւական մնաց իր մանուկներից, որովհետեւ ինչ որ հրամայուած էր, ամեն բան կարգին էին արել: Եւ իսկապէս մանուկների համար շատ մեծ ուրախութիւն է, երբ հայրն ու մայրը բաւական են մնում դրանցից:

Գերտրուդի երեսաններն այժմ վայելում էին այդ ուրախութիւնը: Նրանք իրենց ծնողների գիրկն էին ընկնում, որոնում էին նրանց ձեռքերը, բռնում կռնները և յետոյ պարանոցով փաթաթւում: Լինհարդի և Գերտրուդի համար տօն օրերի ամենաքաղցր վայելչութիւնն այդ էր: Գերտրուդը մայր լինելուց յետոյ դրանից աւելի մեծ զուարճութիւն չունէր. այդ պատճառով նրա զաւակներն էլ բարի և երկիւղած էին: Լինհարդն արտասուեց այսօր, յիշելով, որ իր անմտութեամբ յաճախ ներկայ էր եղել այդ ընտանեկան զուարճութիւններին:

Ընտանեկան զուարճութիւնն ամենագեղեցիկն է երկրիս վրայ, իսկ ծնողների՝ իրենց զաւակներով ուրախանալը, մարդկութեան ամենասուրբ զգացմունքը: Դրանով ծնողների սիրտը բարի և երկիւղած է դառնում, մարդկութիւնը համբառնում է դէպի երկնաւոր Հայրը. Տէրն օրհնում է այսպիսի ուրախութեան արտասուքը և վարձատրում հօր հաւատարմութիւնն ու մօր հոգացողութիւնը: Բայց այն անաստուած հայրը, որ իր որդոց վրայ ուշադրութիւն չէ դարձնում, նրանց իբրեւ ծանր բեռն է նկատում, շաբաթուայ ընթացքում փախչում նրանցից և կիրակի օրը թագնւում, հանգստութիւն է որոնում, նրանց անմեղ ուրախութիւններից փախչում և անհամբերութեամբ սպասում, որ նրանք էլ իրենց անմեղութիւնը կորցնելով իր նման դառնան՝ քրքի է տալիս աշխարհիս ամենավսեմ երջանկութեանը: Այդպի-

սի ծնողն էլ ուրախութիւն չի տեսնի իր զաւակներից և հանգստութիւն չի գտնի նրանց ձեռքից:

Լինհարդն ու Գերտրուդն այդ տօնի օրն ուրախ սըրտով խօսեցին մանուկների հետ՝ երկնաւոր բարի Աստուծոյ և Փրկչի չարչարանաց մասին: Երեսաները լսում էին խաղաղ և ուշադիր. կէս օրը հարսանեաց հանդէսի պէս ուրախ և արագ անցաւ. այդ միջոցին զանգահարեցին և Լինհարդն ու Գերտրուդը կրկին դնացին եկեղեցի:

Ճանապարհին, երբ անցնում էին տանուտէրի տան առաջովը, Լինհարդն ասաց Գերտրուդին, այս առաւօտ տանուտէրը սարսափելի դէմք ունէր եկեղեցում, կեանքումս նրան այդպէս չեմ տեսել: Իր պաշտօնը կատարելիս՝ քրտինքը կաթում էր նրա ճակատից, դու չնկատեցի՞ր, Գերտրուդ, բաժակն ինձ տալիս նա դողում էր:

Գերտրուդ: Ես չնկատեցի:

Լինհարդ: Սիրտս կտրտուեց նրան այդպէս տեսնելով. եթէ ես համարձակութիւն ունենայի, բարձրաձայն կասէի. ներքի ինձ, տանուտէր: Եթէ ես մի բանով կարողանայի նրան ցոյց տալ, որ նրա վատը չեմ ուզում, կանէի:

Գերտրուդ: Աստուած թող վարձատրէ քեզ այդպիսի մտքերիդ համար, սիրելիս. լաւ որ դու առիթ ունես այդպէս անելու, սակայն Բուդիի բաղցած զաւակներն և ուրիշները վրէժխնդրութիւն են աղաղակում տանուտէրի դէմ և նա հարկաւ չի կարող ազատուել այդ վրէժխնդրութիւնից:

Լինհարդ: Խղճում եմ այդ մարդուն, նա շատ դժբաղդ է: Ես վաղուց արդէն նկատել եմ, որ նա նոյն իսկ իր տան աղաղակի մէջ խորին անհանգստութեամբ չարւում է:

Գերտրուդ: Սիրելիս, ով հրաժարւում է խաղաղ և համեստ կեանքից, նրա սիրտը չի կարող երբէք հանգիստ լինել:

Լինհարդ: Եթէ ես կեանքումս մի բան պարզ տեսել և փորձել եմ, այդ այն է, որ տանուտէրի ուժեղ կողմնակիցները նրա տանն ինչ որ խորհրդակցում, սկսում և ստիպում էին, այնուամենայնիւ երբէք հանգստութիւն չէին գտնում ու բաւականութիւն չէին ստանում:

Այսպէս խօսակցելով նրանք եկեղեցի մտան և խորին

զգացմունքով լսեցին քահանայի եռանդուն բարոյը՝ Յուդայի մատնութեան մասին:

48.

ՄԵՂՔԻ ՄԱՍԻՆ

Գերտրուդն էլ լսեց կանանց նստարանների վրայ ընդհանրացած՝ այն քչփչոցը՝ թէ տանուտէրի տունը կրկին լիքըն է անպիտաններով և ժամը դուրս գալուց յետոյ նոյնը հաղորդեց Լինհարդին:

Վերջինս պատասխանեց. չեմ կարող հաւատալ մի՞թէ կարելի է այդ ժամերգութեան միջոցի՞ն, այն էլ այսպիսի մի սո՛ւրբ օր:

Գերտրուդէ: Այդ Իհարկէ սարսափելի է, բայց անաստուած կեանքի մոլորութիւններն ամենազգուշի բաներն են անել տալիս:

Լինհարդը հառաչում է, իսկ Գերտրուդը շարունակում.

Մինչև կեանքիս վերջը չեմ մոռանայ մեր հանգուցեալ քահանայի այն խօսքերը, որով նա վերջին անգամ պատրաստեց մեզ՝ սուրբ հաղորդութիւնն ընդունելու համար: Նա օրինակ բերեց ծովը, որ անձրևների ժամանակ փոքր առ փոքր անդադար բարձրանում է: Ծովի ջրի բարձրանալը, ասաց նա, աննկատելի է մնում, բայց և այնպէս նա ամեն օր և իւրաքանչիւր ժամ բարձրանում է: Ծովի այդպէս աստիճանաբար բարձրանալը նոյնչափ վտանգաւոր է, որչափ նրա միանգամից և փոթորկից մեծանալը: Այդ պատճառով փորձուած և խելօք մարդը հէնց սկզբում կսկսէ միջոցներ որոնել՝ վնասից ազատուելու համար, իսկ անխելքն ու անփորձն ուշադրութիւն չի դարձնի ծովի ջրի բարձրանալու վրայ, մինչև որ արտաքին պարիսպները չքանդուեն և դաշտերն ու մարգագետիններն անապատներ չդառնան, մինչև որ վտանգից զգուշացնելու համար զօղանջող զանգի ձայնը երկրի բնակիչներին չհրաւիրէ աւերման առաջն առնելու: Այդպէս էլ մեղքն է, ասաց նա, և նրանից յառաջացած աւերմունքը:

Ես թէև դեռ ծեր չեմ, սակայն արդէն հարիւր անգամ փորձել եմ, որ այն արդար քահանան իրաւունք ունէր. մարդ մի որևէ մեղք շարունակ գործելիս, իր սիրտն

այնպէս կոշտացնում է, որ էլ ուշադրութիւն չէ դարձնում
իր անպիտան արարքների հետզհետե՝ բազմանալու վրայ,
մինչև որ աւերումն ու զգուանքը նրան քնից չէ արթնացնում:

49.

ՄԱՆԿԱԿԱՆ ԲՆԱՌՈՐՈՒԹԻՒՆՆԵՐ

Այսպէս զրուցատրեւով նրանք հասան իրենց խրճիթը՝
բոլոր երեխաներն իրենց հօրն ու մօրը դիմաւորեցին և ու-
րախ աղաղակներով ընդունեցին նրանց: Շուտ եկ, մայր,
շուտ, արդէն կրկնել վերջացրել ենք:

Գերտրուդէ: Այսօր ինչո՞ւ այդպէս շտապում էք, սի-
րելիներս, ի՞նչ կայ:

Մանուկներ: Եթէ լա՛ւ գիտենանք, ընթրիք կստա-
նանք, այնպէս չէ՞, մայրիկ, երէկ այդպէս խոստացար մեզ:

Մայր: Այո՛, տեսե՛մ թէ ձեր սովորածն ի՞նչպէս
գիտէք:

Մանուկներ: Բայց եթէ գիտենանք, կստանանք:

Մայր: Այո՛, երբ վերջացնենք:

Մանուկները սրտանց ուրախացան և շուտ ու լաւ կըրկ-
նեցին այդ շաբաթուայ սովորածը: Յետոյ մայրը տուեց
նրանց իրենց ընթրիքը և երկու աման սէր չքաշած կաթը:
Ապա նա Գրիտեւիին իր գիրկն առաւ և ուրախութեամբ
լսում էր՝ թէ ի՞նչպէս մանուկներն ուտելու ժամանակ պատ-
մում էին միմեանց՝ թէ իրենց ընթրիքն ո՞ւմը պէտք է տան:
Ոչ որ իր բաժին հացից մի պատառ անգամ չկերաւ և կա-
թի մէջ չբրթեց. ամեն մէկը նրանցից իր հացի կտորը ցոյց
էր տալիս միւսներին և ուրախանում: Նիկլասը մօտեցաւ
մօրը, բռնեց նրա ձեռքը և ասաց. մի կտոր հաց էլ ինձ
համար կտաս, մայրիկ:

Մայր: Նիկլաս, չէ՞ որ բո՛ւ բաժինը ստացար:

Նիկլաս: Այն պէտք է Բուդեւիին տամ:

Մայր: Ես չեմ հրամայել, որ անպատճառ նրան տաս.
կարող ես ուտել, եթէ ցանկանում ես:

Նիկլաս: Ո՛չ, չեմ ուզում ուտել, բայց մի կտոր
էլի կտաս:

Մայր: Ո՛չ, հարկաւ ոչ:

Նիկլաս: Ինչո՞ւ:

Մայր: Որպէս զի չկարծես՝ թէ երբ ստամոքսդ լիքն է
և աւելի չես կարող ուտել, այն ժամանակ միայն պէտք է
յիշես աղքատներին:

Նիկիլաս: Միայն այդ պատճառով, մայրիկ:

Մայր: Բոլորը կտաս նրան:

Նիկիլաս: Այո, մայրիկ, ես գիտեմ, որ նա շատ բաղ-
ցած է, իսկ մենք ժամի վեցին արդէն կընթրենք:

Մայր: Նիկիլաս, կարծեմ նա այն ժամանակ էլ ոչինչ չի
ստանայ:

Նիկիլաս: Այո, Աստուած է վկայ, մայր, նա ճամարիտ
որ չէ ընթրում:

Մայր: Այո, սիրելիս, չբաւորների թշուառութիւնը
մեծ է. մարդ պէտք է շատ անսիրտ լինի, որ նրանց կա-
րիքը փոքր ինչ թեթեւացնելու համար՝ իր բերնիցը մի բան
չկտրի ու նրանցը տայ:

Նիկիլասի աչքերն արցունքով լցուեցին, իսկ մայրը հարց-
րեց նաև միւս մանուկներին:

Մայր: Լիզէ, դ՞ու էլ քո բաժին հացը ուրիշին պէտք
է տաս:

Լիզէ: Այո, ի հարկէ, մայրիկ:

Մայր: Իսկ դ՞ու, Էննէ, դու նո՞յնպէս:

Էննէ: Այո, մայրիկ:

Մայր: Դու նո՞յնպէս, Եօնաս:

Եօնաս: Ես էլ այդպէս եմ մտածում, մայրիկ:

Մայր: Շատ լաւ, զաւակներս, բայց ի՞նչպէս պէտք
է սկսէք. ամեն բան իր կարգ ու կանոնն ունի. շատ անգամ
պատահում է, որ լաւ բան մտածելիս՝ անիրաւացի բան
ենք անում: Նիկիլաս, ի՞նչ պէտք է անես քո հացը:

Նիկիլաս: Ես, ինչքան կարող եմ, արագ կվազեմ Բու-
դիի մօտ, Բուդէլին դուրս կկանչեմ ու կտամ նրան: Թոյլ
կտա՞մ, որ հէնց այժմ գնամ, մայրիկ:

Մայր: Սպասիր մի փոքր, Նիկիլաս: Լիզէ, դ՞ու ինչ
պիտի անես հացդ:

Լիզէ: Ես Նիկիլասի նման չեմ անի, այլ նշանով կկան-
չեմ Բեթէլին մի անկիւն և գողնոցիս տակ ծածկած հացն

այնպէս կտամ նրան, որ ոչ ոք չնկատէ և մինչև անգամ
իր հայրը չտեսնէ:

Մայր: Իսկ դո՛ւ, Էննէ, ի՞նչ պիտի անես:

Էննէ: Ես չգիտեմ թէ ի՞նչպէս կպատահեմ Հայրե-
լին. բայց ինչպէս էլ որ լինի, նրան կտամ:

Մայր: Իսկ դո՛ւ, Եօնաս, փոքրիկ սատանայ, ինչպէս
երևում է մտքումդ մի չարութիւն ունես, ի՞նչ պիտի անես:

Եօնաս: Ես նրա բերանը կդնեմ հացը, մայր, ինչպէս
որ դո՛ւ ես անում ինձ ուրախ ժամանակդ: Աչքերդ փա-
կիր և բերանդ բաց, կասեմ նրան և յետոյ նրա ատամ-
ների մէջ կդնեմ հացի կտորը. նա կծիծաղի, այնպէս
չէ՞, մայր:

Մայր: Այդ բոլորը լաւ է, զաւակներս, բայց և այն-
պէս մի բան պէտք է ասեմ ձեզ. դուք պէտք է հացն այն-
պէս ծածուկ տաք մանուկներին, որ ոչ ոք չնկատէ և չկարծէ
թէ՝ դուք ուզում էք ձեզ ցոյց տալ:

Նիկկաս: Ուրեմն ես է՛լ պէտք է գրպանս դնեմ հացը, մայր:

Մայր: Հասկանալի է, Նիկկաս:

Լիզէ: Ես այդպէս չպէտք է անեմ մայր, և առաջուց
էլ ասացի, որ այդպէս չեմ անի:

Մայր: Դու միշտ սիրում ես կատակ անել, Լիզէ: Ես
մոռացայ, որ գովեմ բեզ դորա համար. լաւ արիր որ յի-
շեցրիր ինձ:

Լիզէն կարմրեց և լռեց, իսկ մայրն ասաց մանուկնե-
րին. այժմ կարող էք գնալ, միայն թէ չմոռանաք ասածներս:
Մանուկները գնացին: Նիկկասը թռչկոտալով վազեց
դէպի Բուդիի խրճիթը, բայց Բուդէլին փողոցումը չգտնե-
լով՝ ձայն տուեց նրան. սեկայն իզուր, Բուդէլին ոչ ցած
եկաւ և ոչ էլ լուսամուտին մօտեցաւ: Նիկկասն ինքն իրեն
ասաց. ի՞նչ պէտք է անեմ այժմ. նրա սենեակը գնա՞մ,
բայց չէ՞ որ ծածուկ պէտք է տամ. ես ներս կերթամ և
կասեմ նրան որ ցած գայ:

Բուդէլին նստած էր իր հօր և եղբայր ու բոլորերի
հետ հանգուցեալ մեծ մօր բաց դադաղի մօտ, որ մի երկու
ժամից յետոյ պէտք է գերեզման իջեցնէին. հայրն ու երե-
խաներն արտասուալի աչքերով պատմում էին հանգուցեա-
լի արած բարի գործերը: Նրանք լալիս էին՝ յիշելով գետ-

Նախնձոր գողանալու դէպքը և բաց դագաղի առաջ խոստանում էին գողութիւն չանել՝ եթէ նոյն իսկ բաղնիք մեռնէին:

Հէնց այդ ժամանակ Նիկլասը բաց արեց դուռը, տեսաւ ննջեցեալին, վախեցաւ և կրկին սենեակից դուրս վազեց: Սակայն Բուդին տեսնելով նրան, կարծեց թէ Լինհարդըն իրեն ասելու բան է ապսպրել, վազեց երեսայի յետեից և հարցրեց թէ ի՞նչ է ուզում: Ոչինչ, ոչինչ, պատասխանեց Նիկլասը. ուզում էի Բուդէլիի մօտ գնալ, բայց նա աղօթում է այժմ:

Բուդէի: Այդ ոչինչ, եթէ նրա մօտ ես ուզում գրնալ, արի:

Նիկլաս: Թող նա կարճ ժամանակով դուրս գայ փողոց:

Բուդէի: Դուրսը ցուրտ է և նա սիրով չի հեռանում մեծ մօր դագաղից. ե՛կ նրա մօտ:

Նիկլաս: Չեմ կարող ներս գալ, Բուդի, թոյլ տուր նրան, որ մի րոպէ դուրս գայ:

Շատ լաւ, ասում է Բուդին և ներս մտնում. Նիկլասը գնում է մինչև դուռը և ձայն է տալիս Բուդէլիին, որ մի վայրկեան դուրս գայ:

Բուդէլի: Այժմ չեմ կարող փողոց գալ, Նիկլաս, ուզում եմ մեծ մօրս մօտ մնալ, որովհետեւ նրան շուտով տանելու են:

Նիկլաս: Միայն մի վայրկեան դուրս եկ և էլի գնա՛:

Բուդէի: Գնա՛ և տես՝ թէ ի՞նչ է ուզում Նիկլասը:

Բուդէլին դուրս է գնում. Նիկլասը բռնում է նրա ձեռքը և ասում. ե՛կ, քեզ մի բան ունեմ՝ ասելու, տանում է նրան մի անկիւն, արագութեամբ հացը նրա գրքապանն է փնտում և փախչում: Բուդէլին շնորհակալութիւն է անում և նրա յետեից կանչում. շնորհակալութիւն յայտնիր հայրիկիդ ու մայրիկիդ: Նիկլասը յետ է դառնում, նշան է անում, որ նա լռի և ասում. այդ բանը ոչ որ չպէտք է իմանայ, և նետի նման սլանում:

50.

ԲԱՐԻ ԳՈՐԾ ԱՆԵԼԻՍ ԷԼ ՎԱՏ ՍՈՎՈՐՈՒԹԻՒՆՆԵՐԸ ԴԱՌ-
ՆԱՑՆՈՒՄ ԵՆ ՄԱՐԴՈՒ ՀԱՃԵԼԻ ԲՈՊԷՆԵՐԸ

Այդ միջոցին Լիզէն կամաց-կամաց գնաց գիւղի վերին
թաղում բնակուող Բոյտի Մարքսի Բեթելիի մօտ: Վերջինս
կանգնած էր պատուհանի առաջ: Լիզէն նշան արեց ու Բե-
թելին սենեակից դուրս գալով՝ եկաւ նրա մօտ, բայց նրա
հայրը նկատելով այդ, ինքն էլ դուրս եկաւ և թագնուեց
դրան ետևը: Երկու մանուկներն էլ դրան առաջը կանգնած՝
չտեսան նրան և սկսեցին ազատ խօսել:

Լիզէ: Բեթելի, քեզ համար հաց եմ բերել:

Բեթելի: (Գողացող ձեռքը մեկնելով) Ո՛րքան բարի ես,
Լիզէ, սաստիկ քաղցած եմ. բայց ինչո՞ւ ես այժմ
հաց բերում:

Լիզէ: Որովհետև սիրում եմ քեզ, Բեթելի և այսու-
հետև մենք բաւականին հաց կունենանք. հօրս յանձնեցին
եկեղեցու վերաշինութեան գործը:

Բեթելի: Իմ հայրն էլ գործ կունենայ:

Լիզէ: Այո, բայց քո հայրը միայն մշակութիւն պէտ-
քէ անէ:

Բեթելի: Այդ միևնոյն է, վաստակ կունենայ:

Լիզէ: Վաղո՞ւց է որ քաղցած էք:

Բեթելի: Ա՛խ, երանի թէ այսուհետև [գոնէ լաւ լինենք:

Լիզէ: Ճաշին ի՞նչ ունէիք:

Բեթելի: Չեմ կարող ասել:

Լիզէ: Ինչո՞ւ չէ:

Բեթելի: Եթէ հայրս այդ իմանայ, ինձ կը...

Լիզէ: Ես նրան ոչինչ չեմ ասի:

Բեթելին գրպանից հանեց շաղգամի հում կտորն ու
ասաց. ահա, տես:

Լիզէ: Տէ՛ր Աստուած. ուրիշ ոչինչ:

Բեթելի: Ո՛չ, վկայ է Աստուած, որ երկու օր շարու-
նակ այս ենք ուտում:

Լիզէ: Եւ քեզ արգելուած է այդ բանն ուրիշներին ասել
և մի բան խնդրել:

Բեթելի: Այո, եթէ հայրս իմանայ՝ ինչ որ քեզ ասացի, բանս բուրդ կլինի:

Լիզէ: Առաջ կեր այս հացի կտորը, յետոյ ներս մտիք:

Բեթելի: Այո, պէտքէ շուտով ներս գնամ:

Երեխան հէնց որ սկսեց ձեռքի հացն ուտել՝ բարեպաշտ Մարքսը բաց արաւ փոքրիկ դուռը և ասաց. ինչես ուտում, զաւակս: Վախեցած երեխան բերանի պատառն առանց ծամելու կուլ տուեց և ասաց. ո՛չինչ, ո՛չինչ, հայր:

Մարքս: Այո, ո՛չինչ, սպասիր. իսկ դու, Լիզէ... Ես չեմ սիրում, որ իմ երեխաներին ծածուկ հաց տան, և նրանք էլ պատմեն՝ թէ ինչ են ուտում ու խմում տանը և միևնորձ ժամանակ սուտ խօսեն:

— Դու անպիտան Բեթելի, ճաշին ձուռձեղ չկերանք:

Լիզէն փախաւ, իսկ հայրը Բեթելիին բռնեց և վայրենի, բարկացած հայեացքով ներս տարաւ. Լիզէն հեռուից լսում էր խեղճ երեխայի աղաղակը:

Էնուն պատահեց Հայրելիին նրանց տան դրան առաջն ու ասաց. հաց կուղէս:

Հայրելի: Այո, եթէ ունես:

Էննէն տուեց հացի կտորը. նա շնորհակալ եղաւ և կերաւ, իսկ Էննէն տուն վերադարձաւ:

Եօնասը պատեց Շարէն Միխէլի տան շուրջը, մինչև որ Բէրէլին տեսաւ նրան և ցած եկաւ:

Բէրէլի: Ի՞նչ ես շինում այստեղ, Եօնաս:

Եօնաս: Ուզում եմ մի ուրախ բան անել:

Բէրէլի: Ես էլ քեզ հետ կուրախանամ, Եօնաս:

Եօնաս: Եթէ իմ ուզածն անես, ճիշտ որ կուրախանանք:

Բէրէլի: Ի՞նչ ես ուզում, որ անեմ:

Եօնաս: Պէտքէ բերանդ բանաս և աչքերդ փակես:

Բէրէլի: Յետոյ որ մի անպիտան բան դնես բերանս:

Եօնաս: Ո՛չ, այդպիսի բան չեմ անի, Բէրէլի:

Բէրէլի: Բայց տէ՛ս, չխաբես ինձ:

Նա բերանը բաց է անում, իսկ աչքերը կիսով չափ փակում:

Եօնաս: Աչքերդ լա՛ւ պէտքէ փակես:

Բէրէլի: Այո, բայց եթէ անպիտան բան անե՛ս...

Նա բոլորովին փակում է աչքերը և Եօնասն արագ

հացը նրա բերանն է կոխում ու փախչում: Բէքէլին հացը հանում է բերանից և ասում. Ե՛նչ լաւ բան է. յետոյ նստում է և ուտում:

51.

ՈՅ ՈՒՔ ԶԻ ԿԱՐՈՂ ՆԱԽԱՏԵՍՆԵԼ՝ ԹԷ ԵՐԲԵՄՆ ԱՄԵՆԱՓՈՔԻՐ
ԼԱՒՈՒԹԻՒՆՆ ԷԼ ԻՆՉ ԼԱՒ ՀԵՏԵՒԱՆՔՆԵՐ ԿԱՐՈՂ Է
ՈՒՆԵՆԱԼ

Բէքէլիի հայր Միխէլը լուսամտից տեսնում է երեխա-
ներին խաղը, ճանաչում է Լինհարդի Եօնասին և նրա խիղ-
ճը տանջւում է: — Ի՛նչ անպիտանն եմ, ասաց նա ինքն ի-
րեն, տանուտէրից կաշառուելով՝ աշխատում եմ վաւեր
ինձ հաց և աշխատանք տուող որմնադիրն ալժամ էլ ներկայ
եղայ այս փոքրիկ երեխայի հրեշտակային անմեղ սրտի ար-
տայայտութեանը: Ո՛չ, դրանցն ես վատութիւն չեմ կարող
անել: Երէկուանից արդէն տանուտէրն ինձ համար մի սար-
սափելի բան է դարձել: Ես չեմ կարող մոռանալ նրա՝
հաղորդութեան բաժակն ինձ առաջարկելիս ունեցած դէմ-
քի արտայայտութիւնը: Այդպէս մտածելով Միխէլն ամբողջ
օրը տանը մնաց և լրջօրէն մտածում էր իր անելիքի մասին,

Լինհարդի երեխաները կրկին տուն էին վերադարձել
և ծնողներին պատմում էին իրենց արածները: Նրանք բո-
լորն էլ շատ զուարթ էին, միայն Լիզէն այդպէս չէր, թէև
նա էլ ստիպում էր իրեն ուրախ երեւալ և շատ բառերով
պատմեց՝ թէ ինչպէս ինքը Բեթելիին սրտանց ուրախացրել է:

Մայր: Քեզ անպատճառ մի բան է պատահել, Լիզէ:

Լիզէ: Ո՛չ, ոչինչ չէ՛ պատահել. ես նրան ուրախացրի:

Մայրն էլ ոչինչ չհարցրեց, աղօթեց երեխաների հետ,
ընթերցել տուեց և տարաւ ննջարանը: Գերտրուդն ու Լին-
հարդը գեռ մի ժամ կարգացին սուրբ դրբից և խօսեցին
կարգացածի մասին: Այսօր նրանց սիրտը շատ խաղաղ ու
երջանիկ էր:

52.

ԱՌԱՒՕՏԵԱՆ ՇԱՏ ՎԱՂՆ ԷԼ ԱՐԴԷՆ ՈՒՇ Է ԱՅՆ ԲԱՆԻ
ՀԱՄԱՐ, ՈՐ ՊԷՏՔ Է ԿԱՏԱՐՈՒԱԾ ՎՆԷՐ ՆԱԽԸՆԹԱՑ
ԵՐԵԿՈՅԵԱՆ

Առաւօտեան կանուխ, երբ որմնադիրն արթնացաւ՝

լսեց, որ մէկը լուսամտից կանչում է իրեն: Նա շուտ վեր կացաւ և բացեց դուռը. կանչողը Փլինկն էր, կալուածատիրոջ ծառան: Նա ողջունեց որմնադրին և ասաց. արդէն երէկ պէտք է հաղորդէի քեզ Արնների հրամանը, որ այսօր անպատճառ սկսէք բար կտրելը:

Որմնադիր: Լսածիս համեմատ՝ տանուտէրը հրամայել է բանուորներին այսօր դղեակ գնալ. բայց դեռ վաղ էր գուցէ ճանապարհ ընկած չլինեն. ես կասեմ նրանց:

Յետոյ նա լուսամտից ձայն տուեց դրացի Լէնքին, սակայն ոչ որ չպատասխանեց: Մի փոքր ժամանակից յետոյ եկաւ Լէնքի հետ ապրող Պիլլերը և ասաց, որ Լէնքը կէս ժամ առաջ արդէն միսների հետ ուղևորուել է դէպի դղեակը: Տանուտէրն երէկ ընթրիքից յետոյ կրկին ապսպրել էր, որ նրանք անպատճառ ժամի չորսից առաջ ճանապարհ ընկնեն, որովհետև ինքը ճաշին կրկին տանը պէտք է գտնուի:

Այս յայտարարութիւնը Փլինկին տհաճութիւն պատճառեց և նա սնիծեց տանուտէրին:

Որմնադիր: Ի՞նչ պէտք է անէք:

Փլինկ: Գուցէ կարողանամ նրանց ետևից հասնել:

Որմնադիր: Մարտիս բլուրի վրայից կարող ես նրանցը կէս ժամաչափ հեռաւորութեամբ տեսնել. իսկ եթէ բաժին յաջողակ է, ձայնդ էլ կհասնի նրանցը:

Փլինկն էլ ժամանակ չկորցնելով՝ վազում է դէպի բլուրը, կանչում է, սուլում ու բղաւում, որչափ թոյլ է տալիս իր շնչափողը, սակայն իզո՛ւր. նրանք չեն լսում, շարունակում են իրենց ճանապարհը ու շուտով այլ ևս չեն երևում:

Բայց տանուտէրը, որ շատ հեռացած չէր, լսեց նրա ձայնը, յետ նայեց և արևի ճառագայթներից փալփող զէնքերից ճանաչելով Փլինկին՝ զարմացաւ: Նա յետ դարձաւ և Փլինկը պատմեց նրան՝ թէ ինչպէս ինքն երէկ սաստիկ գլխացաւի պատճառով չէ կարողացել յայտնել որմնադրին, որ հէնց այսօր պէտք է սկսուի բար կտրելը:

53.

ՄԱՐԴ ՈՐԶԱՓ ՇԱՏ ԹԵՐՈՒԹԻՒՆՆԵՐ ՈՒՆԻ, ԱՅՆԶԱՓ ԵՒՍ
ԱՆՊԱՏԿԱՌ Է ՎԵՐԱԲԵՐՈՒՄ ՈՒՐԻՇՆԵՐԻ ԹԵՐՈՒԹԻՒՆ-
ՆԵՐԻՆ

Տանուտէր: Անիծուած անպիտան, ի՞նչ բաներ ես
անում:

Փլինկ: Սատանան տանի, ես ի՞նչ իմանայի, թէ դը-
րանք լուսանալուց առաջ պէտք է գիւղից դուրս փախչեն,
արդեօք դու ես հրամայել:

Տանուտէր: Այո՛, չո՛ւն անպիտան. գուցէ այժմ բո-
յանցանքը ես պէտք է բաւեմ:

Փլինկ: Ես էլ հազիւ թէ ազատուեմ:

Տանուտէր: Անիծուած:

Փլինկ: Նոյնն ասացի ես, երբ իմացայ, որ դրանք գիւ-
ղից դուրս են եկել:

Տանուտէր: Ես այժմ կատակներ չե՛մ անում, ան-
պիտան:

Փլինկ: Ես ևս ո՛չ. սակայն ի՞նչ պէտք է անենք:

Տանուտէր: Յիմար, պէտք է մտածենք:

Փլինկ: Կէս ժամ առաջ կարելի էր գործը կարգի
բերել:

Տանուտէր: Սպասիր, երբէք չպէտք է փոքրոգի լի-
նել և յուսահատուել. մի բան միտս ընկաւ. դու համար-
ձակ ու լրջօրէն ասա՛ Արներին, որ արդէն երեկոյեան հրա-
մանը հաղորդել ես որմնագրի կնոջը կամ երեխային: Նը-
րանք քո դէմ ոչինչ չեն կարող անել՝ եթէ հաստատ կեր-
պով պնդես ասածդ:

Փլինկ: Ո՛չ, չեմ կամենում այդ միջոցին դիմել, կա-
րող է չյաջողուել:

Տանուտէր: Ո՛չ, կ'յաջողուի, եթէ հաստատ պնդես.
բայց լաւ մտածելուց յետոյ աւելի լաւ բան միտս ընկաւ:

Փլինկ: Ի՞նչ:

Տանուտէր: Յե՛տ գարձիր որմնագրի մօտ, ողբա՛, լաց
եղիր և ասա, որ հրամանը չկատարելու համար բանդ վատ
կլինի, սակայն նա կարող է բեղ միայն մի խօսքով ազատել
պատասխանատուութիւնից՝ եթէ Արներին ասէ, որ ինքը տոմ-

սակը ստացել է կիրակի օրը, բայց տօնի պատճառով միւս օրն է ուղեցել յայտնել: Այդ բանը մի մազաչափ անգամ չի փնտրի որմնադրին և դու էլ ազատուած կլինես:

Փլինկ: Իրաւունք ունես, կարծեմ այդ կարելի է անել:

Տանուտէր: Հարկաւ կ'յաջողուի:

Փլինկ: Ես պէտք է գնամ. թէև ուրիշ նամակներ էլ ունեմ յանձնելու, բայց այս առաւօտ որմնադրին կ'տեսնեմ: Տէր ընդ քեզ, տանուտէր: (Նա գնում է):

Տանուտէրը մենակ մնալով՝ ինքն իրեն ասում է. ես այդպէս էլ կ'պատմեմ Արներին, եթէ չ'յաջողուի՝ կ'ասեմ որ Փլինկն է ինձ այդպէս պատմել:

54.

ԽԵՂՃ ՄԱՐԴԿԱՆՑ ԱՆՕԳՈՒՏ ԱՇԽԱՏԱՆՔԸ

Այդ միջոցին բանուորները հասան դղեակ, նստեցին ամբարի մօտ եղած նստարանների վրայ և սպասում էին, մինչև որ մէկը նրանց կանչէ կամ տանուտէրը գայ: Իրբ դղեակի ծառան տեսաւ նրանցն ամբարի մօտ, ցած եկաւ և ասաց. ինչո՞ւ էք եկել, Արները կարծում է, որ դուք արդէն աշխատում էք եկեղեցու շէնքի վրայ: Սրանք պատասխանում են, որ տանուտէրն է հրամայել դղեակ գալու և Արներին շնորհակալութիւն յայտնելու: Այդ աւելորդ էր, ասաց Աշուսը, բայց ես Արներին իմաց կ'տամ ձեր գալը: Եւ ծառան իմաց տուեց: Արները կանչեց նրանց իր մօտ և ուրախ դէմքով հարցրեց՝ թէ ի՞նչ են ցանկանում: Երբ նրանք դժուարութեամբ արտայայտեցին որ իրենք շնորհակալութիւն են ուղղում յայտնել, Արներն ասաց. ո՞վ հրամայեց ձեզ այդ բանի համար պատեղ գալ. տանուտէրը, պատասխանեցին գիւղացիները և կամենում էին նորից յայտնել իրենց շնորհակալութիւնը: Այդ իմ կամքով չէ եղել, ասաց Արները: Այժմ դնացէ՛ք և յանուն Աստուծոյ եղէք աշխատասէր և հաւատարիմ. ես ուրախ կլինեմ, եթէ այդ աշխատանքը ձեզնից մէկի կամ միւսի զրութիւնը բարւոքէ: Ասացէ՛ք վարպետին, որ այսօր իսկ սկսէ բար կտրելը:

Գիւղացիները վերագարձան տուն:

ՀՈՂՈՒՔՈՐԹՆ ՈՒ ԽԱԲԵԲԱՆ ԲԱՐԵԿԱՄԱՆՈՒՄ ԵՆ

Ճանապարհին գիւղացիներից մեկն ասում է միւսին.
երիտասարդ պարոնը բարեսիրտ մարդ է. ծերը նոյնպէս
բարի կլինէր, եթէ հարիւր տեսակ խաբեբայութիւնների
զոհ գնացած չլինէր, ասացին հասակաւորները միաբերան:

Էջի: Հայրս հազար անգամ ասել է, որ ծեր պարոնն
իր երիտասարդութեան ժամանակ և յետոյ էլ՝ միշտ բարի
է եղել, բայց վերջը խաբուել է տանուտէրից:

Լէէման: Այո, այդ ժամանակ վերջ դրուեցաւ պա-
րոնի բարութեանը. տանուտէրն սկսեց իր ցանկութեան հա-
մեմատ՝ լեհական արջի նման պար ածել նրան:

Լէնք: Հուռ անպիտանն առանց հրամանի մեզ այստեղ
բերեց ու մենակ թողեց:

Քինաստ: Այդ նրա սովորութիւնն է:

Լէնք: Հան սովորութիւն է այդ:

Այո, Բայց պարոն տանուտէրը բաջ մարդ է. մեզպէս
մարդը չի կարող իմանալ թէ ի՞նչ է պատահում աշխար-
հում, պատասխանեց Կրիսէրը, կարողացածին չափ բարձր
ձայնով, որովհետեւ նկատեց տանուտէրի մօտենալը:

Դու կարող ես նրան փառաբանել. ես այժմ գովում
եմ Արներին, ասաց Լէնքը նոյնպէս բարձր ձայնով, որովհե-
տեւ չէր նկատել տանուտէրին:

Վերջինս առաջ եկաւ, բարեկեց և հարցրեց Լէնքին.
ինչո՞ւ ես այդպէս գովում Արներին:

Լէնքը պատասխանեց վախեցած. մենք միմեանց հետ
խօսում էինք՝ թէ նա ի՞նչպէս սիրալի ու բարի էր:

Տանուտէր: Սակայն այդ չէր բոլորը:

Լէնք: Ուրիշ բան չգիտեմ:

Կրիսէր: Այդ լաւ չէ, Լէնք, որ խօսքերդ յետ ես
առնում. բայց մենակ նա չէր, պարոն տանուտէր, մի քանիսը
մրթմրթում էին, որ նրանց թողել էք մենակ, ոսկայն ես
ասացի, որ մեղաբանները չեն կարող իմանալ, թէ ի՞նչ է
մտածում պարոն տանուտէրը. այս խօսքի վրայ Լէնքը
պատասխանեց, որ ես կարող եմ փառաբանել տանուտէրին,
իսկ ինքը գովում է Արներին:

Ուրեմն Արներին ինձ հե՛տ ես համեմատում, ասաց տանուտէրը և ծիծաղեց բարձրաձայն:

Նա այնպէս չասաց, ինչպէս որ այժմ մեկնում են, ասացին մի քանի մարդիկ, շարժեցին դուռները և մըրթմըրթում էին Կրիսէրի դէմ:

Այդ ոչինչ նշանակութիւն չունի և վատ բան չէ. մի հին առած կայ, որ ասում է «ու՛մ հացն որ ուտում եմ, նրա երգն էլ երգում եմ», ասաց տանուտէրը, սեղմեց Կրիսէրի ձեռքը, բայց էլ ոչինչ չխօսեց այդ մասին և հարցրեց թէ արդեօք Արները բարկացած էր:

Ո՛չ, բոլորովին ոչ, պատասխանեցին նրանք. նա ասաց միայն, որ մենք դէպի տուն շտապենք և այսօր և եթ գործի գնանք:

Յայնեցէք այդ որմնագրին, բարեկեցէք իմ կողմից և ասացէք, որ այն սխալմունքը ոչինչ նշանակութիւն չունի: Այս ասելուց յետոյ տանուտէրը շարունակեց իր ճանապարհը և նրանք էլ դիմեցին դէպի գիւղը:

Քլինկը վաղուց արդէն որմնագրի մօտ էր և խնդրում ու աղաչում էր, որ նա ասի՝ թէ ինքը կիրակի օրն է ստացել հրամանը:

Որմնագիրը ցանկանում էր կատարել նրա խնդիրը, բայց նախապէս այդ մասին խօսեց իր կնոջ հետ:

Ես վախենում եմ ծուռը բաներից, պատասխանեց կինը և գրազ կգամ, որ տանուտէրն այժմ արդէն դրանով արդարացել է: Իմ կարծիքով եթէ Արները բեղ հարցնի, դու պէտք է ճշմարիտն ասես նրան, իսկ եթէ հարցնող չլինի, այն ժամանակ թող ինչ ուզում են անեն, միայն թէ ոչ որ չվնասուի:

Լինհարզը Քլինկին յայտնեց այդ կարծիքը և հէնց այդ ժամանակ բանուորները յետ եկան Արնբուրգից:

Որմնագիր: Շա՛տ շուտ վերադարձաք,

Բանուորներ: Գնալներս իզուր էր:

Որմնագիր: Արդեօք Արները բարկացա՞ւ:

Բանուորներ: Ո՛չ, բոլորովին ո՛չ, նա շատ սիրալի և ուրախ էր և ասաց մեզ, որ տուն շտապենք ու այսօր և եթ սկսենք աշխատել:

Փլինկ: Տեսնում ես այժմ, որ քեզ համար ոչինչ

նշանակութիւն չունի: Ինձ համար բոլորովին ուրիշ է, նոյնպէս և տանուտէրի համար...

Այո, ընդհատում է նրան պատուելի Հիւքելրուդին, որովհետեւ խօսքը տանուտէրի մասին է, յիշեցի, որ քեզ բան պէտք է ասեմ, համարեա՛ թէ մոռացել էի: Տանուտէրը բարեկեց քեզ և նկատեց, որ քո այն սխալմունքը ոչինչ նշանակութիւն չունի:

Լինհարդ: Նա արդէն Արնեբի մօտ էր եղել, երբ դուք նրան պատահեցիք:

Բանուորներ: Ա՛յ, մենք պատահեցինք նրան, երբ դղեակ էր գնում:

Լինհարդ: Ուրեմն նա ձեր այժմեան ասածից և իմ գիտեցածից աւելի ոչինչ չգիտէր:

Բանուորներ: Այլ կերպ չէր կարող լինել:

Փլինկ: Սակայն դու խոստումդ կկատարես, այնպէս չէ՞:

Որմնադիր: Այո՛, բայց ուղիղ այնպէս, ինչպէս որ ասացի:

Որմնադիրը հրամայեց բանուորներին շուտով աշխատանքի տեղը լինել, կարգի բերեց գործիքները և յետոյ մի փոքր նախաձաշելով՝ առաջին անգամ այդ մարդկանց հետ գործի գնաց:

Թող Աստուած ինքն օգնի քեզ, ասաց նրան Գերտրուդը գնալու ժամանակ: Թող Աստուած օգնի նրան, պէտք է ասեմ նոյնպէս և ես, որովհետեւ նա գնում է:

56

ԳՈՐԾԸ ԾԱՆՐ ԿԵՐՊԱՐԱՆՔ Է ՍՏԱՆՈՒՄ. ՏԱՆՈՒՏԷՐՆ ԱՅԼ ԵՒՍ ԳԻՆԵՏՈՒՆ ՉՊԷՏՔ Է ՈՒՆԵՆԱՅ

Երբ տանուտէրը դղեակ եկաւ, Արնեբն երկար սպասեց՝ նեւ տուեց նրան, բայց վերջապէս դուրս եկաւ և հարցրեց նրան դժկամակութեամբ. այս ի՞նչ է նշանակում, ինչո՞ւ առանց հրամանի այդ մարդկանցն այսօր ինձ մօտ ես ուղարկել:

— Էս կարծում էի, որ իմ պարտքն է դրանցը խորհուրդ տալ՝ Ձեզ շնորհակալութիւն յայտնելու, պատասխանեց տանուտէրը:

Արնեբը պատասխանեց. քո պարտքն է անել այն, ինչ որ օգտակար է ինձ և իմ հպատակներին և ինչ որ հրամայ-

ում՝ եմ բեզ և ոչ թէ խեղճ մարդկանցն այստեղ ուղարկել և նրանցն անօգուտ հաճոյախօսութիւններ սովորեցնել:

Բայց ես բեզ նրա համար կանչել տուի, որ յայտնեմ թէ տանուտէրի պաշտօն վարողն այսուհետեւ իրաւունք չունի գինետուն պահելու:

Տանուտէրը սփութնեց, դողաց և չգիտէր թէ ի՞նչ պատասխանէ, որովհետեւ սյրպիսի մի յանկարծակի վճիռ չէր սպասում:

Արները շարունակեց. ընտրութիւնը բեզ եմ թողնում՝ կամ տանուտէր պիտի լինես կամ պանդոկապետ, սակայն տանուչորս օրուայ ընթացքում ինձ յայտնի պէտք է լինի քո վճիռը:

Տանուտէրը մի փոքր հանգստացաւ և կակազելով շնորհակալութիւն յայտնեց՝ տրուած ժամանակամիջոցի համար:

Արներն ասաց, ես ոչ ոքի յանկարծակի բերել չեմ սիրում և բեզ էլ չեմ ուզում ճնշել, ծերուկ, բայց այդ երկու պաշտօնները միմեանց չեն սազում:

Արների այս բարութիւնը տանուտէրին սիրտ տուեց և նա պատասխանեց, մինչև այժմ ձեր երկրի բոլոր տանուտէրները գինետուն են ունեցել և մեր մեծ իշխանի բոլոր երկրներում այդ մի ընդհանուր սովորութիւն է:

Բայց Արները կարճ կտրեց և ասաց, դուք լսեցիք իմ կարծիքը, վերցրէք գրպանի օրացոյցը և ասացէք, այսօր Մարտի քսանն է և 14 օրից յետոյ կլինի Ապրիլի երեքը: Ուրեմն Ապրիլի 3-ին ես սպասում եմ քո պատասխանին, այս անգամ ուրիշ ասելիք չունեմ: Արները նշանակեց իր օրացոյցի մէջ այդ օրը և գնաց իր սենեակը:

57.

ԹԻ ԻՆՉՊԷՍ Է ՆԱ ԾԱՄԱԾՈՒՌՈՒՄ

Տանուտէրը նոյնպէս հեռացաւ երկիւղով ի սրտով, այս հարուածը նրան այնպէս շփոթեց, որ սենեակում և վերելքի վրայ գտնուող մարդկանցը, որոնց մօտով անցնում էր՝ չէր տեսնում և ճանաչում: Եւ այդպէս, համարեա՛ ինքն իրեն անգիտակից, ցած եկաւ նա մինչև հաղարեան, հաստարմատ ընկուզենին: Այդտեղ կանգնեց հանդարտ և ասաց ինքն իրեն, պէտք է շունչ առնեմ. սիրտս ի՞նչպէս

բաբախում է. չգիտեմ գլուխս որտեղ է: Առանց գանգատի, առանց մի որևէ ապացուցուած յանցանքի, պէտք է կամ տանուտէր չլինեմ կամ գինետուն չունենամ, որովհետեւ նա այդպէս է կամենում: Այս արդէն չափից դուրս է. արդեօք նա կարող է ինձ ստիպել — չեմ կարծում: Առանց գանգատի նա չի կարող պաշտօնս խել, իսկ գինետուն պահելու իրաւունքը գնել եմ: Սակայն եթէ կամենայ, եթէ հրապարակով առիթ որոնէ, ուզածը կգտնէ: Այն բոլոր անպիտանները, որոնց ես ծառայել եմ, հաւատարիմ չեն ինձ: Ի՞նչ պէտք է անեմ այժմ: Աերջապէս տասնուչորս օրն էլ մի բան է: Այդբան ժամանակի ընթացքում ես յաճախ շատ բան եմ կարգի գցել. միայն թէ քաջութիւնս չկորցնեմ: Այս բոլորի պատճառը որմնադիրն է: Եթէ նրան ոչնչացնել կարողանամ, միւս բոլոր բաներից դուրս գալու ճանապարհը կգտնեմ: Սակայն ի՞նչպէս թոյլ և շփոթուած եմ — Հումեւը գրպանից հանեց օղիի շիշը, դէմքը դարձրեց ծառի ստուերի կողմը և միանգամից խմեց մի բաժակի չափ: — Մահուան դատապարտուած գողին կամ մարդասպանին այնպէս չէ՞ թարմացնում ազատ հողի վրայ խմած ջրի առաջին կումը, որչափ թարմացրեց օղիի շիշը տանուտէրին: Նա այժմ իւրեն լաւ զգաց և իր ուժերի հետ զօրեղացաւ նաև նրա յանցանք գործելու տրամադրութիւնը: Այժմ թարմացայ, սասց նա ինքն իրեն, երեւակայեց իրեն կրկին իբրև մի սրտոտ մարդ և գլուխը բարձր բռնեց: Մի վայրկեան առաջ, սասց նա, ես կարծում էի, թէ նրանք ընթրիքից առաջ կուտեն ինձ, այժմ ինձ կրկին այնպէս է թւում, որ ես որմնադիրն և նոյն իսկ Արնիւրին ճկոյթովս այնպէս կսեղմեմ, որ նրանք ականջից քաշած տղայի պէս գոռան: Լա՛ւ էր, որ շիշս չէի մոռացել. առանց սրան բանս բո՛ւրդ կլինէր: Ցանուտէրն այսպէս խօսում էր ինքն իրեն և էլ երկիւղ չէր զգում: Նա կրկին դարձաւ առաջուայ նոյն մեծամիտը և չարասիրտը. դաշտում պատահող մարդկանց, որոնք բարեւում էին նրան, հպարտ կերպով միայն մի փոքր գլխով էր անում և անցնում. նա ձեռնափայտն ափսոսի դիրքով էր բռնել, որ կարծես թէ այդ երկրում Արնիւրից աւելի մեծ իշխանութիւն ունէր: Այդ յիմարագլուխը բերանը բաց

էր արեւ և աչքերը չռած ման էր գալիս մի այնպիսի ժամանակ, երբ բոլորովին առիթ չունէր այդպէս անելու:

58.

ԹԷ Ո՞Վ ԷՐ ՆՐԱ ՄՕՏ:

Նրա կողքին գնում էր մեծ Թուրքը, մի շուն, որ տանուտէրի մի նշանով իւրաքանչիւրին ցոյց էր տալիս իր մեծ ու սպիտակ առամները, իսկ մի այլ նշանով՝ յարձակում էր կատաղի կերպով ցոյց տուած մարդու վրայ: Այս մեծ Թուրքը խելճ մարդկանց սարսափն էր, ինչպէս որ իր տէրը՝ բոլոր աղքատ և ճնշուածների երկիւղն ու պարտատէրը՝ ամբողջ իշխանութեան մէջ: Այս ուժեղ Թուրքը գնում էր տանուտէրի կողքին նոյնպէս վեհանձնորէն... սակայն չեմ կարող ասել, ինչ որ լեզուիս ծայրին է... թէև բոլորովին ճիշտ է, որ կատաղած տանուտէրն այժմ իր դէմքով մեծ նմանութիւն ունէր իր շան հետ:

59.

ՄԻ ԿԱՍԿԱԾԻ ՓԱՐԱՏՈՒԻԼԸ

Բայց որ տանուտէրն երեկուայ ողբից և այսօրուայ երկիւղից յետոյ կրկին այդպէս հպարտ էր ձևանում, գուցէ զարմացնէ պարզամիտ հարցասիրին: Խելօք գիւղացու համար այդ ըստ ինքեան հասկանալի կլինի: Մեծամտութիւնն աւելի ևս չարչարում է մարդուն, երբ նա ցեսի մէջ է խռուած լինում: Քանի որ ամեն բան յաջող է դնում և կասկածի առիթ չկայ, մարդ այնչափ չէ հպարտանում, սակայն երբ աջ ու ձախ չարագուշակ ծիծաղ է լսում, և բանն առաջուայ նման յաջող չէ, այն ժամանակ մարդուս արիւնն եռում, փրփրում և ուռչում է պղնձի մէջ եփուող իւղի նման: Տանուտէրը հէնց այսպիսի դրութեան մէջ էր այժմ: Ուրեմն բոլորովին բնական և ամենապարզամիտ մարդուն անգամ հասկանալի է, որ նրա սարսափն անցնելով նորից հպարտացաւ: Բացի դրանից այս գիշեր նա շատ լաւ էր քնել, որովհետև քիչ էր խմել և ընդունել էր իր փոշին և այդպիսով այս առաւօտ ազատ էր երեկուայ երկիւղից և հոգսերից:

Ես պատմում եմ այնպէս, ինչպէս որ պատահել է և

ինչպէս որ լսել եմ. սակայն չեմ կարող և չեմ ցանկանում
միշտ այնպիսի անօգուտ հարցերին պատասխանել, ինչպէս այժմ:

60.

ՇԵՂՈՒՄՆ

Ի հարկէ աւելի լաւ կլինէր, եթէ նա իր օղիի շիշը կոտ-
րէր՝ խփելով այն ընկուզենուն, որի տակը կանգնած էր,
եթէ յետ գնար իր իշխանաւորի մօտ, իր հանգամանքները
յայտնէր նրան, ասէր, որ ինքը հարուստ չէ և իր պարտքերի
համար անհրաժեշտ է, որ տանուտէր մնալով գինետուն պա-
հէ և նրա բարեսրտութեանն ապահւնէր: Եւ գիտեմ, որ
Արնենն այդ հանգամանքների մէջ չէր մերժի նրա խնդիրը:
Սակայն հէնց այդ է անաստուածների դժբաղդութիւնը, որ
դրանց մեղքերը պատճառ են լինում իրենց խելքի կորս-
տեան, դրանք ամենաէական բաներում անգամ կուրանում
են և անմտութեամբ իրենց ոչնչացման համար են աշխա-
տում. իսկ ընդհակառակը բարի, արդար և պարզ ու անմեղ
սիրտ ունեցող մարդիկ դժբաղդութեան ժամանակ իրենց
խելքը չեն կորցնում և այդ պատճառով կեանքի դժբաղդ-
հանգամանքներում առհասարակ աւելի դիւրութեամբ են
կարողանում իրենց օգնել, բան անաստուածները: Նրանք
խոնարհւում են դժբաղդութեան ժամանակ, իրենց սխալնե-
րի համար ներումն են խնդրում, կարիքի ժամանակն իրենց
հայեացքն ուղղում են դէպի այն ձեռքը, որ միշտ պարզւում
է դէպի մարդկանց թշուառութիւնը, որոնք մաքուր սրտով
օգնութիւն են խնդրում: Սրտի հանգստութիւնն ու խաղա-
ղութիւնը նրանց պաշտպանն և առաջնորդող աստղն է
կեանքի մէջ. սրանք ապրում են աշխարհում և վերջը
սրտանց շնորհակալ լինում Աստծուց: Սակայն ամբարշտու-
թիւնն առաջնորդում է մէկ խորխորատից դէպի միւսը: Ամ-
բարիշտն իր խելքը չէ գործ դնում համեստ և ուղիղ ճա-
նապարհով հանգստութիւն, արդարադատութիւն ու խաղա-
ղութիւն որոնելու: Նա միայն չար և ծուռ ճանապարհ-
ներով է գործում, որպէս զի տառապանք և անհանգստու-
թիւն յառաջացնէ և այդ պատճառով էլ միշտ դժբաղ-
դութեան մէջ է: Վարիքի ժամանակ նա ընդիմադրում է,
սխալուելիս մերժում է, իսկ թշուառութեան ժամանակ

մեծամիտ է: Նա կամենում է օգնութիւն կամ ազատութիւն
 ձեռք բերել ստութեամբ և խորամանկութեամբ կամ թէ
 բռնադատելով և գողութեամբ: Նա հաւատ է ընծայում
 իր խանգարուած, վայրենի մտքերին, մերժում է իրեն մեկ-
 նած հօր ձեռքը և երբ վերջինս ասում է նրան. հնազան-
 դուի՛ր որդեակս, ես եմ քո հայրը, որ պատժում և օգնում
 եմ. այդ դէպքում նա ծաղրում է իր ազատարարին և ա-
 սում. ես ուզում եմ կամեցածիս նման ինքս ինձ օգնել:
 Այդ պատճառով և աստուածուրաց մարդու վերջը միշտ խո-
 րին տառապանք և թշուառութիւն է:

61.

ԾԵՐ ՄԱՐԴԸ ԲԱՅ Է ԱՆՈՒՄ ԻՐ ՍԻՐՏԸ

Ես երիտասարդ եմ եղել և ծերացել. շատ յաճախ
 եմ տեսել թէ երկիւղածների և թէ ամբարիշտների վիճա-
 կը: Ես տկանատես եմ եղել մեր գիւղի մանուկների մեծա-
 նալուն. տեսայ թէ ինչպէս նրանք մարդ դարձան, որդիք և
 որդոց որդիք ունեցան. իմ բոլոր հասակակիցները, բացի
 եօթից, գերեզման են իջել: Աստուած, Քեզ է յայտնի մի-
 այն այն ժամը, երբ ես էլ կհետևեմ եղբայրներս. ուժերս
 թուլանում են, սակայն աչքս Քեզ է մնում, Տէր: Մեր
 կեանքը նմանում է դաշտային ծաղկին, որ առաւօտը ծաղ-
 կում և գիշերը թառամում է: Տէր, Դու ողորմած և բարի
 ես դէպի այն մարդիկը, որ իրենց յոյսը բեզ վրայ են
 դնում: Սակայն մեղաւորի ճանապարհը դէպի անդունդն է
 առաջնորդում: Համագիւղացի զաւակներս, թո՛յլ տուէք սովո-
 րեցնեմ ձեզ ամբարշտի վիճակը, որպէս զի երկիւղած լի-
 նէք: Ես տեսել եմ այնպիսի մանուկներ, որ ընդիմադրել
 են իրենց ծնողներին և նրանց սէրը բանի տեղ չեն դրել,
 բայց վերջը դրանց բոլորի բանը բուրդ է եղել: Ես ճա-
 նաչում էի դժբաղդ Ուլիի հօրը. ես նրա հետ մէկ յարկի
 տակն եմ ապրել և աչքովս տեսել՝ թէ ի՞նչպէս նրա անաս-
 տուած որդին խեղճ հօրը վիրաւորում էր և հայհոյում.
 կեանքումս չեմ մոռանալ, թէ ի՞նչպէս խեղճ ծեր մարդը
 իր մահուանից մի ժամ առաջ լաց էր լինում նրա համար:
 Ես տեսայ այդ չարածձի ստահակին՝ հօր թաղման ժամանակ
 ծիծաղելիս: Մի՞թէ այդ սրիկային Աստուած կեանք կտայ,

մտածում էի ես: Եւ ինչ եղաւ: Նա ամուսնացաւ մի հա-
րուստ կնոջ հետ, դարձաւ գիւղի ամենահարուստներից մե-
կը և իր հպարտութիւնն ու չարութիւնն այն աստի-
ճանին հասցրեց, որ կարծես թէ երկնքում և երկրիս վրայ
նրանից բարձր ոչինչ չկար: Մի տարի անցնելուց յետոյ
տեսայ հպարտ Ուրիին՝ իր կնոջ թաղման ժամանակ լալիս և
ողբալիս: Նա ստիպուած եղաւ իր կնոջ ամբողջ ստացուածքը
նորից վերադարձնել նրա ազգականներին, և յանկարծ կրկին
նախկին աղքատն և մուրացկանը դարձաւ: Այդ չքաւորու-
թեան ժամանակ գողութիւն արաւ և արդէն գիտեք թէ
ինչ վախճան ունեցաւ նա: Մանուկներ, միշտ այդպէս է.
աստուածուրաց մարդու վերջը թշուառութիւնն է:—Իսկ
համեստների խաղաղ խրճիթներում ես ականատես եմ եղել
հանգիստ և անվրդով կեանքի: Դրանք իրենց լաւ են զգում,
բաւականանում են քսով և շատ ունեցած ժամանակն էլ չա-
փաւոր են: Ձեռքի աշխատանքը և սրտի հանգստութիւնը
այդպիսիների կեանքի բաժինն է: Նրանք գոհութեամբ վայել-
լում են իրենցը և չեն ցանկանում այն, ինչ որ իրենց
մերձաւորներին է պատկանում: Հպարտութիւնը չէ չարա-
րում նրանց և նախանձը չէ դառնացնում նրանց կեանքը,
այդ պատճառով և դրանք ամբարիշտներից աւելի ուրախ,
գոհ և մեծ մասամբ նոյնպէս աւելի առողջ են: Նրանց կեանքի
պահանջներն ապահովուած են, որովհետեւ նրանց միտքն ու
սիրտը չարութեամբ չէ զբաղուած, այլ իրենց գործով և ի-
րենց խաղաղ խրճիթներում ապրող սիրելիներով: Աստուած
վերեւից տեսնում է նրանց հոգսերն ու տանջանքը և օգնում
է:—Համագիւղացի, սիրելի զաւակներս, ես տեսել եմ շատ
երկիւղած աղքատներ մահուան անկողնում, բայց դրանցից
ոչ մէկն այդ ժամին չէ գանգատուել իր աղքատութեան և
կեանքի թշուառութեան վրայ. բոլորը շնորհակալ են եղել
Աստուծոյ իրենց վայելած հայրական բարիքների հազարաւոր
փորձերի համար: Սիրելի զաւակներս, եղէք բարեպաշտ, պար-
զամիտ և անմեղ: Ես տեսել եմ՝ թէ խորամանկ և խաբեբայ
էութիւնն ինչպիսի վախճան է ունենում: Հուժեղն և իր ըն-
կերներն ամենից խորամանկներն էին. նրանք հազարաւոր բաներ
գիտէին, որոնց մասին մենք գաղափար էլ չունենք: Այդ իրո-
ղութիւնը նրանց հպարտացրեց և նրանք կարծում էին թէ

պարզամիտները միայն իրենց զուարճութեան համար են աշխարհիս երեսին ապրում: Նրանք լափում էին այրիների ու որբերի հացը և կատաղում ու գոռում էին նրանց դէմ, որոնք ծունկ չէին չոքում իրենց առաջը: Սակայն դրանց վերջը մօտեցել էր: Երկնքի Տէրը լսեց այրիների ու որբերի հառաչանքը: Նա տեսաւ այն մայրերի արտասուքը, որոնք լաց էին լինում իրենց զաւակների հետ այն անաստուած ստահակների պատճառով, որոնք իրենց ամուսիններին ու հայրերին մոլորեցնում և ճնշում էին. Աստուած օգնեց իր իրաւունքը ձեռք բերելուց յոյսը կտրած ճնշուածին ու որբին:

62.

ԽՂԺԻ ԱՆՀԱՆԳՍՏՈՒԹԵԱՆ ՍԱՐՍԱՓԸ

Շաբաթ երեկոյեան, երբ Հանս Վիւստը տանուտէրի մօտից տուն դարձաւ՝ իր սուտ երգման հոգսն աւելի սկսեց չարչարել նրան. նա ընկաւ յատակի վրայ և ոռնում էր սարսափելի փորացաւ ընկած շան նման: Այդ կատաղի դրութեամբ անցկացրեց նա ամբողջ գիշերն ու հետեւեալ տօն օրը. փետում էր մաղերը, բռունցքով խփում էր իրեն և արիւնդուայ լինում. ոչինչ չկերաւ և չխմեց, կատաղութեամբ այս ու այն կողմն էր վազում և ասում. «Տ, Բուդիի արօտը, խի՞ղճս տանջում է, սատանան, մարմնացած սատանան է իմ տէրը. վա՛յ ինձ, վա՛յ իմ խեղճ հոգուն: Այսպէս կատաղած ման էր գալիս նա՝ սուտ երգման հոգսերից տանջուած և ողորում էր սարսափելի երկիւղից: Այս անհանգստութիւնից յոգնած՝ վերջապէս կարողացաւ կիրակի գիշերը քնել: Միւս առաւօտը նա մի փոքր թեթեւ զգաց իրեն և վճռեց իր տանջանքն այլ ևս գաղտնի չպահել և յայտնել քահանային: Վերցրեց իր կիրականօրեայ հագուստը և ինչ որ գտաւ, բոլորը մի կապոց շինեց, որպէս զի գրաւ դնէ և ստացած փողով տանուտէրի պարտքը տայ: Կապոցը ձեռքին, դողալով գնաց քահանայի տան բակը, կանգ առաւ, կամեցաւ յետ փախչել, բայց կրկին առաջ գնաց, կապոցը ձգեց տան շեմքը և խելագարին յատուկ անբնական շարժուածքներ էր անում:

63.

ՍՐԻՈՎ ԵՒ ԿԱՐԵԿՑՈՒԹԵԱՄԲ ԿԱՐԵԼԻ Է ԵՐԿՉՈՏ ՄԱՐԴ-
ԿԱՆՑ ՇՓՈԹՈՒԹԵԱՆ ԱՌԱՋՆ ԱՌՆԵԼ

Քաջանան տեսաւ նրան այդ դրութեան մէջ, ցած գնաց նրա մօտ և ասաց. ինչ է պատահել քեզ, Վիւստ, ինչդ է ցաւում. եկ սենեակս՝ եթէ կամենում ես ինձ հետ խօսել: Վիւստը քաջանայի հետ բարձրացաւ նրա սենեակը: Քաջանան տեսնելով նրա երկիւղն ու շփոթութիւնը՝ կարողացածին չափ ուրախ և սրտանց խօսեց նրա հետ. նա երէկ արդէն լսել էր այն տարածուած քչփչոցը, որ Վիւստն իր սուտ երգման պատճառով համարեա՛ թէ յուսահատուած է: Վիւստն էլ տեսնելով քաջանայի սիրալի և ուրախ ընդունելութիւնը՝ հետզհետէ հանգստացաւ և ասաց. Արժանապա- աիւ հայր, մի սուտ երգման պատճառով համարեա՛ թէ յուսահատուում եմ և խիղճս տանջում է. սիրով կտանեմ ինձ արժանի պատիժը, եթէ միայն դեռ կարող եմ յուսաւ Աստուծոյ ողորմածութեան և գթասրտութեան վրայ:

64.

ՔԱՎԱՆԱՆ ԽՕՍՈՒՄ Է ԽՂՃԻ ՄԱՍԻՆ

Քաջանան պատասխանեց. եթէ դու սրտանց ես զղջում, այն ժամանակ մի՛ կասկածիր Աստծոյ ողորմածութեան վրայ: Վիւստ: Կարո՞ղ եմ, տէր հայր, կարո՞ղ եմ յանցանքիս համար Աստծոյ ողորմածութեան վրայ յուսաւ և մեղքե- րիս թողութեան վրայ վստահանալ:

Քաջանան: Երբ Աստուած մարդուն այն տեղն է հասց- նում, որ նա անկեղծօրէն զղջում է և լրջօրէն հառաչում իր մեղքերի թողութեան համար, նշանակում է, որ նա արդէն ցոյց է տուել թողութեան և ողորմածութեան ճանա- պարհը: Հաւատա՛, Վիւստ, և եթէ զղջումդ սրտանց է, մի կասկածի, որ Աստուծն էլ հաճելի կլինի այդ:

Վիւստ: Կարո՞ղ եմ վստահ լինել, որ այդ հաճելի է նրան:

Քաջանան: Կարող ես վստահ լինել, եթէ ինքդ ըզ- գաս լրջօրէն, որ այդ զղջումն անկեղծ և սրտանց է. եթէ

անկեղծ է, հաճելի կլինի Աստծուն. այդչափ միայն կարող եմ ասել:

Տես, Վիւստ, եթէ մէկը խլում է իր դրացու հողը ու վարում, բայց յետոյ զղջալով՝ գնում է, առանց դրացու գիտութեան, առանց նրա պահանջի, ինքն իրեն և ծածուկ աւելորդով միացնում է խլած կտորը դրացու հողի հետ՝ այն ժամանակ կարծեմ նա լրջօրէն է զղջում: Իսկ եթէ յետ չէ տալիս նրա սեպհականութիւնը և կամ յետ տալիս իր օգուտն է աչքի առաջ ունենում, եթէ միայն հոգում է իր և ոչ թէ դրացու համար, որին նա անիրաւութիւն է արել, այն ժամանակ նրա զղջումը մի սնոտիք է, որով այդ տըխմարը իրեն է մոլորեցնում: — Վիւստ, եթէ դու սրտով ցանկանում ես, որ քո չար գործի փաստներն ու նրանից առաջացած գայթակղութիւնը նորից լաւ ընթացք ստանայ ու Աստուած և մարդիկ ներեն քեզ, և եթէ սրտանց ամեն բան կանես՝ յանցանքդ ըստ կարելոյն քաւելու, այն ժամանակ քո ապաշխարութիւնը հարկաւ անկեղծ կլինի և Աստծուն հաճելի:

Վիւստ: Տէր, ես սիրով կանեմ այն բոլորը, ինչ որ կարող եմ՝ միայն թէ այդ ծանր քարը սիրտս էլ չճնշէ: Ի՞նչպէս է ճնշում նա ինձ, Տէր, ուր որ գնում եմ՝ միշտ այդ յանցանքն է միտս ընկնում և դողում եմ երկիւղից:

Քահանան: Մի վախենար, միայն գործիր պարզութեամբ, ճշտութեամբ և արդարութեամբ, այն ժամանակ անկասկած կթեթևանաս:

Վիւստ: Ո՛հ, երանի թէ կարողանայի յուսալ, Տէր:

Քահանան: Մի վախենար և յոյսդ Աստծոյ վրայ դիր. նա ողորմած է իրեն որոնող մեղաւորին: Ինչ որ կարող ես՝ խղճմտանքով և արդարութեամբ արա՛: Քո երդումից յառաջացած ամենամեծ դժբաղդութիւնը խեղճ Բուդիի հանգամանքն է. նա սարսափելի թշուառութեան մեջ է ընկել, սակայն յուսով եմ, որ եթէ դու Արնբրին խոստովանես բանի էութիւնը, նա անձամբ կօգնէ, որպէս զի այդ մարդուն կարելի լինի սփոփել:

Վիւստ: Այո՛, խեղճ Բուդին, հէնց դա է, որ միշտ սիրտս ճնշում է. Տէր, մի՞թէ կարծում եք, որ Արնբրը կարող է նրա արօտը նորից ձեռք բերելուն օժանդակել:

Քահանան: Հաստատ չեմ կարող ասել: Եթե անուշերը հարկաւ մէջ կըբերէ այն ամենն, ինչ կարող է, քո այժմեան վկայութիւնը կ'սկսածելի անելու համար: Եւ այն Արեւորն էլ իր կողմից կ'անէ այն ամենը, ինչ որ կարող է՝ որպէս զի այդ դժբաղդ մարդը նորից ձեռք բերէ իր սեպհակա- նութիւնը:

Վիւստ: Ո՛հ, երանի թէ այդ յաջողուէր նրան:

Քահանան: Արտանց ցանկանում եմ այդ և իսկապէս յոյս ունեմ, սակայն միւսնայն է թէ Բուդին կ'ստանայ իր հողը թէ ոչ. քո սրտի հանգստութեան համար անհրաժեշտ է, որ դու ամեն բան յայտնես Արեւորին:

Վիւստ: Սիրով կ'անեմ այդ, տէր հայր:

Քահանան: Այդ է ուղիղ ճանապարհը և շատ ուրախ եմ, որ դու կամաւ այդ շաղով ես ուզում գնալ, այդ կ'հանգստացնէ և կ'խաղաղացնէ քո սիրտը: Սակայն ի հարկէ խոստովանութիւնդ քեզ խայտառակութիւն, բանտարկու- թիւն և ծանր թշուառութիւն կ'առաջանէ:

Վիւստ: Ո՛հ, Տէր, այդ բոլորը ոչինչ է այն սարսափի, յուսահատութեան և այն երկիւղի դէմ, որ Աստուած յա- ւիտենական կեանքում պլ ևս չի գլծայ ինձ:

Քահանան: Դժբաղդութեանդ մէջ դու այնպէս խելա- ցի և ճիշտ ես դատում, որ ես սրտանց ուրախութիւն եմ զգում. լաւ և արդարացի վճիռների համար քեզ այդչափ բարի մտքեր և դժ տուող Աստուծոն խնդրիր, որ Իր ողոր- ւութիւնն ապագայում էլ անպակաս անի քեզնից: Դու բա- րի ճանապարհի վրայ ես, և եթէ Աստուած կ'ամենայ՝ քո գլխի բոլոր գալիքները խոնարհութեամբ և համբերութեամբ կ'ստանես: Աստա՛հ եղիր ինձ վրայ, այսուհետեւ ես քեզ ան- օգնական չեմ թողնի:

Վիւստ: Տէր, ճիշտի բարի և սիրալի էք վարւում ինձ պէս թշուառ յանցաւորի հետ:

Քահանան: Ինքը, Տէր Աստուածը, սիրով և ներողա- մտութեամբ է վարւում իր ստեղծած մարդկանց հետ. և ես նրա դժբաղդ ծառան կլինեի՝ եթէ, ինչ գէպքում ևս վրնի, յանցաւոր ծառայակիցներիս հետ կռուէի, վիճէի և կշտամ- բէի նրանցը:

Այսպէս հայրաբար էր խօսում քահանան Վիւստի հետ,

որ արտասուում էր և էլ ոչինչ չէր կարողանում ասել:

Քաջանան ևս մի ընդհանուր լռեց, բայց Վիւստը նորից սկսեց և ասաց. Տէր, մի բան էլ ունեմ աւելացնելու:

Քաջանան: Ի՞նչ:

Վիւստ: Երդման գործից յետոյ ես տանուէրին պարտեմ քնացել ութը գուլդէն: Թէ և նա անցեալ օրն ասաց, որ կպատուէ իմ մուրհակը, սակայն ես չեմ ուզում նրանից պարգև ընդունել և ցանկանում եմ պարտքս վճարել:

Քաջանան: Իրաւունք ունես. անհրաժեշտ է, որ պարտքը վճարես, մինչև որ Արներին յայտնուի բանի էութիւնը:

Վիւստ: Հետո բերել եմ մի կապոց, որի մէջն է իմ կիրականօրեայ հաշուստը և այլ բաներ. այդ բոլորը միասին ութը գուլդէն կարժենան: Ես պէտք է ութը գուլդէն փոխ առնեմ և մտածեցի, որ դուք չէք բարկանայ, եթէ ձեզ խնդրեմ, որ այս գրաւականով ութը գուլդէն տաք ինձ:

Քաջանան: Ես երբէք ոչ ոքից գրաւական չեմ վերցնում և յաճախ ցաւելով մերժում եմ, սակայն այս դէպքում չեմ կարող մերժել: Այդ ասելով քաջանան տալիս է նրան փողը և շարունակում. տա՛ր շուտով տանուէրին տուր, իսկ կապոցդ յետ տար տուն:

65.

ԺՈՂՈՎՐԴԻ ԱՄԵՆԱՍՏՈՐԻՆ ԴԱՍԱԿԱՐԳԻ ՄԷՋ ԷԼ ԱԶ-
ՆԻՈՒԹԻՒՆ ԿԱՅ

Վիւստը դողալով վերցրեց փողը քաջանայի ձեռքից և ասաց. կապոցը յետ չեմ տանի տուն, տէր հայր:

Քաջանան (Ժպտալով): Եթէ չես ուզում հետք վերցնել, յետոյ կուղարկեմ:

Վիւստ: Ի սէր Աստուծոյ, տէր հայր, պահեցէ՛ք կապոցը, որ ապահով լինէք:

Քաջանան: Լաւ, Վիւստ, այդ մասին մի հոգա այժմ և մտածիր աւելի կարեւոր անելիքիդ մասին: Ես հէնց այսօր նամակ կգրեմ Արներին և վաղը դու կաանես նրան:

Վիւստ: Շնորհակալ եմ, տէր հայր, սակայն ի սէր Աստուծոյ, պահեցէ՛ք կապոցը, եթէ ոչ փողը չեմ վերցնի, Աստուած է վկայ, որ չեմ վերցնի:

Քաջանան: Ո՛չ մի խօսք այժմ այդ մասին. շուտով

գնա՝ տանուտէրի մօտ, և վաղը ժամի իննին ինձ մօտ արի։
 Վիւստը թեթեացած և սփոփուած խղճով ուղղակի
 գնաց տանուտէրի տուն և փողը տուեց նրա կնոջը, որով-
 հետեւ ինքը տանը չէր։

Տանուտէրի կինը հարցրեց. այսչափ փողը ո՞րտեղից
 գտար յանկարծ, Վիւստ։

Վիւստը կարճ պատասխանեց. այնպէս արի, ինչպէս
 կարողացայ. փառք Աստծոյ, որ ձեր պարտքից ազատուեցի։

Տանուտէրի կինը պատասխանեց. մենք երբէք չենք
 ստիպել քեզ։

Վիւստ։ Գիտե՞մ, բայց գուցէ հէնց այդ պատճառով...։

Տանուտէրի կինը։ Զարմանալի բաներ ես ասում,
 Վիւստ, ինչդ է ցաւում. վերջին ժամանակներս դու առողջ
 չես երևում։

Վիւստ։ Փողը համրի, պէտք է գնամ։

Տանուտէրի կինը համրում է փողը և ասում. ուղիղ է։

Վիւստ։ Ամուսնուդ տուր. մնա՞ք բարով։

Տանուտէրի կինը։ Եթէ այդպէս է՝ գնա՛ք բարով,
 Վիւստ։

66.

ՌԻՐՈՒԱԿԱՆՆԵՐԻ ԳՈՅՈՒԹԵԱՆԸ 2ՀԱՒԱՏԱՑՈՂ
 ԱՆՏԱՌԱՊԱՀԸ

Տանուտէրը Արնհայմից վերադառնալու ժամանակ Հերց-
 հաուէրի պանդոկն իջաւ և այդտեղ խմում ու զրախօսում
 էր գիւղացիների առաջ։ Նա պատմում էր դատարանով իր
 տարած գործերի մասին, պարծենում էր այն ազգեցու-
 թեամբ, որ ունէր հանգուցեալ Արնների ժամանակ, երբ ին-
 քը, կանոնաւոր կառավարում էր ժողովուրդը և դատապար-
 տում էր այժմեան ողորմելի կարգապահութիւնը։ Յետոյ նա
 իր շանն այնչափ կերակուր տուեց, որչափ ճաշին կարող է
 ունենալ կարողութեան տէր արհեստաւորը — միայն առանց
 գինու — և ծաղրեց այն խեղճ մարդուն, որ տեսնելով շան
 առաջը դրուած անուշ արգանակն ու հացը՝ հառաչեց։
 Տես, այդպէս կնախանձես, ասաց նա աղբատ մարդուն, փա-
 ղաբջեց շանը և շարունակ պարծենալով խօսում էր գիւղա-
 ցիների հետ մինչև երեկոյ։ Այդ միջոցին եկաւ նաև գղեա-

կի ծեր անտառապահը և անցնելիս մի բաժակ գինի խմեց պանդոկում. տանուտէրը, որ մի վայրկեան անգամ մենակ մնալ չէր սիրում, ասաց նրան. միասին գնանք տուն:

Անտառապահ: Այն պայմանով՝ որ իսկոյն գաս. ես որսի հետք եմ գտել և այդ հետքով պէտք է գնամ:

Իսկոյն, պատասխանեց տանուտէրը, դատարկեց բաժակը, առաջ հարցրեց շան կերածի գինը, յետոյ իրենը, վճարեց երկուսը միասին, մի բանի կոպէկ էլ ընծայեց ծառային և ապա անտառապահի հետ գնաց:

Երբ նրանք փողոցում մենակ էին, տանուտէրը հարցրեց անտառապահին՝ թէ արդեօք գիշեր ժամանակ անտառում երկիւղալի չէ՞, ուրուականներ չկա՞ն:

Անտառապահ: Ինչո՞ւ ես այդ ինձ հարցնում:

Տանուտէր: Հա՛, որովհետեւ դա ինձ զարմացնում է:

Անտառապահ: Դու մի ծեր յիմար ես: Երեսուն տարուց ի վեր տանուտէր լինիս ու այդպիսի յիմարութիւններ հարցնե՞ս: Դու պէտք է ամաչէիր:

Տանուտէր: Ո՛չ, Աստուած վկայ, հաստատ չգիտեմ թէ ուրուականներին ինչպէս վերաբերուեմ. արդեօք պէ՞տք է հաւատամ նրանց, թէ ոչ. բայց մինչև այժմ ոչ մէկ ուրուական դեռ չեմ տեսել:

Անտառապահ: Որովհետեւ դու այդպէս պարզ սրտով հարցնում ես, այդ հրաշքը կբացատրեմ. քեզ, բայց դու էլ այդ բացատրութեան համար՝ մի անգամ մի շիշ գինու փողը կվճարես:

Տանուտէր: Ուրախութեամբ երկու շիշ գինու փողը կվճարեմ, թէ ճիշտն ասես:

Անտառապահ: Քառասուն տարի է ես իմ պաշտօնում եմ և չորս տարեկան հասակիցս ի վեր հայրս ինձ, ինչպէս մի փոքրաւորի, կրթել է անտառում: Նա հիւրանոցներում ու պանդոկներում միշտ պատմում էր գիւղացիներին՝ անտառների բազմաթիւ ուրուականների ու զարհուրանքների մասին, բայց նրանց միայն յիմարացնում էր. ինձ հետ բոլորովին ուրիշ տեսակ էր վարուում: Ես պէտք է անտառապահ դառնայի, ուստի և այդպիսի բանի ոչ պիտի հաւատայի, ոչ էլ վախենայի: Այդ պատճառով մեծ պահքին և ծննդի գիշերը, երբ ոչ լուսինն էր երևում, ոչ աստղերը, երբ փոթորիկը շառաչում էր, նա ինձ անտառն էր տանում: Յետոյ երբ մի

կրակ կամ երեւոյթ էր տեսնում, կամ մի շշուկ էր լսում, ես պէտք է նրա հետ մացառների և կոճղների, փոսերի ու ճահիճների վրայով և բոլոր խաչաձև ճանապարհներով շշուկի վրայ յարձակուէի: Եւ միշտ գնչուներ, գողեր ու մուրացկաններ էին լինում: Իսկոյն հայրս իր զարհուրելի ձայնով կանչում էր նրանց. կորէք, անպիտաններ: Եթէ նրանք տաս- քսան հոգի էլ էին լինում, միշտ փախչում էին և դեռ յաճախ իրենց ամանները, տապակներն ու խորովածը թողնում, այնպէս որ զուարճալի էր տեսնելը: Շատ անգամ այդ շշուկը միայն բամուցն էր լինում, որ երբեմն հրաշալի ձայներ է հանում. հին, փթած ծառերի քներն էլ երեւոյթ են առաջացնում և գիշերուայ մէջ ա՛յնպիսի կերպարանքներ ձևացնում, որ ամեն մարդու կարող են սարսափաշար անել: Ահա՛ այն ամեն անձիշտ բաները, որ ես իմ կեանքում անտառի մէջ տեսել եմ. բայց պաշտօնիս առաւելութիւնը միշտ պէտք է այն լինի ու մնայ, որ իմ հարեանները կարծեն թէ ես ուրուականների և սատանաների հետ յարաբերութիւն ունեմ: Տե՛ս ուրեմն, մեզպիսին ծերանում է և ուրախ է, որ մութ գիշերները չպէտք է գողերի ետեւից վազէ:

67.

ՍԱՀՄԱՆԱՔԱՐԵՐԸ ՏԵՂԱՓՈԽԵԼ ՑԱՆԿԱՑՈՂ ՄԱՐԴԸ
ՇԱ՛Տ Է ՈՒՋՈՒՄ ՈՒՐՈՒԱԿԱՆՆԵՐԻՆ ԶԱՄԵՍԱՆ, ԲԱՅՑ
ԶԷ ԿԱՐՈՂԱՆՈՒՄ

Այսպէս խօսելով երկուսն էլ հասան այն կողմնակի ճանապարհը, որով անտառապահն անտառը գնաց, իսկ տանուտէրը բոլորովին մենակ մնալով՝ ինքն իրեն սկսեց խօսել: Նա բառասուռ տարուց հետէ անտառապահ է և դեռ ոչ մի ուրուական չի տեսել և ոչ մէկին չի էլ հաւատում. իսկ ես յիմար եմ, որ հաւատում եմ նրանց, և չեմ համարձակուում նոյն իսկ մտածել քառորդ ժամ անառում մնալ՝ մի քար տեղահան անելու համար: Գողաւաղակի նման Արները խլում է իմ պանդոկ պահելու իրաւունքը: Եւ ժայռի վրայ եղած այն շան բարձր ճիշտ սահմանը չէ, ես չեմ հաւատում: Եւ եթէ հէնց այդպէս էլ լինէր, նա աւելի՛ իրաւունք կունենար, քան թէ ես իմ պանդոկի վրայ: Այդպէս բռնութեամբ մի մարդուց իր սեպհականութիւնը յափշտակե՛լ —

բացի սատանայից ուրիշ ո՞վ կարող է այդպիսի բան թելադրել նրան: Որովհետև նա ինձ չէ խնայում, ուստի ես էլ ոչ մի հիմք չունեմ՝ նրա անիծեալ կոպճաբարը խնայելու: — Բայց ես չե՞մ համարձակում: Գիշերով չեմ համարձակում այնտեղ գնալ, ցերեկն էլ չեմ կարող՝ խճուղու վրայ լինելու պատճառով:

Մինչդեռ նա այսպէս ինքն իրեն խօսում էր, հասաւ Մայերի բլրին, որ գիւղի մօտ է գտնուում: Նա տեսաւ, որ որմնադիրները դաշտի մէջ ածած մեծ մեծ կոպճաբարերի վրայ են աշխատում, որովհետև ժամը դեռ լրիւ վեցը չէր: Դրա վրայ նա չարացաւ և ինքն իրեն ասաց. բոլորը, ինչ որ ես անում ու ձեռնարկում եմ, բոլորը, բոլորը չէ՛ յաջողում ինձ: Բոլորը, բոլորը ինձ մատնում է: Մի՞թէ պէտք է այժմ էլ անիծեալ Յովսէփի մօտոյն անցնեմ և լռեմ: Ոչ, ես այդ չեմ կարող անել: Ես, աւելի լաւ է, այստեղ սպասեմ, մինչև նրանք տուն գնան: Եւ նա գետնին նստեց, բայց մի վայրկեանից յետոյ նորից վեր կացաւ և ասաց. Ես չե՞մ ուզում, չե՞մ կարող նոյնպէս նրանցն այստեղ մօտիկ տալ. պէտք է բլրի միւս կողմը գնամ: Ո՞վ դու անիծեալ Յովսէփ: Նա վեր է կենում, մի քանի քայլ յետ գնում դէպի բլրի ետեւը և կրկին նստում է:

68.

ՄԱՅՐ ՄՏՆՈՂ ԱՐԵԳԱԿԸ ԵՒ ՄԻ ԽԵՂՃ ՈՂՈՐՄԵԼԻ ԷԱԿ

Արեգակը հէնց այժմ մայր էր մտնում և նրա վերջին ճառագայթները դեռ երևում էին այն բարձրութեան կողերի վրայ, ուր տանուտէրը նորնստեց: Նրա շուրջն ընկնում էր ընդարձակ դաշտը և բլրի ներքեւում ամեն ինչ արդէն ստուերի մէջ էր: Աստուծաւ արեգակը սքանչելի և գեղեցիկ կերպով մայր էր մտնում առանց քամու և առանց ամպերի, և տանուտէրը, որ արեգակի իր վրայ ընկած վերջին պայծառ ճառագայթներին նայեց, ինքն իրեն ասաց. «Ի՛նչ սիրուն է մայր մտնում արեւը», և հիացաւ նրա վրայ նայելով, մինչև որ նա լերան ետեւը մտաւ: «Այժմ ամեն բան ստուերի մէջ է և շուտով գիշերը վրայ կը հասնի»: Մի վայրկեան յետոյ բացագանչեց նա. «Ո՞վ իմ սիրտ. ստուեր, գիշեր և արհաւիրք շրջապատում են քեզ: Քեզ համար արեգակը չէ լու-

սաւորումն: Կամայ-ակամայ նա այդպէս պէտք է ասէր ինքն իրեն, որովհետեւ մտածելը սարսափ էր բերում նրա վրայ և նա տառամները կրճատացնում էր: Փոխանակ խոնարհելու և երկրպագելու Թրկնային Տիրոջը, որ գիշերուայ միջից կրկին դուրս է կոչում արեգակը, փոխանակ Տիրոջը յուսալու, որ փոշուց ազատում է և անդունդից փրկում, — տառամներն էր կրճատացնում: Այդ միջոցին Բոհնալում ժամը վեցը խփեց և որմնադիրները դաշտից տուն գնացին. տանու-տէրն էլ նրանց հետևեց:

69.

ԹԷ ԻՆՉՊԷՍ ՊԵՏԷ Է ԼԻՆԵԼ՝ ՈՒՐԻՇ ՄԱՐԴԿԱՆՑ ՀԵՏ
ՄԻ ԲԱՆ ԱՆԵԼՈՒ ԺԱՄԱՆԱԿ

Որմնագրի բանուորների մեծ մասը նրան սիրեց՝ նրա մօտ բանելու հէնց այս առաջին երեկոյեան: Լինհարդն ամբողջ օրը նրանց հետ միասին նրանց պէս աշխատում էր. ամենածանր բարերն ինքն էր բռնում, հարկաւոր եղած տեղում ուրիշների պէս ինքն էլ ցեխի ու ջրի մէջ կանգնում էր և դեռ նրանցից էլ առաջ: Եւ որովհետեւ նրանք բոլորովին անվարժ էին այս աշխատանքի մէջ, սիրով և համբերութեամբ ցոյց էր տալիս նրանց իրենց պաշտօնն ու աշխատանքի եղանակը և իրենց օգուտը. նոյն իսկ ամենաանշնորհների առաջ ոչ մի անհամբերութեան նշան չէր-ցոյց տալիս: Ոչ մի «յիմար, ոչխար» դուրս չէր թռչում նրա բերնից, թէպէտ և հարիւր անգամ առիթ ու դիպուած էր ունենում դրա համար: Վարպետի այս համբերութեան, հոգացողութեան, նրա անձամբ աշխատելու և եռանդի պատճառով ամբողջ գործը շատ լաւ էր գնում:

70.

ԽԱԲԵՐԱՑ ԵՒ ԳՈՂ ՄԱՐԴԻ ԱՋՆՈՒԱԲԱՐ Է ՎԱՐԻՈՒՄ,
ՈՐՄԱՆԴՐԻ ԿԻՆՆ ԻՄԱՍՏՈՒՆ Է

Միևէն, իբրև ամենաուժեղներից և խելօքներից մէկը, ամբողջ Թրեկոյեան վարպետի մօտն էր և տեսնում էր աշխատող սրտագին սէրն ու բարութիւնը, որով նա նոյն իսկ ամենաանշնորհների հետ վարուէմ էր, և Միևէն, որ խաբեայ և գող էր, այս շիտակութեան ու ազնւութեան հա-

մար Լինճարդին սիրեց և սրանով նրա սիրտը մեղմացաւ։ Այս բաջ ու արդարադատ մարդու վերաբերմամբ նա չէր ուզում խաբեբայ գտնուել։

Բայց Կրիկերին և Ռոյտիի բարեպաշտ Մարքսին այնքան էլ դիւր չեկաւ, որ Լինճարդն այդ մարդկանց մէջ ոչ մի տարբերութիւն չէր գնում և մինչև անգամ սրիկայ Միխէլի հետ բարեկամաբար էր վարուում։ Լէնքն էլ հարկւր անգամ գլուխը թափ էր տալիս և ինքն իրեն խօսում. «Նա խենթ է, նա եթէ այնպիսի մարդկանց վերցնէր, որոնք ինձ և եղբօրս պէս աշխատել կարողանային, այդքան աշխատանքի կէսն էլ չէր ունենալ ինքը։ Բայց աւելի շատերը, որոնց նա սիրով ու համբերութեամբ աշխատանքի էր առաջնորդում, սրտի խորքից շնորհակալութիւն էին անում նրան և այստեղ ու այնտեղ ծածուկ հառաչանքներ էին բարձրանում դէպի մարդկանց Հայրը, որ վարձատրում և օրհնում է ամեն մի համբերութիւն ու սէր, որ մարդս ցոյց է տալիս իր թոյլ եղբօրը։ Միխէլն երկար չկարողացաւ ծածուկ պահել տանուտէրի հետ շաբաթ օրը կապած չարամիտ պայմանը և տուն գնալիս ասաց իր վարպետին, մի բան ունեմ բեղ ասելու, ուզում եմ հետդ տուն գալ։

Ուրեմն ե՛կ, պատասխանեց Լինճարդը։ Եւ նա վարպետի հետ նրա խրճիթը գնաց ու նրան պատմեց, թէ ի՞նչպէս տանուտէրը շաբաթ օրն իրեն վարձել էր խարդախութեան համար և այդ լաւ գործի յաջողութեան համար արդէն երկու թալէր տուել իրեն։ Լինճարդը վախեցաւ. իսկ Գերտրուդն այս պատմութիւնից սփրթնեց։ Սարսափելի է այդ ասաց Լինճարդը։

Գերտրուդը։ Այո՛, իսկ որ սարսափելի է։

Միխէլը։ Այժմ այլ ևս մի ցաւիլ, խնդրում եմ, Գերտրուդ։ Այժմ էլ մի նեղանար, խնդրում եմ, վարպետ։ Տեսնո՞ւմ եք, ձեր դէմ հարկաւ չեմ մեղանչի. դրա վրայ կարող եք վստահ լինել։

Լինճարդը։ Շնորհակալ եմ, Միխէլ, բայց տանուտէրն ինձ հետ այդպէս չպէտք է վարուէր. ես նրան վնաս չեմ տուել։

Միխէլը։ Նա մարմնացած սատանայ է։ Դժոխքը չի

կարող հնարել, ինչ որ նա հնարում է վրէժխնդրութեան մասին մտածելիս ու կատաղելիս:

Լինհարդ: Ջանս գողում է:

Գերտրուդ: Քիչ է մնում սիրտս գնայ:

Միխէլ: Երեխայ հօ չէք. ամէն բան վերջ ունի:

Գերտրուդն եւ Լինհարդը (երկուսը միասին): Փա՛ռք Աստծոյ, փա՛ռք Աստծոյ:

Միխէլ: Տեսնո՞ւմ եք, այժմ ձեր ցանկութիւնից է կախուած. եթէ յարմար կհամարէք, ես այնպէս կհաւատացնեմ տանուտէրին, որ իբրեւ թէ նրան հաւատարիմ եմ և վաղը կամ միւս օրը շէնքի վրայ գործածական իրեղէններից մի բանիսը կվերցնեմ և նրանց տուն կտանեմ: Յետոյ առանց ձայն հանելու կերթաս Արների մօտ՝ բոլոր տները խուզարկելու հրաման կվերցնես, կսկսես տանուտէրի բնակարանից, յանկարծակի նրանց կողմնակի սենեակը կմտնես և ճիշտ այնտեղ կգտնես կորած իրերը: Եթէ վճռես այդպէս անել, հէնց որ հրամանագիրը ցոյց տաս, իսկոյն պէտքէ ներս մտնես, եթէ ոչ տանուլ կտանք, որովհետեւ նրանք հէնց աչքիդ առաջնիցը կթուցնեն, պատուհանը կբարձրանան կամ թէ անկողնի վերմակի տակ կդնեն. իսկ եթէ բաղաճաբարութիւն արիր և չխուզարկեցիր՝ բաններս բուրդ կլինի. աւելի լաւ կլինի, որ դու ուրիշին ուղարկես, այդքո՛ գործը չէ:

Լինհարդ: Ո՛չ, Միխէլ, այդ գործը հարկաւ ինձ չի յաջողուի:

Միխէլ: Այդ միւսոյն է, ես մարդ կգտնեմ բեղ համար, որ այդ բանը ճշտութեամբ կատարէ:

Գերտրուդ: Միխէլ, ես կարծում եմ, որ մենք պէտքէ Աստծուն շնորհակալ լինենք, որ մեզ աղատեց վերահաս վտանգից և ոչ թէ վրէժխնդրութեամբ դրա համար տանուտէրին թակարդի մէջ ձգենք:

Միխէլ: Նա արժանի է այդպիսի վարձատրութեան, դրա մասին մի մտածիր:

Գերտրուդ: Ինչին որ նա արժանի է կամ արժանի չէ, դրա մասին դատելը մեր բանը չէ. բայց մեր բանն է վրէժխնդիր չլինել և այդ միակ ուղիղ ճանապարհն է, որով կարող եմք գնալ այս դէպքում:

Միխէլ: Պէտք է խոստովանեմ, որ իրաւունք ունես, Գերտրուդ: և շատ լաւ է, որ կարողանում ես քեզ յաղթեց: Բայց, այո՛, դու իրաւունք ունես, նա արդէն իր վարձատրութիւնը կստանայ. ամենից լաւն այն է, որ նրա հետ երբէք գործ չունենանք: Ես էլ ուզում եմ յարաբերութիւնս կտրել նրա հետ և իր երկու թալէրը վերադարձնել, բայց այժմ միայն մէկեկէս թալէր ունեմ: (Նա հանում է քսակից փողը, դնում սեղանի վրայ, համրում և յետոյ ասում) Այժմ չգիտեմ թէ այս մէկուկէս թալէրը տանեմ տամ իւրեն, թէ սպասեմ մինչև շաբաթ օրը, որ շաբաթական վարձըս ստանամ ու բոլորը միասին տամ:

Լինհարդ: Քո շաբաթական վարձից կէս թալէր կարող եմ այժմանից տալ:

Միխէլ: Ես սրտանց ուրախ եմ, որ կարող եմ հէնց այսօրուանից այդ մարդու ձեռքից ազատուել: Հէնց որ ստանամ, իսկոյն, հէնց այս ժամին փողը կտանեմ՝ նրանց տուն: — Վարպետ, երէկուայ սուրբ հաղորդութիւնից յետոյ արդէն սրտիս վրայ ծանրանում էր, որ այդպիսի մի չար բան խոստացայ նրան: Երեկոյեան դէմ էլ քո Եօնասն եկաւ և իր ընթրիքը երեկայիս տուեց. այդ էլ սիրտս փղձկացրեց՝ բանի որ քո դէմ խարդախութիւն պէտք է անէի. ես քեզ հետ լաւ ծանօթ չեմ եղել և հետո՛ յարաբերութիւն չեմ ունեցել, Լինհարդ, բայց այսօր սեսայ, որ դու համբերութեամբ և սիրով ամեն մէկին կամենում ես օգնել և խորհուրդ տալ և այդ պատճառով մտածեցի, որ չեմ կարող երջանիկ մեռնել, եթէ մի այսպիսի բաջ և բարի մարդու լաւութիւնը չարութեամբ փոխարինեմ: (Նա արտասուք ունէր աչքերում) Տեսէ՛ք, որ ասածս լուրջ է:

Լինհարդ: Այլ ևս ոչ ոքի չարութիւն մի՛ անի:

Միխէլ: Եթէ Աստուած կամենայ, կհետեւեմ ասածիդ:

Գերտրուդ: Այն ժամանակ ամեն տեղ էլ բանդ լաւ կգնայ:

Լինհարդ: Այս երեկոյ տանուտէրի մօտ կերթամ:

Միխէլ: Այո՛, եթէ կարողանամ:

Որմնագիրը տալիս է նրան կէս թալէրն ու ասում. մի՛ բարկացնի նրան:

Քերտորուդ: Մի՛ ասի նրան, թէ մենք այդ մասին տեղեկութիւն ունենք:

Միխէլ: Կարճ կկտրեմ, որչափ կարող եմ. բայց իսկոյն պէտք է գնամ, որ շուտով անցնի: Մնաք բարեւ, Գերտրուդ. շնորհակալ եմ, Լինհարդ: Ցանկանում եմ ձեզ հանգիստ բռն:

Լինհարդ: Քեզ նոյնպէս. գնաս բարեւ, Միխէլ:
Միխէլը գնում է:

71.

ԳԼՍԱՒՈՐ ՏԵՍԱՐԱՆՆԵՐԸ ՄՕՏԵՆՈՒՄ ԵՆ

Տանուտէրը առն Վերադառնալով՝ սենեակում միայնակ գտաւ իր կնոջը. կարող էր ուրեմն ամբողջ օրուայ հաւաքած կատաղութիւնն ու բարկութիւնը նրա գլխին թափել: Դաշտում, դղեակում և Հերցաու գիւղում նա չէր կարող անել այդ. այդպիսին ուրիշ մարդկանց առաջ դիւրութեամբ չէ բանում իր սիրտը:

Այդ բանը չիմացող տանուտէրը պէտք է որ մի անշնորհ հովիւ լինէր. սակայն Հուլիոյ մասին այդ չէր կարելի ասել: Նա կարող էր ամբողջ օրերով իր բարկութիւնն ու նախանձը, ատելութիւնն ու թախիծը ծածկել և շարունակ ժպտալ, զրուցել և խմել. բայց երբ տուն էր գալիս և բաղդաւորաբար կամ դժբաղդաբար իր սենեակը դատարկ էր գտնում՝ մարդկանց առաջ թադցրած կատաղութիւնը ժայթքում էր սոսկալի կերպով:

Նրա ամուսինը լալիս էր մի անկիւնում ու ասում. ի սէր Աստծոյ, այդպէս մի՛ անի, քո այդ կատաղութեամբ Արնբրին աւելի ևս կզայրացնես. նա չի հանգստանայ, մինչև որ իր նպատակին չհասնի:

Տանուտէր: Նա չի հանգստանայ, մինչև որ ինձ գետնի հետ հաւասարեցնէ. ինչ որ անեմ միւսնոյն է: Նա մի խաբեբայ, գող, շուն է, անիծեալը բոլոր անիծեալների մէջ:

Տանուտէրի կինը: Տէ՛ր Աստուած. ի սէր Աստծոյ, ինչե՛ր ես խօսում, գժուել ե՞ս:

Տանուտէր: Պատճառ չունե՞մ. դու չգիտե՞ս. նա տեսն և չորս օրուայ ընթացքում կամ պանդոկ պահելու իրաւունքը պէտք է խէ ինձնից, կամ տանուտէրութիւնը:

Տանուտէրի կինը: Գիտեմ այդ. բայց ի սէ՛ր Աստ-
ծոյ, այժմ այդպէս մի՛ անի. ամբողջ գիւղը գիտէ ար-
դէն: Դղեակի գրագիրն այդ ասել է Վայրէլին, նա էլ ամեն
տեղ պատմել է: Մինչև երեկոյ ես ոչինչ չգիտէի, բայց
երբ անասուններին ջուրը տարայ, տեսայ որ փողոցի եր-
կու կողմերից էլ, բոլոր տների առաջ հաւաքուած մարդիկը
ծիծաղում էին և Մարգարիտը, որ նոյնպէս անասուններին
ջուրն էր բերել, ինձ մի կողմը քաշեց ու ասաց այդ դժ-
բաղդ լուրը: Մի բան էլ. Հանս Վիւստը յետ բերեց ութ
գուլդէնը. ո՞վ տուեց նրան այժմ ութ գուլդէն, այդ էլ
Արնբրի գործն է: Յէ՛խ, Աստուած, ա՛խ, Աստուած. ամեն
կողմից դժբաղդութիւն է սպառնում մեզ: «Հանս Վիւստն
ութ գուլդէնը յետ բերեց» խօսքերը տանուաւորին կայծակի
հարուածի նման սարսափեցրին: Նա մի վայրկեան կանգ ա-
ռաւ՝ կիսաբաց բերանը դէպի կիներ ուղղած, և ապա ասաց.
ո՛ւր է փողը. ո՛ւր է ութ գուլդէնը: Մի կոտրած բաժակի
մէջ ածած փողը կինը դրեց սեղանի վրայ: Տանուտէրը մի
վայրկեան աչքերը սևեռեց փողի վրայ, չհամարեց և ասաց.
այդ փողը դղեակից չէ. Արնբրն այդպիսի խառը դրամներ
չի տայ:

Տանուտէրի կինը: Ես շատ ուրախ եմ, որ այդ փողը
դղեակից չէ:

Տանուտէր: Բայց այնուամենայնիւ այստեղ մի բան
կայ. դու չպէտք է վերցնէիր փողը:

Տանուտէրի կինը: Ինչո՞ւ:

Տանուտէր: Ես կարող էի նրանից տեղականաւ՝ թէ
ո՞րտեղից է այդ փողը:

Տանուտէրի կինը: Ես էլ մտածեցի այդ մասին, բայց
նա չէր ուզում սպասել և չեմ էլ կարծում, որ դու նրանից
մի բան իմանայիր, որովհետև որքան կարելի է կարճ և
կցկտուր էր խօսում:

Տանուտէր: Ամենքն իմ դէմ են զինուում. խելքս կորց-
նում եմ, խմելու բան տուր:

Կինը մի աման գինի է դնում նրա առաջը. նա վայրե-
նի կատաղութեամբ սենեակում ման է գալիս, խորը շունչ
քաշում, խմում ու ինքն իրեն խօսում. ես պէտք է որմնա-
դրին ոչնչացնեմ. այդ իմ առաջին գործը պէտք է լինի. և

այդ պէտք է գլուխ բերեմ, եթէ նոյն իսկ այդ բանն ինձ հարկւր թալէր նստի: Միևելը կոչնչացնի նրան, իսկ յետոյ ես սահմանաբարի գործը կտեսնեմ:

Այդ ասելու ժամանակ Միևելը դուռը բաղխեց. տանուտէրն երկիւղեց կուչ եկաւ և ասաց. ո՞վ է այսպէս ուշ գիշերով և շտապեց պատուհանից նայելու. Միևելը կանչեց. բաց արա, տանուտէր:

72.

ՏԱՆՈՒՏԷՐԻ ՎԵՐՋԻՆ ՅՈՅՄՆ ԷԼ Է ԿՏՐԻՈՒՄ

Ի՞նչ յարմար ժամանակն է գալիս, ասում է տանուտէրն և վազելով բաց է անում դուռը, ողջունում Միևելին և ասում. գալդ բարի, Միևել. ի՞նչ նոր բարի համբաւ:

Միևել: Ոչինչ. ես ուզում էի բեզ ասել....

Տանուտէր: Դրան տակը հօ չպէտք է խօսես. ներս արի սենեակը. դեռ ևս քնելու չեմ գնում:

Միևել: Ես պէտք է տուն վերադառնամ, տանուտէր. ուզում եմ ասել միայն, որ շաբաթ օրուայ մեր պայմանի մասին զղջացել եմ:

Տանուտէր: Այո, Աստուած վկայ, այդ լաւ կլինէր. չէ, դու չպէտք է զղջաս: Եթէ տուածս բաւական չէ, աւելի շատ կտամ. ներս արի, ոչինչ, այդ գործի մասին համաձայնութիւն կկայացնենք:

Միևել: Ո՛չ մի պայմանով, տանուտէր. ահա՛ քո երկու թալէրը:

Տանուտէր: Ես այժմ բեզնից յետ չեմ վերցնի այդ փողը, Միևել. յիմարութիւն մի՛ արա. այդ գործը բեզ չի փաստի, իսկ եթէ երկու թալէրը բիչ է, ներս արի:

Միևել: Այլ ևս ոչինչ չեմ ուզում լսել, տանուտէր, ահա՛ քո դրամը:

Տանուտէր: Աստուած է վկայ, որ յետ չեմ վերցնի. արդէն երդուեցի. դու պէտք է ինձ հետ ներս գաս:

Միևել: Այդ կարելի է անել (նա գնում է նրա հետ). ահա՛ այժմ սենեակումն եմ և ահա՛ քո դրամը: (նա դրամը սեղանի վրայ է դնում): Այժմ մնա՛ք բարեւ, տանուտէր:

Եւ իսկոյն շուռ գալով՝ դուրս է գնում:

73.

ՆԱ ԳՆՈՒՄ Է ՍԱՀՄԱՆԱԳ-ԼՈՒԻԸ

Տանուտէրը մի վայրկեան կանգնած էր անխօս ու ան-
ձայն, աչքերը դէս ու դէն էր չռում, բերանը փրփրաց-
նում, դողում, ոտքով գետնին զարկում. յետոյ յանկարծ
աղաղակեց. կին, օղի տուր, պէտք է կատարուի... ես գնում եմ:

Կինը: Ո՛ւր, ո՛ւր ես ուզում գնալ այս մութ գիշերին:

Տանուտէր: Ես գնում եմ.... ես գնում եմ քարը
դուրս հանելու, շիշն ինձ տուր:

Կինը, Ի սէ՛ր Աստծոյ, մի անի այդ:

Տանուտէր: Պէտք է անեմ, պէտք է անեմ. գնում եմ:

Կինը: Սաստիկ մութն է. արդէն տասնւերկուերորդ
ժամն է և աւագ շաբաթ սատանան աւելի զօրեղ է:

Տանուտէր: Եթէ ձին նրա ձեռքն է, թող սանձն էլ
առնի. տո՛ւր ինձ շիշը, ես գնում եմ:

Նա արագ վերցնում է բլունգը, թին ու բահը ուսին
դնում և գիշերուայ սաստիկ խաւարի մէջ շտապում դէպի
բլուրը, որ իր տիրոջ կալուածքի սահմանաքարը տեղափոխէ:
Գինովութիւնը, վրէժխնդրութիւնն ու կատաղութիւնը նրան
համարձակութիւն տուին, բայց որտեղ որ մի փայտ էր տես-
նում կամ նապաստակի շշիւնը լսում, դողում էր, մի րոպէ
կանգ առնում և նորից կատաղութեամբ առաջ վազում, մինչև
որ վերջապէս սահմանագլուխը հասաւ: Նա շտապով սկսեց իր
գործը և քանդում ու փորում էր իր շուրջը՝ այն մարդաս-
պանի նման, որ իր զոհի համար մի փոս է փորում:

74.

ԳԻՇԵՐՆ ԱԻԵԼԻ ԽԱՐՈՒՄ Է ԵՐԿԻՒՂ ԿՐՈՂ ԳԻՆՈՎՆԵՐԻՆ
ՈՒ ԱՆՊԻՏԱՆՆԵՐԻՆ

Սակայն մի շուկ յանկարծ սարսափեցրեց նրան: Շու-
կի ետևից դէպի ինքն էր գալիս մի սև մարդ: Մութը գի-
շերի մէջ այդ մարդու շուրջը լոյս էր և գլխին կրակ էր վառ-
ւում: Սա նոյն ինքը մարմնացած սատանան է, ասում է
տանուտէրը, սարսափելի կերպով ողբում, փախչում և այն-
տեղ թողնում բլունգը, թին ու բահը, գլխարկն ու դա-
տարկ շիշը:

Այդ մարդը Աքնհայմի հաւ ծախող Գրիստովն էր, որ Օրէքհօֆէն, Լուսկօֆէն, Հիրցաու գիւղերում և այլ տեղեր ձու էր գնել և այժմ տուն էր վերադառնում։ Նա իր կողմի վրայ մի սև այծի մորթի էր տանում և մի լապտեր էլ կախել էր, որ ճանապարհը գտնի մթնումը։ Այս մարդը ճանաչեց փախուտ տուող տանուտերի ձայնը և հասկանալով՝ որ նա մի վատ բան կուռնար մտքումը, ինքն իրեն բարկացաւ ու ասաց, այդ անիծեալ սրիկային ցոյց կտամ ես այժմ. նա ինձ սատանայի տեղ է ընդունում։ Նա իսկոյն ցած է դնում կողովը, վերցնում է քլունքը, թին ու բահը և իր երկամե ծայր ունեցող ցուպը, միասին կապում և այնպէս բաշ տալիս իր ետևից բարձրորոտ ճանապարհի վրայ, որ ահագին և սարսափելի ձայներ էր դուրս գալիս, այդպէս նա վազում է տանուտերի ետևից և ունող ձայնով կանչում, օհ, ահ, ոհ, հոհմէլ, օհ, ահ, ոհ, դու ի՞նչ ես. սպա—սիր, հու—մէլ։

Խեղճ տանուտէրը վազում է որքան իր ուժերը ներում են և վազելիս ողորմելի ձայնով աղաղակում. մարդասպանութիւն, օքնութիւն, պահապաններ, սատանան ուզում է ինձ տանել: Իսկ հաւ ծախողը շարունակ աղաղակում է նրա ետեւից. օհ, ահ, ահ. տանու—տէր, սպա—սի՛ր, տա—նու—տէր, դու ի՞նչ ես, տա—նու—տէ՛ր:

75.

ԳԻՒՂԻ ՄԷՋ ԱՂԽՈՒԿ ԵՒ ՇՓՈԹ Է ԸՆԿՆՈՒՄ

Գիւղի պահապանը լսեց սարից եկող վազելու և աշաղակելու ձայնը և հասկացաւ բոլոր խօսքերը, բայց ինքն էլ վախենալով՝ մի քանի գիւղացիների պատուհանները բաղխեց, վեր կացէք, դրացիներ, ասում էր նրանց, և լսեցէք թէ ի՞նչ է պատահել սարի վրայ. կարծես թէ սատուանն ուզում է տանուտերին տանել: Լսեցէք, նա սպանուած թիւն և օգնութիւն է կանչում. բայց նա, Աստուած է վկայ, իր կնոջ մօտն է: Դեռ երկու ժամ չկայ, որ ես նրան իրենց պատուհանի տակ տեսայ:

Երբ գիւղացիները տասնի չափ միատեղ հաւաքուեցան, խորհուրդ արին, որ բոլորը միասին գէնքով և ճրագով Ղի- նուած՝ այդ շշուկի կողմը գնան, սակայն ճախաղի մէջ դնեն

նաև թարմ հաց, սաղմոսագիրքն ու կտակարանը, որ սատանան չկարողանայ իրենց դիպչել: Այդ մարդիկը գնացին և հասնելով տանուտների տան առաջը՝ մի փոքր կանգ առան, որ տեսնեն թե տանուտերը տանն է թե ոչ:

Տանուտերի կինը մահուան երկիւղով սպասում էր՝ թե ինչ ելք կունենայ իր ամուսնու սար գնալը և գիշերային այդ աղմուկը լսելով և տեսնելով որ ճրագներով մարդիկ իրենց դուռն են բաղխում, զարհուրեց և աղաղակեց. Տէր Յիսուս, ինչ էք կամենում:

Մարդիկ: Թող ամուսինդ ցած գոյ:

Կինը: Նա տանը չէ. սակայն Տէր Աստուած, ինչ է պատահել, որ դուք այստեղ էք:

Մարդիկ: Հէնց վատն այդ է, որ նա տանը չէ. լսի՛ր թե ի՞նչպէս է նա սպանութիւն և օգնութիւն կանչում, կարծես սատանան է վազում նրա ետեւից:

Տանուտերի կինը դուրս է ընկնում և փեղագարի նման վազում այդ մարդկանց հետ: Պահապանը հարցնում է նրան՝ ճանապարհին. այժմ ամուսինդ ի՞նչ գործ ունի սարի վրայ, նա հօ մի երկու ժամից առաջ տանն էր. նա ոչ մի խօսք չպատասխանեց, այլ սկսեց սարսափելի կերպով ողբալ. տանուտերի շղթայած շունն էլ սկսեց ոռնալ:

Երբ հաւ ծախողը տեսաւ տանուտերին օգնութիւն հասնող բազմութիւնն ու լսեց տանուտերի շան սարսափելի ոռնալը, յետ դարձաւ ու գնում էր այնպէս լուռ ու արագ, որքան կարող էր. նա բարձրացաւ կրկին սարը, հասաւ իր կողովին, կապեց իր աւարը և ապա շարունակեց ճանապարհը:

Վունցը, որ տանուտերի կնոջ հետ մի բանի բայլ առաջ էր գնացել, տեսաւ որ սատանայ չկայ, բաւականին կոշտ կերպով բռնեց աղաղակող տանուտերի ձեռքն և ասաց. ի՞նչ է պատահել, ինչո՞ւ ես այդպէս աղաղակում, խենթ:

Օ՛, Օ՛, թող ինձ, Օ՛, սատանայ, թող ինձ. նա երկիւղից ոչինչ չէր տեսնում և ոչինչ չէր լսում:

Խենթ դու, ես Վունցն եմ, քո դրացին, և սա էլ բոկինն է. ասաց նրան Վունցը:

Միւս գիւղացիներն առաջ զգուշութեամբ իրենց շուրջը նայեցին, թե որտեղ կարող է լինել սատանան և վառած ճրագներով լուսաւորեցին թէ բարձր ու ցածրը և թէ բո-

լոր կողմերը. ամեն մէկն էլ իր աջ ձեռքը կոխեց ձախ կողմից կախուած քսակի մէջ՝ շօշափելու նոր թխած հացը, կտակարանն ու սաղմոսագիրքը: Բայց որովհետեւ երկար ժամանակ ոչինչ չերւաց, հետզհետեւ սիրտ առան և մի քանիսն էլ մինչև անգամ աշխոյժ ստացան և սկսեցին տանուտէրին հարցնել. արդեօք սատանան քեզ իր ճիրաններով չանգոնց կամ թէ ոտքերով տրորե՞ց, որ արիւն է գալիս վրայիցդ. իսկ միւսներն ասացին. այժմ ծաղրելու ժամանակը չէ. ամենքս էլ հօ լսեցինք այն սարսափելի ձայները: Սակայն Կուսնցն ասաց. ես կարծում եմ, որ գողի կամ խեղճ հաւաքողի մէկը տանուտէրին ու մեզ ամենիս յիմարացրեց: Երբ ես նրան մօտեցայ, գոռում գոչումը դադարեց և մի մարդ վազում էր իր կարողութեան չափ արագ՝ սարն ի վեր. հազար անգամ զղջացի, որ նրա ետևից չվազեցի և մենք յիմարացանք, որ տանուտէրի շունը հետներս չվերցրինք:

Մարդիկ: Դու խեղճ ես, Կուսնց, այն ձայնը երբեք մարդկային ձայն չէր կարող լինել. նա մարդու հոգին ու մարմինն էր թափանցում ու ոտքն և ուղեղը մտնում. լեռնային ճանապարհի վրայ երկաթով բարձուած սայլն անգամ չէր կարող այնպէս շառաչել:

Կուսնց: Ես չեմ ուզում հակառակել ձեզ, դրացիներ. ես էլ սարսափում էի այդ ձայնը լսելով, բայց չէք կարող ինձ համոզել, որ ես դէպի սարը բարձրացող մարդու ձայնը չլսեցի:

Մարդիկ: Դու կարծում ես, որ սատանան չի կարող այնպէս վազել, որ լսելի լինի՞:

Տանուտէրը սակայն այդ բոլոր խօսակցութիւններից ոչինչ չէր լսում և երբ տուն հասաւ, խնդրեց այդ մարդկանց, որ այս գիշեր իրեն մօտ մնան. նրանք էլ սիրով մնացին պանդոկում:

76.

ՔԱՀԱՆԱՆ ԳԱԼԻՍ Է ՊԱՆԴՈԿ

Այդ միջոցին գիշերային աղմուկը գիւղում արթնացրել էր ամենքին. բահանայի տանը նոյնպէս ամենքը զարթեցին, որովհետեւ կարծում էին թէ մի գժբաղդու թիւն է պատահել: Քահանան մարդ ուղարկեց իմանալու թէ ի՞նչ է պա-

տաճել և տեղեկացաւ այդ սոսկալի դէպքի մասին: Քաջա-
նան կամենալով օգուտ քաղել տանուտէրի երկիւղից, չնայե-
լով որ երկիւղի պատճառը մի յիմար բան էր, վերկացաւ
ու գնաց պանդոկ: Երբ նա եկաւ, կայծակի արագութեամբ
անյայտացան սեղանների վրայ եղած գինու շշերը. գիւղա-
ցիները տեղից վեր կացան և ասացին. գալներդ բարի, ար-
ժանապատիւ Տէր:

Քաջանան շնորհակալութիւն յայտնեց ու ասաց. շատ
լաւ է, որ դժբաղդութիւն պատահելիս դուք այդպէս ծա-
ռայութեան պատրաստ էք. բայց կարելի՞ է, որ դուք այժմ
մի վայրկեան ինձ մենակ թողնէք տանուտէրի մօտ.

Գիւղացիներ: Այդ մեր պարտականութիւնն է, ար-
ժանապատիւ Հայր, ցանկանում ենք ձեզ բարի գիշեր:

Քահանան: Ձեզ նշնպէս, դրացիներ. բայց պէտք է
խնդրեմ ձեզ, որ այս դէպքի մասին պատմելիս զգուշ լինէք.
շատ անհաճելի է լինում, երբ մի դէպքի համար մեծ աղ-
մուկ ենք անում և վերջը բանից դուրս է գալիս, որ ոչինչ
կամ բոլորովին ուրիշ բան է եղել: Այժմ դեռ ևս ոչ ոք
չգիտէ թէ իսկապէս ինչ է պատահել և ինչպէս գիտէք,
բարեկամներ, գիշերը շատ անգամ խաբում է մեզ:

Այդպէս է, արժանապատիւ Հայր, ասացին գիւղացի-
ները, իսկ երբ դուրս եկան՝ ասացին. նա միշտ միևնոյն
խենթն է և ոչինչ չէ ուզում հաւատալ:

77.

ՀՈԳԵՒՈՐ ՀՕՐ ԶԱՆՔԸ

Քաջանան սկսեց տանուտէրի հետ սրտանց խօսել ու
ասաց. տանուտէր, լսեցի որ բեզ մի բան է պատահել և
եկել եմ՝ կարողութեանս չափ բեզ մխիթարելու. ասա՛ ինձ
անկեղծ՝ ինչ պատահեց բեզ:

Տանուտէր: Ես մի խեղճ ու դժբաղդ մարդ եմ, մար-
մնացած սատանան էր ուզում տանել ինձ:

Քահանան: Ի՞նչպէս, տանուտէր, որտեղ պատա-
հեց այդ:

Տանուտէր: Սարի վրայ:

Քահանան: Իսկապէս դու մէկին տեսա՞ր. մէկը բեզ
ձեռք տուե՞ց:

Տանուտէր: Ես տեսայ նրան՝ դէպի ինձ վազելիս. նա մի մեծ, սև մարդ էր և գլխի վրայ կրակ ունէր. նա իմ ետեից վազեց մինչև սարի ստորոտը:

Քահանան: Գլխիցդ ինչո՞ւ է արին կաթում:

Տանուտէր: Վազելիս վայր ընկայ:

Քահանան: Ուրեմն ոչ ոք քեզ ձեռք չի դիպցրել:

Տանուտէր: Ո՛չ, սակայն ես իմ աչքով տեսայ նրան:

Քահանան: Այժմ, տանուտէր, այդ բանի վրայ կանգ չառնենք: Ես չեմ կարող ըմբռնել իսկապէս՝ թէ ի՞նչ է եղել այդ. սակայն ինչ էլ որ եղած լինի, միւսնոյն է, որովհետև յաւիտենական կեանքում անկասկած անաստուածները կընկնեն նրա ճիրանների մէջ. այդ յաւիտենականութիւնն ու մեռնելուց յետոյ սատանայի ճիրանների մէջ ընկնելու վտանգն է, որ քեզ անհանգիստ է անում կեանքիդ այդ պատկառելի հասակում:

Տանուտէր: Ո՛հ, տէր-հայր, հոգսից ու անհանգստութիւնից չգիտեմ թէ ի՞նչ եմ անում: Ի սէ՛ր Աստծոյ, ի՞նչ կարող եմ, ի՞նչ պէտք է անեմ, որ ազատուեմ սատանայի ձեռքից. հէնց այժմ էլ ամբողջովին նրա իշխանութեան ներքոյ չե՞մ:

Քահանան: Տանուտէր, զրաբանութեամբ ու յիմար խօսքերով մի չարչարի անձդ. զգայութիւնդ ու խելքդ վրադ է, ուրեմն գտնուում ես քո իշխանութեան ներքոյ: Արա՛ ինչ որ ճշմարիտ է ու ինչ որ թելադրում է քո սիրտը, և իսկոյն կնկատես, որ սատանան ոչինչ իշխանութիւն չունի քո վրայ:

Տանուտէր: Ո՛հ, տէր-հայր, ի՞նչ կարող եմ, ի՞նչ պէտք է անեմ, որ Աստուած կրկին գթայ ինձ:

Քահանան: Դու պէտք է արած սխալներիդ վրայ լըրջօրէն մտածես և զղջաս, ուղղուես և անիրաւութեամբ ձեռք բերած հարստութիւնդ վերադարձնես:

Տանուտէր: Կարծում են թէ ես հարուստ եմ, սակայն, տէր հայր, Աստուած է վկայ, որ ես հարուստ չեմ:

Քահանան: Այդ միւսնոյն է. դու անարդար կերպով ձեռք բերիր Բուդիի մարգագետինը. իսկ Վիւստն ու Կայբախէրը սուտ երդուեցին: Ես գիտեմ այդ և չեմ հանգստանայ, մինչև որ Բուդին իր մարգագետինը չստանայ:

Տանուտէր: Ո՛հ, տէր-հայր, ի սէր Աստծոյ, ողորմեցէ՛ք ինձ:

Քահանան: Ամենամեծ ողորմութիւնը քեզ համար այն կլինի, որ ըստ կարելոյն քո պարտաւորութիւնը կատարես Աստծոյ և մարդկանց վերաբերմամբ:

Տանուտէր: Կանեմ՝ ինչ որ կամենում էք, տէր-հայր:

Քահանան: Բուդիի արօտը յե՛տ կտաս:

Տանուտէր: Ի սէր Աստծոյ, այո՛, տէր-հայր:

Քահանան: Ընդունո՞ւմ ես ուրեմն, որ անիրաւացի ես տիրել նրան:

Տանուտէր: Յանուն Աստծոյ, այո՛, տէր-հայր, խոստովանում եմ. բայց եթէ այդ արօտը կորցնեմ, մուրացկանութիւն պէտք է անեմ:

Քահանան: Աւելի լաւ է մուրացկանութիւն անես, քան թէ աղքատ մարդկանց ունեցածն անիրաւացի կերպով սեպհականես: (Տանուտէրը հառաչում է) Բայց այս կէս գիշերին ի՞նչ գործ ունէիր սարի վրայ:

Տանուտէր: Ի սէր Աստծոյ, այդ մի՛ հարցնի, տէր հայր, ես չե՛մ կարող, չե՛մ համարձակուի ասել: Գթացէ՛ք ինձ, եթէ ոչ կորած եմ:

Քահանան: Ես չեմ պահանջում, որ չուզեցած բանըդ յայտնես ինձ: Եթէ ուղիղը խոստովանես, ես հայրական խորհուրդ կտամ քեզ, իսկ եթէ չես ուզում, այն ժամանակ յանցանքը բոնը կլինի, որ ես չկարողանամ քեզ խորհուրդ տալ՝ գուցէ հէնց ամենակարևոր միջոցին: Բայց որովհետև առանց քո ցանկութեան բոլոր ասածներիցդ ոչ մէկը չեմ կարող ուրիշին յայտնել, չեմ հասկանում թէ ի՞նչ օգուտ ունի ինձնից բան թագցնելը:

Տանուտէր: Ուրեմն առանց իմ գիտութեան դուք ոչինչ չէք յայտնի իմ ասածներից, ինչ էլ որ լինի ա՛յդ:

Քահանան: Ո՛չ, հարկաւ ո՛չ, տանուտէր:

Տանուտէր: Այդ դէպքում, յանուն Աստծոյ, կասեմ Ձեզ. ես ուզում էի կալուածատիրոջ սահմանաքարերից մէկը տեղափոխել:

Քահանան: Յէ՛ր Աստուած և Փրկիչ. ինչո՞ւ հէնց այդ սիրելի և բարի մարդու սահմանաքարը:

Տանուտէր: Ա՛խ, նա ուզում էր ինձնից խլել պան:

դով պահելու իրաւունքը կամ տանուտէրի պաշտօնը. այդ բանն ինձ կատաղեցրեց:

Քահանան: Դու մի դժբաղդ և դիւրապատիր մարդ ես, տանուտէր. նա բեզ միաս չէր ուզում հասցնել, այլ ընդհակառակն ուզում էր միասիւ հատուցումը տալ, եթէ կամաւ հրաժարուէիր տանուտէրի պաշտօնից:

Տանուտէր: Մի՛թէ այդ ձիշտ է, տէր-հայր:

Քահանան: Այո, տանուտէր. իբրեւ իրողութիւն կարող եմ ասել այդ, որովհետեւ հէնց իր բերանից լսեցի: Շարժ երեկոյեան որսի էր գնացել և ես նրան պատահեցի Բոյտիճօֆի ճանապարհին, ուր ես գնացել էի այն պառաւ կնոջն այցելելու: Այդտեղ նա ինձ որոշ ասաց, որ երիտասարդ Մայէրը, որին ինքն ուզում է տանուտէր կարգել, բեզ պէտքէ տարեկան հարիւր գուլդէն հատուցանէ, որ դու գանգատի տեղիք չունենաս:

Տանուտէր: Ա՛խ, Աստուած. տէր հայր, եթէ այդ գիտենայի, այս դժբաղդութիւնն իմ գլուխը չէր գայ:

Քահանան: Մարդ պէտքէ հաւատայ Ասածուն, եթէ նոյն իսկ չտեսնէ նրա բարութիւնը. բարի հօրից պէտքէ միշտ բարի բան սպասել, եթէ նոյն իսկ դեռ չենք տեսնում թէ ո՛ւր և ի՛նչպէս է նա իր բարեսրտութիւնը յայտնում: Այդպիսով միշտ հաւատարիմ ենք մնում նրան և ամեն դէպքում նրա բարեսրտութեան վրայ յոյս դնում:

Տանուտէր: Ա՛խ Աստուած, ո՞րքան տարաբաղդ մարդ եմ ես, գոնէ՛ այդ բոլորի կէսը գիտենայի:

Քահանան: Եղածն էլ չի կարելի փոխել, բայց այժմ ինչ ես ուզում անել, տանուտէր:

Տանուտէր: Աստուած է վկայ, ես էլ չգիտեմ. յանցանքս եթէ խոստովանեմ՝ մահուան պատիժ է սպասում ինձ. դուք ի՛նչ էք կարծում, տէր հայր:

Քահանան: Ես կրկնում եմ, ինչ որ հէնց այս րոպէին ասացի. ես չեմ պահանջում, որ դու խոստովանես. ասածս միայն մի խորհուրդ է. իմ կարծիքով ուղիղ ճանապարհը դեռ ոչ որի վատ հետեանքի չէ հասցրել. Արնբըրը գթասիրտ է, իսկ դու մեղաւոր ես: Այժմ արա՛, ինչ որ ուզում ես: Ես նրա գթասրտութեանը կվստահանայի, թէպէտ տեսնում եմ, որ այդ բաւականին ծանր քայլ է, սակայն նոյն-

պէս ծանր է յանցանքդ նրանից ծածկելը՝ եթէ կամենում ես սրտի ճշմարիտ խաղաղութիւն և հանգստութիւն ձեռք բերել: (Տանուտէրը հառաչում է և չէ խօսում, սակայն բահանան շարունակում է և ասում կրկին) Յանուն Աստծոյ, արա՛յ այժմ, ինչ որ ուզում ես, տանուտէր. ես ոչինչ չեմ պահանջում բեզնից. սակայն որքան մտածում եմ, այնքան ևս առաւել ինձ թւում է, որ պէտք է Արնների գթասրտութեան վրայ վստահանաս, և յանցանքդ խոստովանես, որովհետեւ նա էլ հետախուզել կտայ՝ թէ ինչո՞ւ համար ես դու կէս գիշերին խճուղու վրայ եղել:

Տանուտէր: Տէր Յիսուս. տէր հայր, ի՞նչ է միտս գալի. բլունգը, բահն ու թին և չգիտեմ էլ ինչ, թողել եմ սահմանաքարի մօտ և այդ քարն էլ կիսով չափ հանուած է. բլունգի ու բահի այնտեղ թողնիլը սարսափեցնում ու զարհուրեցնում է ինձ:

Քահանան: Եթէ դու այդ ողորմելի բլունգի և բահի համար, որոնց հեշտութեամբ կարելի է լուսանալուց առաջ վերցնել և պահել, այդչափ սարսափում ես, մտածի՛ր թէ քանի՞ հազար այդպիսի հանգամանքներ ու դէպքեր կպատահեն դեռ ևս, որոնք ամեն օր մեծ անհանգստութիւն և դառն հոգսեր կպատճառեն բեզ՝ եթէ լուես: Տանուտէր, եթէ չխոստովանես՝ ստի անդորրութիւն չես գտնի:

Տանուտէր: Թող Աստուած խղճայ ինձ, եթէ լուեմ:

Քահանան: Տանուտէր, եթէ ինքդ էլ այդպէս ես կարծում ու վախենում և կրկին քո խղճի ձայնի ու համոզմունքի հակառակ լուում ես, ի՞նչպէս կարող է այդ գործողութիւնն Աստծուն դիւր գալ և նա ի՞նչպէս կարող է ողորմած լինել դէպի քեզ:

Տանուտէր: Ուրեմն պէտք է խոստովանուե՞մ:

Քահանան: Աստծոյ ողորմութիւնը բեզ հետ կլինի, եթէ դու խղճիդ թելադրածն անես:

Տանուտէր: Ես կխոստովանեմ յանցանքս:

Երբ նա այդ խօսքերն ասաց, բահանան նրա առաջ հետևեալն աղօթեց.

Փառք, շնորհակալութիւն և երկրպագութիւն քեզ, երկնաւոր Հայր:

Դու ձեռքդ մեկնեցիր նրան և նա ընդունեց այդ՝ իմ-

րէ՛ Թարկութիւն և զարհուրանք. քո ողորմածութեան և սիրոյ ձեռքը նրա գուլթը շարժեց, այնպէս որ նա այլ ևս ճշմարտութեան ձայնը չէ քամահրում, ինչպէս որ ա- նում էր երկար ժամանակ:

Դ՛ու, որ ներողամիտ, ցաւակից և ողորմած ես, ըն- դունիր ողորմածաբար նրա խոստովանութեան զոհը և ձեռք մի՛ քաշի նրանից: Ողորմածութեանդ գործը լրացրու և թո՛ղ նրան կրկին, որ քո զաւակը լինի, ներումն շնորհի նրան: Ո՛վ երկնաւոր Հայր, մարդկային կեանքն երկրի վրայ սխա- լանք է ու յանցանք. այդ պատճառով Դու ողորմած ես մարդկային զաւակներին և ներում ես նրանց մեղքերը, երբ նրանք ուղղուում են: Փա՛ռք և երկրպագութիւն Քեզ, եր- կնաւոր Հայր. Դու ձեռքդ նրան մեկնեցիր, որ նա որոնէ Քեզ: Դու քո ողորմածութեան գործը կլրացնես և նա Քեզ կգտնէ, կգովաբանէ քո անունը և իր եղբայրների մէջ կհրա- տարակէ քո Ողորմութիւնը:

Այժմ տանուտէրը բոլորովին գթաշարժուեց և արտա- սուքը գլորուում էր նրա այտերի վրայից: Ո՛վ Աստուած, ասում էր նա, տէր Հայր, ես կխոստովանուեմ և կանեմ այն ամենը, ինչ որ կամենաս: Ես ուզում եմ սրտիս հան- գատութիւնը գտնել և Աստծոյ ողորմութիւնը:

Քահանան մի րոպէ ևս խօսեց նրա հետ, մխիթարեց նրան և երբ տուն վերադարձաւ, արդէն ժամի հինգն էր: Նա իսկոյն Արներին մի նամակ գրեց:

Երէկուայ և այսօրուայ նամակների բովանդակութիւնը հետեւեալն է:

78.

ՔԱՀԱՆԱՅԻ ԵՐԿՈՒ ՆԱՄԱԿՆԵՐԸ՝ ԱՐՆԵՐԻՆ ՈՒՂՂՈՒԱԾ

Առաջին նամակ

Ազնուածնունդ, ողորմած Պարոն.

Նամակաբերս, Հանս Վիւստը, այսօր ինձ մի այնպիսի բան յայտնեց, որ ես նրան խորհուրդ տուի նոյնը յայտնել ձեր ողորմածութեան՝ իբրև դատաւորի: Նրա և Վայրախէրի տասը տարի առաջ տուած երգումը Հիւբէլթուդիի և տա- նուտէրի գործին վերաբերեալ՝ սուտ է եղել. նա խղճահա-

րուելով՝ յայտնում է այժմ։ Այդ մի շատ տխուր պատմութիւն է, որի մէջ երեւան են գալիս կապկածելի հանգամանքներ՝ պալատական հանգուցեալ գրագրի և իմ ե տէր հանգուցեալ նախորդի դժբաղդ օգնականի մասին. ես սարսափում եմ այս խոստովանութեան առաջ բերած հետեւանքներից։ Սակայն շնորհակալ եմ Աստծուց, որ իմ շատ աղքատներից ամենից չքաւոր, ճնշուած և ցաւագար Բուդին այս խոստովանութեամբ կարող է նորից ոտքի կանգնել։ Տեսնելով տանուտէրի հետզհետէ չափազանցութեան հասնող չարութիւնն ու յանդգնութիւնը, — նա այժմ մինչև անգամ տօներն էլ չէ յարգում — ես կարծում եմ, որ նրա խոնարհելու ժամանակը հասել է։ Դժբաղդ ու խեղճ Վիւստի համար խոնարհաբար խնդրում եմ՝ եղէք ողորմած և գթաւէր, որքան որ թոյլ կտայ ձեր ողորմածութեան մարդասէր սրտի արդարադատութեան պարտականութիւնը։

Իմ սիրելի ամուսինը ողջունում է Ձեր ազնուասիրտ կնոջը և իմ երեխայքը ձեր ընտանիքին. նրանք հազար շնորհակալութիւն են յայտնում ձեր ուղարկած կոճղեղի համար, որով պէտքէ զարդարեն մեր բանջարանոցը։ Իմ երեխայքը մեծ խնամքով կվերաբերուին դրանց, որովհետև նրանց ծաղկասիրութիւնը աննկարագրելի է։

Թոյլ տուէք, ազնուածնունդ, ողորմած տէր, որ ես պարտաճանաչ հպատակութեամբ ինձ անուանեմ

Ձեր ազնուածնունդ ողորմածութեան

Բօննալ, 20 մարտի

խոնարհ ծառայ։

1780 թ.

Եօախիմ Էրնստ, քահանայ։

Երկրորդ նամակ

Ազնուածնունդ, ողորմած Պարոն.

Ծրարիս մէջ ներփակուած և արդէն կնքուած նամակում երէկ երեկոյեան Ձերդ ողորմածութեան գրեցի, իմ պարտականութիւնը համարելով, Հանս Վիւստի դէպքի առիթով. ամէն բան առաջնորդող և իմաստուն նախախնամութիւնը հաստատեց իմ ցանկութիւնները՝ խեղճ Բուդիի վերաբերութեամբ. իսկ դէպի տանուտէրն ունեցած կասկածներս էլ հաստատուեց՝ մինչև այժմ ինձ համար մի անբացատրելի դէպքով։

Կէս գիշերին գիւղում մի այնպիսի մեծ և ընդհանուր աղմուկ բարձրացաւ, որ ես կարծեցի թէ մի դժբաղդու թիւն է պատահել, մարդ ուղարկեցի բանի էութիւնն իմանալու և լուր առայ՝ թէ սատանան ուզում է տանուտէրին տանել, նա սարի վրայից խղճալի կերպով օգնութիւն էր խնդրում և բոլորն էլ լսել են նրա ետեւից վազող սատանայի սարսափելի շաչիւնը: Ես ստիպուած էի այս լուրի վրայ, թող Աստուած ներէ ինձ, սրտանց ծիծաղել: Բայց հետզհետէ գալիս էին ուրիշները և հաստատում այդ զարհուրելի դէպքը և վերջը յայտնեցին թէ տպնուտէրն իրեն օգնութեան համող մարդկանցով տուն է վերագործել, բայց դժնեայ սատանան նրան այնպէս ողորմելի կերպով թրեւել ու քարգել է, որ հաւանականաբար նա շուտով հոգին կտայ:

Այդ բոլորը հարկաւ անհաւատալի էր ինձ համար, սակայն ինչ պէտք է անէի. մարդ պէտք է աշխարհի հետ վարուի, ինչպէս որ նա կայ, որովհետեւ նրան չէ կարելի փոխել: Ես մտածեցի, որ ինչ էլ պատահած լինի միևնոյնն է. գուցէ տանուտէրն այժմ մեղմացած լինի, ուրեմն պէտք է ծգուտ քաղեմ յաջող դէպքից: Ես իսկոյն գնացի նրա մօտ և շատ ողորմելի դրութեան մէջ գտայ նրան: Նա հաստատ համոզուած էր, որ սատանան ուզում էր իրեն տանել: Ես շատ հարց ու փորձ արի՝ իսկական եղելութիւնից մի բան հասկանալու համար, սակայն ոչ մի հետեւանքի չը հասայ և մինչև այժմ դեռ ևս ոչինչ չգիտեմ: Միայն այսչափը ճշմարիտ է, որ ոչ ոք նրան ձեռք չէ տուել և նրա գլխի վերքը, որ շատ թեթեւ է, յառաջացել է վայր ընկնելուց: Սատանան էլ վերջը դադարել է ոռնալուց ու շառաչելուց:

Սակայն բաւական է, այժմ ասեմ էականը:

Տանուտէրը կակղել էր և ինձ երկու քստմեքի իրողութիւն խոստովանեց և աղատակամ թոյլ տուեց, որ ես Ձեր ողորմածութեան յայտնեմ: Առաջին, ինչ որ ինձ երէկ Հանս Վիստան ասաց՝ ճշմարիտ է, այսինքն Բուդիի գործում նա սխալեցրել է Ձեր և Տէր հանգուցեալ պապին և արօտն անարդարութեամբ է նրա ձեռքն ընկել: Երկրորդ, նա կամեցել է այս գիշեր Ձեր սահմանաբարեւից մէկը տեղափոխել և իսկապէս այդ գործի վրայ է եղել, երբ այն սարսափելի դէպքն է տեղի ունեցել:

Խոնարհաբար խնդրում եմ Ձերդ ողորմածութիւնից խնայել և գթալ նոյնպէս այս տարաբաղդ մարդուն, որ փառք Աստծոյ, զղջացած և խոնարհած է երևում:

Որովհետև երեկուանից մինչև այժմ հանգամանքները փոխուեցան, այլ ևս Հանս Վիլստի ձեռքով չեմ ուղարկում այն նամակը, այլ երկուսը միասին ուղարկում եմ Վիլհելմ Էբիի ձեռքով և սպասում եմ թէ Ձերդ ողորմածութիւնն ինչ հրամաններ կտայ ինձ՝ այդ գործին վերաբերեալ:

Ձերդ ազնուածնունդ ողորմածութեան
Բօննայ, 21 Մարտի Խոնարհ ծառայ՝

1780 թ.

Եօաթիմ Իրնստ, քահանայ:

79.

ՀԱՒ ԾԱԽՈՂԻ ՏՈՒԱԾ ՏԵՂԵԿՈՒԹԻՒՆԸ

Վիլհելմ Էբին շտապեց նամակները տանել Արնբուրգ, բայց հաւ ծախող Քրիստոֆն արդէն նրանից առաջ էր հասել դղեակ և երկար ու բարակ պատմում էր Արնբուրին լոր պատահածը: Արնբուրը նստած էր բազկաթոռի վրայ և լսելով այդ պատմութիւնը՝ տանուտէրի սարսափը, հաւ ծախողի օհ, ահ, ուհը՝ ծիծաղից փորը բռնել էր:

Թէրեզան, նրա ամուսինը, որ դեռ ևս կողքի սենեակում պառկած էր, լսելով այդ բարձրաձայն ծիծաղը և հաւ ծախողի օհ, ահ, ուհը՝ կանչեց. Կար՛, ինչ է այդ, ներս եկ և ասա՛ թէ ի՞նչ է պատահել: Արնբուրն ասում է հաւ ծախողին. ամուսինս նոյնպէս ուզում է լսել թէ դու ի՞նչ պէս կարողացար սատանայի դերը կատարել, ներս եկ: Եւ նա հաւ ծախողի հետ միասին մտաւ իր ամուսնու ննջարանը և հաւ ծախողը նորից պատմեց՝ թէ ի՞նչպէս ինքը հաւ լածել է տանուտէրին մինչև դաշտը, թէ ինչպէս նրա դրացիները ճրագներով ու զէնքով խեղճ տանուտէրին օգնութեան են հասել և թէ ինքն ինչպէս լուռ բարձրացել է սարը:

Թէրեզան ու Արնբուրն անկողնի վրայ ծիծաղում էին մանուկների նման և հաւ ծախողին տուին իրիկուանից մնացած թանկագին գինին, որ նա ուզածին չափ խմէ: Սակայն Արնբուրը պատուիրեց նրան այդ մասին ոչ մի խօսք չասել ոչ որի:

Այդ միջոցին հասաւ Վիլհելմ Էբին՝ քահանայի երկու նամակներով. Արնբուրը կարգաց և Հանս Վիլստի պատմու-

Թիւնն ամենից շատ շարժեց նրա սիրտը: Իր պապի անզգուշութիւնն ու Բուդիի դժբաղդութիւնը նրա սիրտը շարժեց, բայց քահանայի իմաստուն գործողութիւնն ուրախացրեց նրան: Նա այդ նամակներն իսկոյն տուեց Թէրէզային ու ասաց. Բօննալի քահանան մի պատուական մարդ է: Նա չէր կարող դրանից աւելի մարդասիրաբար և հոգացողութեամբ վարուել:

Թէրէզան կարգաց նամակներն ու ասաց. Վիւստի գործը սարսափելի բան է. դու պէտք է Բուդիին օգնութեան հասնես: Մի՛ ուշանայ և եթէ տանուտէրը չուզենայ նրան վերադարձնել արօտը, բանտարկել տուր. նա այնպիսի մի սատանայ է, որին դու չպէտք է խնայես:

Ես նրան կախել կտամ, պատասխանեց Արնեբը:

Ա՛խ, ոչ, դու ոչ ոքի չես սպանի:

Կարծում ես, Թէրէզա, ասաց Կարլը և ծիծաղեց: Այո՛, կարծում եմ, ասաց Թէրէզան և համբուրեց իր Կարլին:

Ես կարծում եմ, որ դու էլ ինձ չես համբուրի, եթէ մէկին սպանեմ, ասաց Կարլը:

Թէրէզան ծիծաղելով ասաց. այո՛, այդպէս է:

Արնեբը գնաց իր առանձնասենեակը և պատասխանեց քահանային:

80.

ԱՐՆԵՐԻ ԳՐԱԾ ՊԱՏԱՍԻԱՆԸ ՔԱՀԱՆԱՅԻՆ

Արժանապատիւ, սիրելի տէր-հայր.

Տանուտէրի հետ պատահած դէպքը՝ Ձեր գրութիւնը ստանալուց մի ժամ առաջ պատմեց ինձ ինքը սատանան, որ հալածեց տանուտէրին սարի վրայից. դա իմ սիրելի հաւ ծախող Քրիստոֆն է, որին դուք ճանաչում էք: Ես հէնց այսօր կպատմեմ Ձեզ բոլոր պատմութիւնը, որ շատ զուարճալի է. ես կգամ Ձեզ մօտ և սահմանաքարի առիթով համայնական ժողով կկազմեմ. միւսոյն ժամանակ ես ուղում եմ իմ գիւղացիների հետ մի կատակերգութիւն խաղալ նրանց՝ երևոյթներին հաւատալու առիթով և դուք էլ սիրելի տէր-հայր, ինձ հետ միասին պէտքէ մասնակցեք այս կատակերգութեանը: Դուք երևի շատ կատակերգութեան ներկայ չէք եղել, եթէ ոչ այդպէս երկչոտ, բայց միւսոյն ժամանակ և այդպէս բարեսիրտ և գոհ չէիք լինի:

Իմ սրտանց շնորհակալութեան ու ողջոյնի հետ ի միասին ուղարկում եմ Ձեզ իմ ամենալաւ գինիներից, որ դուք այդպէս քաջ ու ազնիւ կերպով օգնեցիք ինձ՝ իմ սիրելի պապի սխալմունքը նորից ուղղելու: Այս գիշեր ի յիշատակ նրա՝ այդ շիշերից մէկը միասին կդատարկենք: Սիրելի տէր-հայր, պապս շատ լաւ մարդ էր, թէև անպիտան մարդիկ աճախ նրա բարի սիրտն ու վստահութիւնը ի չարն են գործածել: Շնորհակալ եմ Ձեզնից, սիրելի տէր-հայր, այն հոգացողութեան և աշխատանքի համար, որ ցոյց էք տալիս յօգուտ Հիւբէրուդիի. իհարկէ ես նրան կօգնեմ: Հէնց այսօր նա պէտքէ գոհ մնայ իմ պապից և եթէ Աստուած կամենայ, քանի կենդանի է՝ նրան յիշելիս այլ ևս չի տևրի: Հոգուով չափ ցաւում եմ, որ նա այդպէս քամբաղդ է եղել և ես կաշխատեմ, ինչպէս որ կարող եմ, այնպէս անել, որ այդ մարդն իր թշուառութեան ու վշտերի փոխարէն հանգստութիւն գտնէ և նորից կազդուրուի: Հարկաւ մեր պարտականութիւնն է մեր ծնողաց սխալներն ուղղել մեր կառողութեան չափ: Ուղիղ չէ, սիրելի տէր հայր, որ հաստատում են թէ դատաւորը վտանգի չէ ենթարկւում, կամ թէ պարտական չէ փոխարէնը հատուցանելու: Ա՛խ, Աստուած, տէր հայր, ո՞րչափ քիչ են ճանաչում մարդկանց, երբ չեն տեսնում, որ բոլոր դատաւորներն իրենց ստացուածքի վաւեր-գով՝ ո՛չ միայն պէտքէ ձգտեն ազնւութեան, այլ նաև հոգացողութեամբ և լարուած ուշադրութեամբ պէտքէ գործեն: Սակայն ի զուր տեղն ինչո՞ւ եմ շաղակրատում:

Ամուսինս և բոլոր երեխաներս սիրով ողջունում են Ձերոնց և Ձեր աղջիկներին ուղարկում են էլի մի զամբիւղ ծաղիկ: Մնաք բարեւ, սիրելի տէր հայր. այժմ բոլոր սեւեակները տակն ու վրայ մի անէք և երջիկ ու խոզենիներ մի պատրաստէք՝ կարծէք սովածութիւնից ստիպուած եմ Ձեզ այցելում. եթէ ոչ միւս անգամ էլ Ձեզ մօտ չեմ գայ՝ որչափ որ դուք սիրելի էք ինձ:

Կրկին շնորհակալ եմ Ձեզնից, սիրելի տէր հայր. մնամ ամենայն համակրանքով՝

Ձեր անկեղծ բարեկամ

Արմուրգ. 21 մարտի 1780 թ. Կարլ Արներ Արնհայմի:

Յ. Գ. Իսկոյն ամուսինս յայտնեց, որ ինքն էլ ցանկանում է տեսնել հաւ ծախողի կատակերգութիւնը, ուրեմն մենք բոլորս, երեսայոց հետ ի միասին, մեծ կառքով կգանք:

81.

ԲԱՐԻ ՏԱԽԱՐԱԾԸ

Արնները Վիլհելմին ճանապարհ ձգելով՝ մտաւ իր գոմը, այնտեղ կապած յիսուն կովերից մէկն ընտրեց Հիւբէլ-րուդիի համար և ասաց իր տաւարածին. սրան կուշտ կերակրիր և ասա՛ տղային, որ նրան Բօննալ տանի ու քահանայի գոմում կապի՝ մինչև որ գամ:

Տաւարածը պատասխանեց իր տիրոջը. տէր, ինչ որ հրամայում էք՝ պէտք է անեմ, բայց այս յիսուն կովի մէջ սրա նման ոչ մէկն այնպէս ամուսնացած է, որ ինչ որ ասուի ևս ջանքով ու գեղեցիկ է և լաւ կազմուածք ունի. շուտով դրա կաթ տալու ամենալաւ ժամանակը կլինի:

Արններ: Այդ լաւ նշան է քո կողմից, տաւարած, որ գեղեցիկ կովն ամուսնացած է, բայց ես շատ ուրախ եմ, որ հէնց դրան եմ ընտրել, որովհետեւ ես էլ հէնց ամենասիրունն էի որոնում: Դա մի աղքատ մարդու գոմը պէտք է գնայ, տաւարած, ուրեմն մի ամուսնաց, դա նրան կուրախացնէ:

Տաւարած: Ա՛խ, պարոն, շատ ամուսնացած է այդ կովը. աղքատ մարդու ձեռքի տակ նա կըլարի ու կտգեղանայ: Ա՛խ, պարոն, եթէ ես իմանամ որ նա մի որ և է պակասութիւն ունի, ամեն օր Բօննալ կվաղեմ և քսակներով լի աղ ու հաց կտանեմ նրա համար:

Արններ: Բարե՛ք մարդ. այդ աղքատը մի սիրուն արօտ կստանայ, որ և բաւականին խոտ կտայ կովի համար:

Տաւարած: Գոնէ նրա դրութիւնը լաւ կլինի՝ ինձնից բաժանուելուց յետոյ:

Արններ: Գո՛հ եղիր, տաւարած, նա ոչինչ պակասութիւն չի զգայ:

Տաւարածը խոտ ածեց կովի առաջը և հառաչում էր, որ իր տէրը գոմի ամենալաւ կովն ուրիշին է ուղարկում: Յետոյ իր նախաճաշի աղ և հացը տուեց կովին և տղային ասաց. հագի՛ր մարդու շապիկդ ու կիրականորեայ զգեստդ, կօշիկներդ մաքրիր և գլուխդ սանրիր. այս կովը պէտքէ Բօննալ տանես: Տղան կատարեց տաւարածի ասածներն ու կովը Բօննալ գիւղը տարաւ:

Արները լուռ և լուրջ կերպով մտածում էր այժմ՝ թէ ի՞նչ պատիժ տայ տանուտէրին: Ինչպէս որ հայրն իր չարաբարոյ և վայրենի մանկան բանտարկելիս ու պատժելիս բացի որդուն ուղղելուց՝ ուրիշ ոչինչ չէ ցանկանում, ինչպէս որ նրա սիրտը կտրտում է պատժելու միջոցին և աւելի սիրով կկամենար խնայել ու վարձատրել նրան. ինչպէս որ նա պատժելու ժամանակ հայրաբար արտայայտում է իր թախիժը և նոյն իսկ այդ միջոցին սիրում նրան, այդպէս էլ պէտք է ես պատժեմ, մտածում էր Արները, եթէ իմ արդարադատութիւնը հայրական խնամք է հպատակներիս համար:

Այս մտածմունքներով նա վճռեց՝ թէ ի՞նչ պատիժ պէտք է տայ տանուտէրին. իսկ այդ միջոցին նրա ամուսինն ու օրիորդները շտապում էին, որ այսօր սովորականից աւելի շուտ ճաշեն:

82.

ԻՐ ՏԻՐԱԶ ՈՐԴՈՒՆ ՍԻՐՈՂ ԿԱՌԱՊԱՆԸ

Փոքրիկ Կարլը, որ տասնից աւելի անգամ խնդրել էր կառապանին՝ շտապով պատրաստել կառքը, ճաշի սեղանից վեր թռչելով գնաց ախոռն ու կանչեց. արդէն ճաշեցինք, Ֆրանց, ձիերը լծիր և դղեակի մեծ դրան մօտ սպասիր:

Փրանց: Սո՛ւտ ես ասում, ա՛յ տղայ, դեռ նրանք ճաշը չեն վերջացրել, դեռ նոր են ճաշի զանգը խփում:

Կարլ: Ինչ ասացի՞ր, ես սուտ եմ ասում, այդ չեմ կարող տանել ես, դու ծեր ընչացքաւոր:

Փրանց: Սպասիր դու մանկիկ, ես կսովորեցնեմ քեզ՝ թէ ի՞նչ է նշանակում ընչացքաւոր. ես դեռ ձիերի պոչերն ու բաշի մազերը կհիւսեմ, նրանց մէջ ժապաւէններ ու ծաղիկներ կկապեմ և այդպիսով մի ժամ կանցնի. իսկ եթէ մի խօսք էլ ասես, հայրիկիդ կասեմ որ Հերովդէսը — ձիու անուն է — խիթք (փորացաւ) ունի — տես ի՞նչպէս է նա գլուխը շարժում — այդ դէպքում հայրիկդ կհրամայէ նրան ախոռում թողնել ու փոքրիկ կառքը լծել. այդպիսով դու տանը կմնաս:

Կարլ: Չէ, Ֆրանց, այդպէս մի՛ անի. ձիերի պոչերը մի հիւսի և ժապաւէնի կապոցներ մի՛ շինի, ես սիրում եմ

քեզ, Քրանց, և էլ ընչացքաւոր չեմ անուանի քեզ:

Փրանց: Դու պէտք է ինձ համբոյր տաս, Կարլ, դու պէտք է իմ մօրուքը համբուրես, թէ չէ՝ ժապաւէնները կը վերցնեմ և կհիւսեմ:

Կարլ: Չէ, այդ մի անի, Քրանց:

Փրանց: Ինչու ես ինձ ընչացքաւոր անուանում, դու պէտք է ինձ համբուրես, եթէ ոչ ժապաւէնները կվերցնեմ և այն ձին էլ տանը կթողնեմ:

Կարլ: Եթէ ուրիշ ճար չկայ՝ կհամբուրեմ. բայց այն ժամանակ դու էլ կառքը շուտով կպատրաստեմ:

Քրանցը ցած դրեց ձիու խողանակը, փոքրիկ պարոնին վեր բարձրացրեց և մի համբոյր ստացաւ. յետոյ սրտին սեղմեց նրան ու ասաց. շատ լաւ, մանկիկս: Նա շտապեց և կառքը շուտով կանգ առաւ դղեակի մեծ դրան առաջը:

Արներն իր ամուսնու և մանուկների հետ կառք նըստեց, իսկ փոքրիկ Կարլը խնդրեց հօրը. հայրենի, կարո՞ղ եմ կառապանի նստարանի վրայ, Քրանցի կողքին նստել, կառքի մէջ նեղուածք է ու տաք: Նստի՛ր, ասաց Արները և ձայն տուեց Քրանցին. երեխային լաւ նայիր:

83.

ԱԶՆՈՒԱԿԱՆՆ ԻՐ ԲԱՆՈՒՈՐՆԵՐԻ ՄՕՏ

Քրանցն իր քաջ երիվարները բշելով՝ շուտ հասաւ Բօնանալի դաշտավայրը, ուր բանուորները բար էին կտրում: Արները կառքից ցած իջաւ՝ նրանց աշխատութիւնը դիտելու և բոլոր բանուորներին իրենց տեղը գտաւ: Նրանց բանած ժամանակին նայելով՝ բաւականին շատ քար էր պատրաստուած և Արները գովեց նրանց գործի կանոնաւորութիւնը. այդպիսով ամենքն էլ նկատեցին, որ իրենք պատուով չէին դուրս գալ՝ եթէ մի փոքրիկ անկանոնութիւն լինէր կամ թէ կարգ ու կանոնը միայն և եթ ըստ երևոյթի լինէր: Այս բանն ուրախացրեց Ահհարդին, որովհետեւ նա մտածում էր. այժմ ամենքն էլ տեսնում են, որ ես անկարգութեան ու անհոգութեան չեմ կարող համբերել: Արները հարցրեց վարպետին, թէ ո՞րն է Հիւբէլրուդին և հէնց այն րոպէին, երբ որմնագիրը ցոյց տուեց այդ մարդուն, սփրթնած և ակնյայտի թոյլ Բուդին մի մեծ քար

էր տեղահան անում: Արներն արագ կանչեց. ուժասպառ մի լինիք, բարեկամներ, և աշխատեցէք որ դժբաղդութիւն չը պատահի. յետոյ պատուիրեց վարպետին, որ նրանց ըմպելիք տայ երեկոյեան՝ և շարունակեց իր ճանապարհը դէպի Բօննալ:

84.

ԵՐԿՈՒ ՀԱՒԱՍԱՐԱՉԱՓ ԲԱՐԵՍԻՐՏ ՄԱՐԴԻԿ, ԱՐՆԵՐՆ ՈՒ ՔԱՀԱՆԱՆ, ՊԱՏԱՀՈՒՄ ԵՆ ՄԻՄԵԱՆՑ

Արները շուտ նկատելով, որ բարի քահանան դէպի ինքն է գալիս, արագացրեց իր քայլերը, հասաւ նրան ու ասաց. այսպիսի վատ եղանակին ինչո՞ւ էք ձեզ նեղութիւն տղել. յետոյ նրա հետ մտնելով քահանայի սենեակը, հաղորդեց նրան հաւ ծախողի պատմածները: Այդ վերջացնելով՝ աւելացրեց. ես բաւականին շատ գործ ունեմ, տէ՛ր հայր, այդ պատճառով այժմ շտապեմ գործերս վերջացնելու, որ յետոյ մի երկու ժամ հանգիստ և ուրախ ժամանակ անցկացնեմ: Նա մարդ ուղարկեց երիտասարդ Մայերի մօտ և պատուիրեց, որ իր մօտ գայ և յետոյ ասաց քահանային. ամենից առաջ պէտք է տանուտէրի հաշուեմատեանները կնքել տալ, որովհետեւ ուզում եմ իմանալ՝ թէ նա ո՞ւմ հետ հաշիւ ունի ե հէնց իմ աչքի առաջ նա պէտք է այդ բոլորը կարգի դնէ:

Քահանան: Այդ միջոցով, ողորմած տէր, ձեր հպատակների մեծ մասի հետ լաւ կձանօթանաք:

Արներ: Եւ յուսով եմ, որ դրանով կարող եմ այս գիւղի ընտանեկան խառնաշփոթութիւններին վերջ դնելու միջոցները գտնել. այդ առիթով ես ամեն մէկին պարզ ու հասկանալի կերպով ցոյց կտամ թէ ի՞նչպէս մարդիկ անդարձ կերպով իրենց ոչնչացնում են տանուտէրի նման վաշխառուների հետ մինչև իսկ մէկ կոպէկի հաշիւ ունենալով:

Քահանան: Ողորմած տէր. բացի հայրական սրտից, ո՞չ մի օրէնսդրութիւն չի կարող անել այդ:

85.

ԱՐՆԵՐԻ ՍԻՐՏՆ ՈՒ ՅԱՆՑԱՒՈՐ ՏԱՆՈՒՏԷՐԸ

Այդ միջոցին եկաւ երիտասարդ Մայերը. Արներն ա-

սաց նրան. Մայեր, ես ցանկանում եմ տանուտերին փոխել. թէեւ նա յանցաւոր է, բայց այնուամենայնիւ ի նկատի ունենալով մի քանի հանգամանքներ, ես ցանկանում եմ, որ քանի նա կենդանի է՝ ստանայ իր նախկին պաշտօնի եկամտի մի մասը: Դու կարողութեան տէր մարդ ես, և կարծում եմ, որ եթէ քեզ տանուտէր նշանակեմ, թոյլ կտաս, որ քո եկամտից տարեկան մի հարիւր գուլդէն այդ ծեր մարդը ստանայ:

Մայեր: Եթէ դուք ինձ այդ պաշտօնի համար յարմար էք գտնում, ողորմած տէր, այս դէպքում ևս, ինչպէս որ միշտ, կկատարեմ Ձեր հրամանը:

Արներ: Ուրեմն վաղն եկ ինձ մօտ Արնբուրգ. այնտեղ ես այդ գործը կարգի կդնեմ: Այժմ միայն այսքանն ասեմ քեզ, որ դու իմ գրագրի և դատաւոր Էբիի հետ ի միասին պէտք է կնքես Հոլմելի հաշիւներն ու գրքերը: Դուք պէտք է խիստ հետեւէք որ ոչ մի թուղթ կամ հաշիւ չը կարողանան թաքցնել:

Մայերն ու Արների գրագիրը վերցրին իրենց հետ դատաւոր Էբիին, գնացին միատեղ և կնքեցին տանուտէրի գրքերն ու հաշիւները: Տանուտէրի կինն այդ տեսնելով՝ թաց սպունգը ձեռքին՝ գնաց դէպի գրատախտակը, որի վրայ կաւիճով գրուածներ կային, բայց Մայերը տեսնելով այդ արգելեց ջնջելը և իսկոյն արտագրել տուեց այնտեղ գրուածները: Մայերը, գրագիրն ու դատաւորը զարմացան, երբ գրատախտակի վրայ կարդացին հետեւեալը. «Շաբաթ, 18 այս ամսի. Լինհարդի Յովսէփին երեք թալէր փող»: Ինչո՞ւ համար էք այս փողը տուել, ասացին Մայերը, գրագիրն ու դատաւորը տանուտէրին ու իր կնոջը՝ սակայն նրանք չէին կամենում պատասխանել: Երբ այդ պարոնները տախտակի վրայ գրածի պատճէնը քահանայի տուն բերին, Արները նոյնպէս զարմացաւ այդ երեք թալէրի վրայ ու ասաց այդ մարդոց. Դիտէ՛ք թէ ինչի համար է նա այդ փողը տուել Յովսէփին:

Մարդիկը: Մենք հարցրինք, բայց նրանք չկամեցան պատասխանել:

Արներ: Ես շուտ կիմանամ այդ. երբ Ֆլինկն ու բան-

տի պահապանը քան՝ ասացէք նրանց, որ տանուտէրին ու
Հանս Վիւստին պատեղ բերեն:

86.

ՔԱՀԱՆԱՆ ՆՈՐԻՑ 8068 Է ՏԱԼԻՍ, ՈՐ ԲԱՐԻ ՍԻՐՏ ՈՒՆԻ

Երբ բարի քահանան այդ լսեց՝ իսկոյն աննկատելի կեր-
պով թողեց այդ մարդոցը, գնաց պանդոկ ու ասաց տանու-
տէրին. ի սէր Աստծոյ, այդ ինչ երեք թալէր է, որ
տուել ես Յովսէփին, դու կրկին գլխիդ դժբաղդութիւն
կբերես, եթէ չասես այդ, որովհետեւ Արները բարկացած է:
Տանուտէրը խոստովանեց քահանային արտասուալի աչքե-
րով այդ երեք թալէրի ու Յովսէփի պատմութեան հան-
գամանքները. քահանան շտապեց կրկին Արների մօտ, ասաց
նրան բոլորը և պատմեց նոյնպէս թէ ինչպէս թախծալի
կերպով է այդ ամենը խոստովանել տանուտէրը: Նա կրկին
Արներից գթասրտութիւն ու ողորմութիւն խնդրեց խեղճ
տանուտէրի համար: Այդ մասին մի՛ հոգաք, տէր-հայր, ա-
սաց Արները. ինչպէս կտեսնէք՝ ես մարդկօրէն և ցաւակ-
ցաբար կվարուեմ:

Յետոյ նա հրամայեց Յովսէփին կապել և աշխատելու
տեղից բերել իրեն մօտ՝ տանուտէրի և Վիւստի հետ միա-
սին: Տանուտէրը դողդոջուն կաղամախի լայն տերևի նման
դողում էր. Վիւստը ներքուստ յուզուած և զղջացած էր
երևում ու համբերող. իսկ Յովսէփը կրճտացնում էր ա-
տաններն ու ասում տանուտէրին. անպիտան, այս բոլորի
պատճառը դու ես:

Արները պատուիրեց բանտարկեալներին հերթով՝ մէկ
մէկ բերել իր մօտ և Մայերի, դատաւորի ու Վայրէջի ներ-
կայութեամբ նրանց հարցաքննեց: Երբ գրագիրը նրանց բո-
լոր ասածները բառ առ բառ գրեց և բանտարկեալների ա-
ռաջ կրկին կարդաց ու սրանք էլ նորից հաստատեցին ի-
րենց ասածները՝ Արները հրամայեց որ նրանց տանեն հա-
մայնքի ժողովատեղիի լոռենու տակ, իսկ գիւղացիներին հա-
մայնքի ժողովի հրաւիրեց:

87.

ԱՐԻՈՒԹԵԱՆ ԵՒ ՌԻՐՈՒԱԿԱՆՆԵՐԻ ՄԱՍԻՆ

Արները նախ մի քանի վայրկեանով գնաց քահանայի սենեակն ու ասաց. մի բաժակ էլ խմեմ, տէր հայր, որովհետեւ ուզում եմ արիասիրտ գտնուել համայնքի առաջ: Այսպէս պէտք է անենք՝ եթէ կամենում ենք այդ մարդկանցը մի բան հասկացնել:

Շատ ճիշտ է, ասաց քահանան:

Արները նրան էլ ստիպեց մի բաժակ խմել ու ասաց. լաւ կլինէր որ հոգևորականներն էլ սովորէին առանց ձեւականութեան վարուել ժողովրդի հետ. ժողովուրդը սիրում է արիասիրտ, պարզ և սրտաբաց մարդկանց:

Ա՛խ, պարոն, ասաց քահանան, ժողովրդի հետ հէնց այդպէս վարուելիս՝ մարդ հազար ու մի դժուարութիւնների է հանդիպում:

Արներ: Այդ մի դժբաղդութիւն է ձեր պաշտօնի համար, տէր-հայր:

Քահանան: Իրաւունք ունիք. հոգևորականներից աւելի պարզ, սրտաբաց յարաբերութիւն ոչ ոք չի կարող ունենալ ժողովրդի հետ. նրանք պէտք է ժողովրդի մարդիկը լինէին և դրա համար պատրաստուէին. նրանք պէտք է ժողովրդի աչքերին նայելով հասկանային՝ թէ ի՞նչ և ո՞րտեղ պէտք է խօսեն ու լռեն: Իրենց խօսքերը ոսկու պէս պէտք է խնայէին և այնպէս դիւրութեամբ, տեղին ու մարդասիրաբար արտասանէին՝ ինչպէս իրենց վարդապետը: Բայց ա՛խ, նրանք ուրիշ դպրոցներումն են կրթութիւն ստանում. պէտք է համբերութիւն ունենանք, պարոն: Ամեն դասակարգերի մէջ էլ հաւասարաչափ արգելքներ են առաջանում պարզութեամբ գործելու համար:

Արներ: Այդ ճիշտ է. ամեն դասակարգերի մէջ էլ մարդիկ շեղւում են նրանից, ինչ որ պէտք է լինէին: Յաճախ մենք ստիպուած ենք մեր դասակարգի նշանաւոր պարտաւորութիւնները կատարելու ժամանակի մեծ մասը գործ դնել արտաքին ձևերի և կատակերգութիւնների վրայ և շատ քիչ մարդ կլինի, որ կարողանայ ձևականութիւնների ու սոփեստութիւնների լծի տակ՝ իր պարտաւորութիւնների

զգացումն և իր ներքի էութիւնն այնպէս անբիծ պահպանել, ինչպէս որ այդ յաջողութիւն է Ձեզսիրելի տէր-հայր: Ինձ էլ ուրախութիւն և զուարճութիւն է պատճառում, որ զգում եմ հայրական երանելի արժանապատուութիւնը: Ես էլ կաշխատեմ այդ արժանապատուութեան ինձ վրայ դրած պարտաւորութիւնը մաքուր սրտով կատարել և Ձեզ նման՝ արտաքին ձեականութիւններից անել միայն այն, ինչ որ հարկադրուած եմ անելու:

Քահանայն: Դուք ամաչացնում էք ինձ, տէր:

Արններ: Ես ասում եմ, ինչ որ զգում եմ — բայց շուտով կզանգահարեն. ես շատ փափագում եմ՝ շուտ տեսնել համայնքի հետ խաղացած կատակերգութիւնը. այս անգամ կարծում եմ, որ նրանց սնոտիապաշտութիւնը մի բանով կը պակասացնեմ:

Քահանայն: Տայ Աստուած, որ այդ յաջողուի Ձեզ մարդ երբ ցանկանում է բարի բան հասկացնել ժողովրդին՝ սնոտիապաշտութիւնը միշտ արգելք է հանդիսանում:

Արններ: Ես էլ զգում եմ, որ յաճախ սնոտիապաշտութիւնը մարդոց յիմարացնում, շփոթում և երկչոտ է դարձնում:

Քահանայն: Սնոտիապաշտութիւնը մարդուս գլխին մի այնպիսի հարուած է տալիս, որ խառնակում է նրա բոլոր գործողութիւնը, խօսակցութիւնն ու դատողութիւնը. և որ աւելի գլխաւորն է՝ նա փչացնում է մարդու սիրտը և կոշտութիւն ու կոպտութիւն է ներշնչում նրան:

Արններ: Այո՛, տէր-հայր, անկարելի է գիւրութեամբ զանազանել բնութեան պարզութիւնը և սնոտիապաշտութեան կշիռ յիմարութիւնը:

Քահանայն: Դուք իրաւացի էք, պարոն. բնութեան անապական պարզութիւնն ընդունակ է ճշմարտութեան և առաքինութեան իւրաքանչիւր տպաւորութիւնն ընդունելու. նա նման է կակուղ գրատախտակին: Սակայն սնոտիապաշտութեան յիմարութիւնը նման է ձուլուած մետաղաքարին, որ բացի կրակից ու բոցից՝ ընդունակ չէ ոչ մի տպաւորութիւն ընդունելու: — Պարոն, քանի որ դուք սկսեցիք այդ տարբերութեան մասին խօսել, որ իմ պաշտօնիս համար մեծ նշանակութիւն ունի, ես ուզում եմ մի փոքր շարու-նակել այդ մասին:

Արններ: Խնդրեմ, տէր-հայր, այդ ինձ համար նոյն-
պէս մեծ նշանակութիւն ունի:

Քահանայն: Մարդս իր բնութեան անապական պար-
զութեամբ շատ քիչ բան գիտէ, բայց նրա գիտեցածը կար-
գաւորուած է: Նրա ուշադրութիւնը զօրեղ կերպով դար-
ձուած է իրեն հասկանալի ու գործածութեան համար պէտ-
քական բաների վրայ. նա երեւակայութեամբ չէ ուզում գի-
տենալ այն, ինչ որ ինքը չէ հասկանում և գործադրելու
չէ: Սակայն սնոտիապաշտութեան յիմարութիւնը կարգաւո-
րութիւն չունի: Նա պարծենում է՝ թէ գիտէ այն, ինչ որ
չգիտէ և չէ հասկանում. նա վճռում է՝ թէ իր գիտութեան
անկանոնութիւնը աստուածային կարգաւորութիւն է և նրա
արձակած փամփուլաների անցողական փայլը՝ աստուածային
իմաստութեան լոյս է:

Պարզ ու անմեղ բնութեան ծառայում են բոլոր զգայ-
արանները, նա առանց մտածելու չէ դատում, ամեն բանի
վրայ նայում է հանդարտ և մածեղով, համբերում է հա-
կաճառութեան, եռանդով աշխատում է կարիքների համար
և ոչ թէ կարծիքների. շրջում է մեղմ, հանդարտ և սի-
րով լի: Սակայն սնոտիապաշտութիւնն իր և բոլոր մարդ-
կանց մտքի դէմ իր կարծիքն է առաջ բերում. նա միայն իր
անապարծութեան յաղթանակի մէջ է հանգստութիւն գըտ-
նում և նրանով իր ամբողջ կեանքը վայրենի և կոշտ ու
կոպիտ կերպով աղմկում: Անարատ պարզութեան մէջ մար-
դուս առաջնորդում են՝ նրա անապական սիրտը, որի վրայ
նա միշտ կարող է յուսալ, և միտքը. սակայն սնոտիապաշտ
մարդու առաջնորդն է իր կարծիքը, որին նա զոհ է բերում
իր սիրտը, միտքը և յաճախ Աստծուն, հայրենիքը, իր մեր-
ձականերին և ինքն իրեն:

Արններ. Այդ ցոյց է տալիս պատմութիւնն իր իւրա-
քանչիւր էջի վրայ և մի փոքր փորձառութիւնն ու աշխար-
հաճանաչողութիւնը համոզում է ամեն մէկին, որ խստա-
սրտութիւնն ու սնոտիապաշտութիւնը ձեռք ձեռքի տուած
են գնում և որ նրանք թշուառ ու փնասակար հետեանք-
ներից աւելի ոչինչ չեն բերում իրենց հետ:

Քահանայն: Պարոն, բարի, անզարգացած մարդու
պարզութեան և սնոտիապաշտութեան յիմարութեան այս

էական տարբերութիւնից լոյսի նման պարզ երևում է, որ սնոտիապաշտութեան դէմ գործելու ամենալաւ միջոցն այն է, որ ժողովրդին դաստիարակելիս ճշմարտութեան ուսուցումը հիմնենք բնոյշ ու բարի անմեղութեան և սիրոյ անարատ զգացման վրայ, նրա ուշադրութեան ոյժը կենդրոնացնենք այն մերձակայ առարկաների վրայ, որոնք իրենց անհատական դրութեամբ հետաքրքրական են:

Արններ: Ես հասկանում եմ Ձեզ, տէր-հայր. ես էլ համաձայն եմ, որ այդպիսով սնոտիապաշտութիւնն ու նախապաշարմունքը կկորցնեն իրենց խայթոցը, իրենց ներքին վնասակարութիւնը, և այդպիսով նախապաշարմունքի ու սնոտիապաշտութիւնների մնացորդը կլինէր միայն մի մեռած տառ և իրի ստուերը՝ առանց ներքին թոյնի և ինքն իրեն կընկնէր:

Քահանան: Ես այդպէս եմ կարծում, պարոն. կարգ ու կանոնը, մերձակայ իրերն ու մարդկային ձգտումների մեղմ զարգացումը պէտք է ժողովրդի ուսուցման հիմքը կազմեն, որովհետեւ դրանք անկասկած ճշմարիտ մարդկային իմաստութեան հիմնաքարերն են: Կարծիքների և հեռաւոր առարկաների վրայ մեծ, իսկ պարտականութեան, գործի և մերձակայ յարաբերութեանց վրայ թոյլ ուշադրութիւն դարձնելն անկանոնութիւն է մարդկային հոգւոյ էութեան համար: Նա մեր ամենանշանաւոր գործառնութեանց մէջ տգիտութիւն է սերմանում և յիմարաբար նախապատուութիւն է տալիս՝ մեզ հետ ոչինչ կապ չունեցող գիտութեանը: Ամեն հպարտութեան և մեծ համարումի բնական հետեւանքն է սրտի կոշտութիւնն ու կոպտութիւնը. այդ պատճառով և սնոտիապաշտութեան ու նախապաշարմունքի թոյնի ազդիւրը պէտք է որոնել այն հանգամանքի մէջ, որ ժողովրդին դաստիարակելիս նրա ուշադրութիւնը հաստատապէս չեն դարձնում այն առարկաների վրայ, որ նրա անհատական դրութեան համար աւելի նշանաւոր ու շահագրգիռ են և նրա սիրտն ընդունակ են դարձնում՝ ամեն հանգամանքներում անարատ և մեղմ մարդկային լինելու: Եթէ լուրջ ու եռանդուն կերպով անէին այդ, ինչպէս որ լրջութեամբ ու եռանդով կարծիքներ են ընդունում, սնոտիապաշտութեան արմատները կոչնչանային և նրա զօրութիւնը կչքանար. բայց

օրն օրի վրայ աւելի զգալի է ինձ համար, թէ այս գործում ի՞նչքան ենք յետ մնացել:

Արններ: Աշխարհում ամեն բան՝ համեմատաբար ճիշտ է կամ անճիշտ. աւելի վատ ժամանակներ կային. կար ժամանակ, երբ մարդիկ կամ պէտք է ուրուականներին հաւատային կամ թէ հերետիկոս ճանաչուէին. կար ժամանակ որ ծեր կանանցը՝ կասկածի և չարամիտ գանգատների հիման վրայ տանջելով հարցնում էին՝ թէ նրանք ի՞նչպիսի յարաբերութիւն են ունեցել ստատիկների հետ. այդպէս չվարուող դատաւորներն իրենց իրաւունքն ու պաշտօնը կորցնելու վտանգի մէջն էին:

Քահանան: Փա՛ռք Աստծոյ, այդ ժամանակներն անցան, բայց հին խմորից դեռ շատ բան է մնացել:

Արններ: Արիանանք, տէր-հայր. սնոտիապաշտութեան տաճարի քարերը մէկմէկու ետեւից կընկնեն, եթէ նոյն եռանդով Աստծոյ տաճարի շինութեան վրայ աշխատէինք, ինչ եռանդով որ սնոտիապաշտութեան տաճարի քարերն ենք գլխում ու վայր գցում:

Քահանան: Հէնց այդ է որ չկայ. սնոտիապաշտութեան դէմ մղուած կռուի պատճառով իմ զգացած ուրախութիւնը թուլանում կամ ոչնչանում է, որովհետեւ տեսնում եմ, որ մարդիկ չեն հոգում Աստծոյ սրբութիւնը, կրօնը, իր զօրութեամբ և ոյժով աշխարհիս վրայ պահպանելու:

Արններ: Այդպէս է. սակայն բոլոր յեղափոխութեանց ժամանակ սկզբում ցանկանում են՝ լոգարանի հետ երեխային ևս դուրս շարժել: Իրաւունք ունէին Աստծոյ տաճարը մաքրելու, սակայն այժմ արդէն զգում են, որ եռանդով գործելու ժամանակ իրենց պարիսպն են քանդել, որ պէտք է նորից վերաշինել:

Քահանան: Ես յղյս ունեմ առ Աստուած և իմ աչքով տեսնում եմ, որ մարդիկ սկսում են զգալ, որ կործանող անկրօնութիւնը թաղում է յաւիտեան մարդկային երջանկութիւնը:

Արններ: Այժմ գնանք, այսօր ես պէտք է մի յարձակում գործեմ սնոտիապաշտութեան դէմ և հարուած տամ Բօննալի ուրուականների տաճարին:

Քահանան: Աստուած տայ որ յաջողէք. ես իմ յարձակումներով ու քարոզներով դեռ ևս շատ բան չկարողացայ անել:

Արններ: Ես չեմ ուզում խօսքերով փորձել, տեր-հայր: Իմ հաւ ծախողն իր զամբիւղով ու լապտերով, բլունգով ու բահով պէտք է խօսքերիս տեղը բռնէ:

Քահանան: Ես լրջօրէն հաւատացած եմ, որ նա իր գործը շատ լաւ կանի, որովհետեւ ճշմարիտ որ եթէ մարդ գիտէ այդպիսի դէպքերից օգուտ քաղել, նա մի վայրկեանում աւելի շատ բան է անում, քան թէ ճարտասանական բոլոր ձևերով՝ կէս դարի ընթացքում:

88.

ԿՐԿԻՆ ՈՒՐՈՒԱԿԱՆՆԵՐԻ ՄԱՍԻՆ, ԲԱՅՑ ԱՅԼ ՁԵՒՈՎ

Այդ միջոցին բոլոր գիւղացիները հաւաքուել էին համայնքի ժողովատեղում. երէկուայ դէպքը և բանտարկեալների մասին տարածուած լուրերն առիթ էին տուել գիւղացիներին՝ ահագին բազմութեամբ շտապել դէպի ժողովատեղին: Սատանայի սարսափելի երեւոյթը նրանց զգացումները շարժել էր և նրանք առաւօտուանից արդէն խորհրդակցել ու վճռել էին, որ այլ ևս չհամբերեն քահանայի անհաւատ քարոզներին և չթող տան, որ նա ծաղրէ ու բուռականներին: Նրանք կամենում էին դիմել Էջեգառամէր Հարտկնոպֆին, որ նա համայնքին մի դասախօսութիւն կարդայ այդ խնդրի առիթով. բայց երիտասարդ Մայերն ընդիմադրեց ու ասաց. ես չեմ կարող տանել, որ այն ագահ շունը, որ իր երեխայոցը քաղցած թողնելով՝ կեղտոտ ապուրների ետեւիցն է ընկնում, մեր հաւատի մասին խօսէ: Մեզ համար յաւիտենական խայտառակութիւն կլինի, եթէ այդ շողօքորթին խօսելու իրաւունք տանք: Գիւղացիները պատասխանեցին. մենք էլ լաւ գիտենք, որ նա ագահ ու շողօքորթ է, գիտենք նոյնպէս որ նրա աղախինն իրեն պէս անուանարկի մէկն է և որ նրանք կենակցում են ճշմարիտ է, մեզնից ոչ ոք այնպէս համարձակ չէ ստում ինչպէս նա. նրա նման ոչ ոք գետինը հերկելիս՝ ուրիշի սահմանը չէ անցնում և հնձի ժամանակ էլ նրա նման ոչ ոք մաքուր չէ հնձում հերկի երկու կողմն էլ, բայց մեզնից ոչ ոք էլ

նրա նման կարող չէ քահանայի հետ խօսել կամ թէ մի հոգևոր գործ պաշտպանելը Եթէ դու ճանաչում ես մէկին, որ նրա կիսի չափ էլ կարողանայ և կամենայ անել, շատ բարի:—Իսկ Մայերն այդպիսի մարդ չէր ճանաչում:

Այդ պատճառով գիւղացիները դիմեցին Եհէգաուներին ու ասացին. Հարտկնոպֆ, դո՛ւ ես այն մարդը, որ կարող է մի հոգևորականի պատասխանել. բացի բեզանից մեղանում՝ այդպիսի մարդ չկայ: Այսօրուայ համայնքի ժողովին դո՛ւ պէտք է Արներին գանգատուես քահանայի անհաւատ լինելու մասին և մի օր պահք պահանջես՝ դժուրակ սատանայի երևոյթի առիթով: Սակայն գիւղացիները յայտնապէս չխօսեցին նրա հետ, այլ միայն գիւղի առաջաւոր մարդկանց ձեռքով, որովհետեւ քահանան աղքատ գիւղացիների մէջ բարեկամներ շատ ունէր, իսկ հարուստներն ատում էին նրան, մանաւանդ այն օրուանից, երբ մի անգամ նա առաւօտեան քարոզի մէջ բացատրեց՝ թէ Արների յօգուտ աղքատների մշակել տուած այն ողորմելի արօտի բաժանմանը ընդգիմանալը՝ իրաւացի չէ: Եհէգաուներ Հարտկնոպֆն ընդունեց այդ յանձնարարութիւնն ու ասաց. թէպէտ շատ ուշ էք անում այդ յանձնարարութիւնը, բայց կաշխատեմ պատրաստել ճառս: Եւ նա գիւղացիներից բաժանուելով՝ գնաց տուն և առաւօտուանից մինչև երեկոյ սովորում էր իր ասելիքը, մինչև որ գիւղացիները համայնքի ժողովի հրաւիրուեցան: Երբ բոլոր դաւադիրները ժողովուեցան՝ զարմանում էին թէ ինչո՞ւ չէ եկել Հարտկնոպֆը: Նիքէլ Շպիցն ասաց. հաւանականաբար նա սպասում է, որ դուք գնաք և բերէք նրան. ի՞նչ անենք, ասացին գիւղացիները, պէտք է հպատակուենք այդ խենթին, եթէ ոչ՝ չի գայ: Նրանք երեք պատգամաւոր ուղարկեցին, որ նրան բերեն. սրանք շուտով վերադարձան նրա հետ միասին և Եհէգաուները գիւղացիներին քահանայի նման ծանրութեամբ ողջունեց և իրեն շրջապատող առաջաւորներին ու դատաւորներին ապահովացնում էր ծածուկ և մտախոհ կերպով՝ թէ դասախօսութիւնը պատրաստ է:

Այդ միջոցին Արները հաւ ծախողին սովորեցնում էր, որ երբ ինքը մի մեծ ու սպիտակ թաշկինակ հանի գրպանից, առաջ գայ և կարգով պատմէ ու անէ այն բոլորը,

ինչ որ արդէն խօսել ու որոշել են: Յետոյ նա քահանայի ու գրագրի հետ միասին գնաց համայնքի մօտ. բոլորն էլ տեղից վերկենալով ողջունեցին ողորմած պարոնին ու արժանապատիւ քահանային: Արները հայրական բարութեամբ շնորհակալութիւն յայտնեց ու ասաց գիւղացիներին, որ իրենց նստարանների վրայ նստեն, որպէս զի ամէն բան կարգին լինի:

Իսկ Թէրէզան, տիրուհին ու գղեակի ու քահանայի տանն եղող երեխաներն ու ծառաները կանգնած էին եկեղեցու բակում, որտեղից պարզ երևում էր համայնքի ժողովատեղին:

Արները պատուիրեց, որ բանտարկեալներին մէկի միւսի ետևից հերթով առաջ բերեն և նրանց ասածն ու խոստովանածը հրապարակով կարդան. երբ բանտարկուածները համայնքի առաջ կարդացածը հաստատեցին, Արները հրամայեց տանուտէրին իր դատավճիռը ծնկաչոք լսել և սկսեց այսպէս.

89.

Դ Ա Տ Ա Վ Ճ Ի Ռ

Տարաբաճ դէ մարդ:

Արտանց ցաւում եմ, որ ծերութեանդ օրերում գործածդ յանցանքների պատիժը պէտք է կրես: Դու արժանի ես մահուան պատժի՝ ոչ թէ նրա համար, որ Հիւրէլլուդիի արօտը կամ իմ սահմանաբարը մարդու կեանք արժեն, այլ որովհետեւ ստերդումն գործողութիւններն ու աւազակային կեանքը կարող են մի երկրի համար անսահման վրտանգաւոր լինել և դժբաղդութիւն պատճառել: Երդմահար մարդն ու աւազակը պատահած դէպքում մարդասպան են դառնում և մեծ մասամբ նրանք այդպէս են դառնում՝ իրենց պատճառած թշուառութեան, վշտի, կասկածի ու խառնակութեանց շնորհիւ. դու արժանի ես մահուան: Ծերութեանդ և այն հանգամանքի պատճառով՝ որ գործած յանցանքներիդ մի մասն իմ դէմ է ուղղուած, կեանքդ շնորհում եմ. բո պատիժը կ'լինի հետևեալը.

Դու պէտք է հէնց այսօր գիւղի բոլոր առաջաւոր մարդկանց և ցանկացողների հետ միասին՝ գնաս իմ սահ-

մանագլուխը և շղթայած դրութեամբ՝ սահմանաքարը նորից իր նախկին դրութեան մէջ դնես. յետոյ քեզ կտանեն տեղական Բօննալ գիւղի բանտը. այդտեղ տասնւէորս օր շարունակ քահանան կգայ քեզ մօտ և կիմանայ քո կենսագրութիւնը, որ պարզ ու որոշ կարելի լինի տեսնել, թէ ռոտեղից է առաջացել սրտիւ պղպիսի կոպտութիւնն ու անզգամութիւնը: Ինքս անձամբ բոլոր պէտք եղած միջոցները ձեռք կառնեմ՝ գործած յանցանքներիդ պատճառներն ու հանգամանքները որոշելու, որպէս զի իմ ուրիշ հպատակներն էլ այդպիսի դժբաղդութեան մէջ չընկնեն: Տասնւէորս օրից յետոյ, կիրակի, քահանան հրապարակով, ամբողջ համայնքի ներկայութեամբ, կպատմէ քո կեանքի պատմութիւնը, քո ընտանեկան անկարգութեան, խստասրտութեան, բոլոր երգումների ու պարտաւորութեանց յեղաշրջելու, խեղճերի ու հարուստների հաշիւները պահելու երեւելի եղանակի մանրամասն նկարագրութիւնը՝ քո իսկական խօսքերի հաստատութեամբ: Ինքս անձամբ ներկայ կըլինեմ և քահանայի հետ ամեն միջոց ձեռք կառնեմ, որչափ կարելի է, իմ հպատակներին ապագայում ազատ պահելու այդպիսի վտանգներից և գիւղում տիրող շատ ընտանեկան թշուառութեանց աղբիւրն ու պատճառը գտնելու և օգնելու ու խորհուրդ տալու համար: Այսքանով կբաւականանայի և քեզ կարձակէի, եթէ իմ հպատակները քնքոյշ ու լաւ կրթուած լինէին ու հասկանային՝ ճշմարտութեան ու իրենց ժամանակաւոր ու յաւիտենական փրկութեանը հետեւել ոչ թէ զզուելի, խիստ ու կոպիտ պատիժների թըշուառ երկիւղից, այլ հէնց ճշմարտութեան ու փրկութեան ձգտումից: Սակայն այսքան բիրտ, անողոսպ ու անկիրթ ամբօխի համար կարելոր է, որ դու կրես և հետեւեալ պատիժը. վաղը դահիճը կտանի քեզ Բօննալի կախաղանի տակ, աջ ձեռքդ մի բարձր ձողի վրայ կկապի և քո առաջին երեք մատը չանցնող սև գոյնով կներկէ. այդ ժամանակ, իմ կամքս այդպէս է, ոչ որ չհամարձակուի ծաղրել կամ ծիծաղել կամ թէ մի որեւէ հայհոյական խօսքով չարչարանքիդ այդ ժամը դառնացնել. այլ ընդհակառակը բոլոր ժողովուրդը, առանց շշուկի ու խօսակցութեան, լուռ և գլխաբաց ականատես լինի:

Հանս Վիլսոնը Արները դատապարտեց ութնօրեայ բանտարկութեան. իսկ Յովսէփին, իբրև օտարականի, հրամայեց աքսորել իր երկրից և ապագայում արգելել նրան՝ մտնել իր սահմանը, իսկ հակառակ դէպքում՝ բանտարկել նրան:

Այդ միջոցին քահանայի սանահայրը, Հանս Ռէնօլդը՝ ծածուկ յայտնել էր քահանային գիւղացիների մտադրութեան և Էհէգաուսի ճառի մասին՝ ասելով որ նրանք անպատճառ պէտք է իրեն մեղադրեն անհաւատ լինելու համար: Քահանան շնորհակալութիւն յայտնեց Ռէնօլդին և ժպտալով ասաց նրան, հանգիստ եղիր, գործը վատ չի վերջանայ:

Այդ շատ լաւ է, ասաց Արները, քահանայից լսելով այդ պատմութիւնը, որ հէնց իրենք են սկսելու խաղը, այդ միջոցին Էհէգաուսի վերկացաւ տեղից ու սկսեց խօսել:

90.

ԷՀԷԳԱՈՒՍԻ ՀԱՐՏԿՆՈՂՔԻ ՃԱՌԱԽՕՍՈՒԹԻՒՆԸ

Տէ՛ր:

Թոյլ կտամ յանուն Բօննալի 2եր հաւատարիմ համայնքի մի բան խօսել, որ վերաբերում է խղճի ազատութեան: Արներ: Խօսիր, ո՞վ ես, ի՞նչ ես ուզում:

Էհէգաուսի: Ես Յակոբ, Քրիստոֆ Փրիդրիխ Հարտկնոպֆն եմ, Բօննալի Էհէգաուսին ¹⁾ ու եկեղեցու հոգաբարձուն. 56 տարեկան եմ: Գիւղի առաջաւորներն ինձ յանուն հասարակութեան ընտրել են ու խնդրել, որ իրենց կողմից, բանի որ իրենք հոգւոր գործերին հմուտ չեն, մի բան խօսեմ:

Արներ: Ուրեմն սկսեցէք, Հարտկնոպֆ:

Հարտկնոպֆ: Ողորմած տէր, մենք մեր ծախնիքներից սովորել ու հաւատում ենք, որ սատանան ու իր ուրուականները յաճախ երևում են մարդոց և որովհետեւ այժմ բոլորին պարզ յայտնուեց, որ մեր հին հաւատն ուրուականների վերաբերութեամբ ճիշտ է, ինչպէս որ մենք

¹⁾ Էհէգաուսի կոչում էր համայնքի պատուոյ դատարանի անդամը:

մի րոպէ անդամ չէինք կասկածում, այդ պատճառով յանուն Աստծոյ համարձակում ենք մեր ողորմած տիրոջը յայտնելու, որ մեր քահանան, — Աստուած ներէ նրան — այդ հաւատը չունի: Մեզ այն էլ յայտնի է, որ ուրուականների վերաբերութեամբ դուք ևս քահանայի կարծիքին էք. բայց որովհետեւ հաւատի գործում աւելի Աստծուն պէտք է հնազանդուել քան մարդուն, յուսով ենք, որ Ձեր ողորմածութիւնը կ'ներէ մեզ՝ եթէ խնդրենք, որ մեր քահանան այսուհետեւ սատանայի վերաբերութեամբ մեր հին հաւատի համաձայն ուսուցանէ և այլ ևս ուրուականների հակառակ չ'ըսուէ, որոնց մենք հաւատում ենք և ուղղում ենք հաւատալ: Կցանկայինք նոյնպէս, որ մօտակայ կիրակի օրերից մէկը յատկապէս նշանակուէր իբրեւ պահքի և ապաշխարանքի օր, որ կարողանանք ուրուականներին չհաւատալու հետզհետէ տարածուող մեղքն ապաշխարել:

Արներն ու քահանան հարկաւ հաղիւ էին կարողանում իրենց ծիծաղը պահել, մինչև որ նա վերջացրեց, բայց այսուհամենայնիւ համբերութեամբ լսեցին նրան: Իսկ գիւղացիներն իրենց սրտում ուրախանում էին այս ճառի վրայ և վճռեցին այդ թանկագին մարդուն հարիւրներով ճանապարհ գցել դէպի տուն, թէև երեք մարդով էին կանչել: Նրանք տասնեակներով վեր կացան տեղներից ու ասացին, ողորմած տէր. ինչ որ Հարսնոպֆն ասաց՝ մեր բոլորի կարծիքն է:

Սակայն աղքատներն ու նրանք, որոնց սիրելի էր քահանան, շատ էին վախենում նրա համար. երանի՜ թէ նա այդպէս դժբաղդ չլինէր ու հաւատար ինչ որ հաւատում են ուրիշները. նա հօ ուրիշ բաներում ա՛յնպէս քաջ է. սակայն սրանք չէին համարձակում խօսել, չնայելով որ քահանայի թշնամիներն այժմ ցնծում էին:

91.

ԱՐՆԵՐԻ ՊԵՏԱՍԻԱՆԸ

Արները գլխարկը ծածկեց, լուրջ կերպով շուրջը նայեց ու ասաց. բարեկամներ, այդ յիմարութեան համար ճառախօսի կարիք չկար. ինքը գործը և սատանայի երեւութը սխալման է և ձեր քահանան ամենահասկացող հոգեւորականներից մէկն է: Դուք պէտք է ամաչէիք և ձեր

ԷՏԵՔԱՌԱՔԵՐԻ պէս մի ողորմելի մարդու ձեռքով նրան չը-
հայհոյէիք: Եթէ դուք պարտուպատշաճ յարգանք ունենա-
լիք նրա խելացի ուսուցման վերաբերութեամբ, աւելի խե-
լօք ու հասկացող կգառնայիք, ձեր հին կանանց սնոտիւ-
պաշտութիւնը կթողնէիք և ոչ թէ անհիմն ու բոլոր խելա-
ցի մարդկանց հակառակ կարծիքներ կունենայիք:

Գիւղացիներն սկսեցին տասնեակներով խօսել. այս գի-
շեր յայտնապէս սատանան երեւաց տանուտէրին և ուղում
էր նրան տանել:

Արններ: Սխալանքի մէջ էք, բարեկամներ և դեռ ըն-
թրիբից առաջ կամաչէք ձեր յիմարութեան համար. բայց
ես յուսով եմ, որ դուք բոլորդ էլ միասին չէք պնդի ձեր
յիմարութեան վրայ: Մայեր, դու եւս այն կարծիքի ես,
որ չպէտք է նոյն իսկ կասկածել, որ սարի վրայ տանու-
տէրին վախեցնողը դժնդակ սատանան էր:

Երիտասարդ Մայերը պատասխանեց. ես ի՞նչ գիտեմ,
ողորմած տէր: ԷՏԵՔԱՌԱՔԵՐՆ և շատ գիւղացիներ բարեկա-
ցան Մայերի վրայ, որ նա սյդպէս պատասխանեց, ԷՏԵ-
ՔԱՌԱՔԵՐԸ շշնչում էր. ինչո՞ւ ես հակառակ խղճիդ ու գի-
տեցածիդ խօսում, Մայեր. շատ գիւղացիներ էլ ասում էին,
չէ՞ որ ամենքս էլ լսեցինք սատանայի սարսափելի ձայնը:

Արններ: Ես գիտեմ, որ դուք լսել էք աղաղակ, մաքն-
չիւն և շաչիւն, բայց ի՞նչպէս կարող էք ասել, որ դա սա-
տանան էր. արդեօք չէ՞ր կարող պատահել, որ մի կամ մի
քանի մարդիկ կամենային վախեցնել տանուտէրին, որ այդ-
պէս անժամանակ այնտեղ է եղել: Անտառն երբէք դատարկ
չէ, այնտեղ մարդիկ են լինում և խճուղին էլ մօտ է, ու-
րեմն այդ բանը սատանայից աւելի հեշտութեամբ մարդիկ
կարող էին անել:

Գիւղացիներ: Տասն և քսան մարդ միատեղ չէին կա-
րող այդպիսի աղմուկ անել. եթէ դուք էլ այնտեղ լինէիք,
ողորմած տէր, և լսէիք՝ Ձեր մտքովն էլ չէր անցնի՝ թէ
այդ աղմուկ հանդիները մարդիկ են:

Արններ: Դիշերը խաբում է, բարեկամներ, և երբ
մարդ վախեցած է, ամեն բան կրկնակի է տեսնում ու լսում:

Գիւղացիներ: Մեր սխալուելու մօտին չի կարելի խօ-
սել, այդ անկարելի է:

Արններ: Բայց ես ասում եմ ձեզ հաստատ կերպով,
որ դուք սխալուում էք:

Գիւղացիներ: Ո՛չ, ողորմած տէր, հաստատ գիտենք,
որ մենք չենք սխալուում:

Արններ: Ես կարծում եմ, որ կարող եմ ապացուցա-
նել, որ դուք սխալուում էք:

Գիւղացիներ: Այդ կցանկանայինք տեսնել, ողորմած տէր:

Արններ: Այդ շատ հեշտ է:

Գիւղացիներ: Ձերդ ողորմածութիւնը կատակ է անում:

Արններ: Ո՛չ, ես կատակ չեմ անում. եթէ կարծում
էք թէ չեմ կարող, կփորձեմ. եթէ դուք համայնքին պատ-
կանող արօտը չբաւորներին կբաժանէք, ես խօսք եմ տա-
լիս ապացուցանելու, որ միմիայն մի մարդ է արել այն բո-
լոր աղմուկն ու շաչիւնը:

Գիւղացիներ: Այդ անկարելի է:

Արններ: Ուղղում էք փորձել:

Գիւղացիներ: Այո՛, կամենում ենք. մենք կարող ենք
համարձակ երկու համայնական արօտ գրաւ դնել և ոչ
թէ մէկը, որ դուք չէք կարող այդ ապացուցանել:

Այդ խօսքի վրայ շնչոց բարձրացաւ: Մի քանի գիւ-
ղացիներ ասում էին իրար. խոստանալիս պէտք է զգոյշ
լինել: Միւս գիւղացիներն էլ ասում էին իրար. նա այդ
չի կարող ապացուցանել, ինչպէս որ սատանան չի կարող
երկինք գնալ:

Ուրիշները: Վախենալու բան չունինք. նա պէտք է
յեւ քաշուի. թող գրաւ բռնենք, նա չի կարող ապացու-
ցանել:

Գիւղացիներ: (բարձր) Այո՛, եթէ խօսք էք տալիս,
խօսեցէք. մենք համաձայն ենք: Եթէ դուք ապացուցանէք
ինչ որ ասում էք, այսինքն թէ՛ մեր երեկուայ լսած աղ-
մուկը մի մարդ է բարձրացել, այն ժամանակ մենք կբաժա-
նենք համայնքի արօտը. հակառակ դէպքում հարկաւ ո՛չ:

Արնները վերցնում է մի մեծ, սպիտակ թաշկինակ, նշան
է տալիս հաւ ծախողին և ասում գիւղացիներին. միայն մի
քառորդ ժամ մտածելու միջոց տուէք:

Գիւղացիները բոլոր անկիւններից ծիծաղ բարձրացրին

և մի բանիսը աղաղակեցին, եթէ կամենում էք՝ մինչև վաղը, պարոն:

Արներն այս կոպտութեանը չպատասխանեց. բայց եկեղեցու բակում եղողները հեռուից տեսնելով հաւ ծախողի դէպի համայնքի ժողովատեղին գնալը, բարձրաձայն ծիծաղեցին: Իսկ գիւղացիները լսելով այդ բարձրաձայն ծիծաղն ու սև զամբիւղով ու լապտերով իրենց մօտեցող օտարական մարդու տեսնելով՝ չարի մասին երազեցին:

Այս խեղճն ու է. — լոյս ցերեկով վառած լապտեր ունի, ասացին գիւղացիները:

Արներ: Դա Արնհայմի հաւ ծախողն է — Բրիստոֆ, Խնչ գործ ունիս այստեղ:

Բրիստոֆ: Ես մի բան ունիմ հաղորդելու, ողորմած տէր:

Արներ: Ասա՛ տեսնենք:

Հաւ ծախողը ցած դրեց իր զամբիւղն ու ասաց.

92.

ՀԱՅ ԾԱԽՈՂԻ ՀԱՄԱՅՆՔԻՆ ԱՍԱԾ ՃԱՌԸ

Ողորմած տէր, արժանապատիւ հայր և բարեկամներ:

Ահա՛ ձեր տանուտէրի քլունգը, բահը, թին, օղիի շիշը, ծխամորժն ու մեծ բրդեայ գլխարկը, որ նա սարսափի ժամանակ թողեց սահմանաքարի մօտ, երբ ես նրան իր սիրուն գործի միջոցին վրայ հասնելով՝ սարից ցած հալածեցի:

Գիւղացիներ: Կարծում ես թէ կհաւատանք, որ այն աղմուկ հանողը դու ե'իր. ոչ այսօր և ոչ էլ վաղը կհաւատանք այդ բանին: Պարոն, այդ ապացոյցը գոհացուցիչ է, ուրիշն առաջ բերէք:

Արներ: Մի փոքր սպասեցէք. նա հօ մի լապտեր ունի իր մօտ, նա կարող է գուցէ աւելի լաւ լուսաւորել (յետոյ բարձրաձայն ու լրջօրէն. լռութիւն, մինչև որ նա վերջացնի:

Գիւղացիները լռեցին. հաւ ծախողն սկսեց. դուք աւելի անբաղաճաւորի էք, բան թէ սովորական է այս երկրում. ինչո՞ւ չէք թողնում, որ վերջացնեմ. մտաբերեցէք Արնհայմի հաւ ծախողին. եթէ դուք ինձ՝ ականջ չէք դնի, ապա գայի տարեգրութիւնը ձեր անուններով լիքը կլինի, որովհետև

սատանայի՝ տանուտէրին երեւալու զըոյցի և ոչ մի կէտը ճիշտ չէ: Ե՛ս վախեցրի ձեզ, ե՛ս, հաւ ծախողս, հէնց այնպէս, ինչպէս որ այժմ տեսնում էք. այս զամբիւղով և այս նոր սեւ այծի մորթով, որ գցել էի զամբիւղի վրայ, որովհետեւ երէկ առաւօտ դեռ անձրեւում էր. այս լապտերն էլ բռնած ունէի զամբիւղի առաջ, ինչպէս որ մի քանի րոպէ առաջ ինձ տեսաք: Հիրցաու գիւղում ես լապտերս ձիւթով լցրի, որ լաւ վառուի, որովհետեւ շատ մուլան էր և ինչպէս գիտէք՝ Հիրցաուի կողմը ճանապարհը շատ վատ է: Ժամի տասնևմէկին ես դեռ Հիրցաուի պանդոկումն էի, այդ կա. ըող են վկայել պանդոկատէրն ու տասնից աւելի ուրիշներ. կայ եղող մարդիկ: Երբ ես լերան բարձրութեան վրայ հասայ, Բօննալում նոր խփեց ժամի տասնևերկուսը: Եւ լսելով թէ ի՞նչպէս տանուտէրը խճուղուց հաղիւ կէս քարընկէց հեռու անիծում էր ու աշխատում և ճանաչելով նրան իր ձայնից ու հաղից, զարմացայ թէ նա ի՞նչ է անում այնտեղ այս կէս գիշերին: Ես կարծեցի թէ նա գանձ է փորում և եթէ ճիշտ ժամանակը վրայ հասնեմ, կէսն ինձ կտայ. և ահա այդ պատճառով շշուկի ուղղութեամբ գնացի: Բայց ինչպէս երևում է, երէկ տանուտէրը սովորականից աւելի էր կոնծել, որովհետեւ նա ինձ, խեղճ, մեղաւոր մարդու տեսնելուն պէս՝ մարմնացած սատանայ կարծեց: Ես էլ տեսնելով որ նա մեր տիրոջ սահմանաքարն էր ուղղում տեղափոխել, մտածեցի. նա վախենում է, ես էլ աւելի կսաստկացնեմ նրա երկիւղը: Եւ շուտով քյունգը, բահն ու թին և իմ ձեռնափայտը միասին կապեցի և սյդ բոլորն իմ ետևից քաշ տալով՝ ցած իջայ նեղ շաւղով և սկսեցի ուժերիս ներածին չափ ալաղակել. օհ, ահ, ոհ, տանուտէր, դու Բոնն ես Հոհ—մէլ: Ես նրանից հաղիւ մի քարընկէց հեռու էի, երբ դուք լապտերներով հանդարտ ու լուռ ձեր տանուտէրին օգնութեան եկաք: Բայց չուզենալով անմեղ մարդկանց էլ, տանուտէրի նման, մօտիկից վախեցնել իմ աղաղակներով, լռեցի, նորից սարը բարձրացայ աւարիս հետ միասին, զամբիւղս էլ վերցրի և ուղիղ ճանապարհով տուն հասայ: Ժամի երկուսից մի քառորդ անց էր, երբ մեր պահապանն ինձ պատահեց և հարցրեց. սյդ ի՞նչ գործիքներ ես կրում ձուր զամբիւղիդ վրայ. չեմ յիշում թէ ինչ պա-

տասնաննցի նրան, բայց ճիշտը չասացի, որովհետև ուզում էի լռել, մինչև որ յայտնէի մեր պարոնին. սյդպէս էլ արի այսօր առաւօտեան ժամի վեցից էլ առաջ:— Բարեկամներ, եթէ ասածս ճշմարիտ չէ, ի՞նչ էք կարծում, ինչպէս կարող էի այս պատմութիւնն անել և պղք գործիքներն ունենալ՝ դեռ ևս լուսանալուց առաջ:

Մի քանի գիւղացիներ ականջի ետեւները քորեցին, մի քանիսն էլ ծիծաղեցին. հաւ ծախողը շարունակեց.

Եթէ նորից ձեզ այդպիսի բան պատահի, բարեկամներ, այն ժամանակ, բարեկամական խորհուրդ եմ տալիս ձեզ՝ Բոննալի պահապանին, առաջաւորներին ու բոլոր համայնքին, գիւղի ամենամեծ շունն արձակեցէք շղթայից և այդպիսով շատ շուտ կ'անէք սատանային:

Հաւ ծախողը լռեց և մի ընդհանուր բրթ ջիւն բարձրացաւ:

93.

2-ԲԱՒՈՐՆԵՐՆ ԾԳՏԻՈՒՄ ԵՆ ԱՅՍ ԿԱՏԱԿԵՐԳՈՒԹԻՒՆԻՑ

Մի քանի գիւղացիներ: Աստուած է վկայ, որ այնպէս էր, ինչպէս նա պատմեց. բոլոր հանգամանքները ճիշտ են: Ուրիշ գիւղացիներ: Ի՞նչ յիմարներ էինք:

Կունց: Ես ուզում էի այդ ստահակի ետեւից վազել:

Մի քանի առաջաւոր մարդիկ: Երանի թէ համայնքի արօտը մէջ չէինք բերել:

Հարուստներ: Անիծեա՛լ լինի:

Ձքնաւորներ: Փա՛ռք Աստուծոյ:

Թէրէզէ: Գլուխ գործոցը համայնքի արօտն է:

Տիրունին: Ճշմարիտ որ ամենն էլ գլուխ գործոց էր:

Էհէգաւումէր: Քարերն ուզում են արեան արցունք թափել. մեր հաւատը կորած է. Եղիա՛, Եղիա՛, կրակ թափիր երկնքից:

Եկեղեցու զաւթում եղող մանուկները: Օ՛հ, ա՛հ, ո՛հ, դու ի՛մն ես, տանուէ՛ր:

Քահանան: Ամբոխի վրայ ա՛յսպիսի ազդեցութիւն ես դեռ չէի տեսել:

Տանուտէր: Արթո՛ւն եմ, թէ երազում. ամեն բան պատրանք էր և ես կախաղա՛նի տակ պէտք է կանգնեմ:

ես չեմ կարող բարկանալ. վրէժխնդրութիւնը չէ կատարեցնում ինձ և ես կախաղանի տակ պիտի երթամ:

Այսպէս այդ ընդհանուր քչփչոցի մէջ ամեն մարդ խօսում էր իր լեզուով և արտայայտում իր զգացմունքը:

Մի քանի ընկերացի յետոյ Արները ոտքի կանգնեց, գիւղացիներին նայելով ժըպտաց ու ասաց. այժմ պէտք է առանձին քառութեան օր նշանակել սատանայի սարսափելի երևոյթի համար. արդար պէտք է լինել, Աստծուն սիրել և ոչ ոքից չերկնել, ահա այս է միակ հին և ճշմարիտ հաւատը և ձեր տեսիլներն ու ուրուականների պատմութիւնները յիմարութիւններ են, որ փչացնում են ձեր սիրտն ու միտքը: Բայց վերջապէս գլուխ եկաւ ձեր համայնքի արօտի բաժանումը և կարձ միջոցում դուք կտեսնէք՝ թէ ի՞նչպէս օգտակար կլինի այդ՝ ձեր որդոց ու թոռների համար և թէ ինչո՞ւ էի ես սրտանց ցանկանում: Ես հրամայել եմ որ ձեզ համայնքի տանը խմելու բան տան. խմեցէք իմ կենացը, նոյնպէս և ձեր միջի աղքատների կենացը, որոնք արօտը բաժանելիս ուրիշներից աւելի չեն ստանալու, բայց այդ դրանց համար մեծ բաղդ է, որովհետեւ դիտք ոչինչ չունին: Ձեզնից դեռ ոչ ոք չգիտէ՝ թէ ի՞նչ դրութեան մէջ կլինին ձեր որդիքն ու թոռները:

Արները համայնքն արձակեց և Հիւրէլուդիին կանչելով իր մօտ՝ ասաց, որ քառորդ ժամից յետոյ իր մօտ գայ, քահանայի տուն: Յետոյ Արներն ու քահանան գնացին եկեղեցու բակը իրանց ընտանիքի մօտ և այնտեղից էլ քահանայի տուն:

Քահանան գովեց Արներին՝ այն իմաստութեան ու մարդասիրութեան համար, որով նա վարուեց իր հովուութեանը յանձնուած ժողովրդի հետ և ասաց. այլ ևս ոչ մի դէպքում չեմ խնդրի Ձեզնից, որ ինչպիսի և ցաւակից լինէք դէպի ուրիշները, որովհետեւ Ձեր հայրական սիրտն ու գորովը շատ բարձր է իմ խնդիրներից ու խրատներից:

94.

ԱՐՆԵՐԸ ԸՆՈՐՀԱՅԱՍԼՈՒԹԻՒՆ Ե ՅԱՅՏՆՈՒՄ ՔԱՀԱՆԱՅԻՆ

Արները պատասխանեց քահանային. խնդրում եմ, մի՛ ամաչացնէք ինձ: Ես դեռ երիտապարդ եմ ու պարզասիրտ:

տայ Աստուած, որ աւելի լաւ սովորեմէ ես սրտանց ուրախ եմ, որ գոհ էք իմ դատաւճռից, բայց մի կարծէք, թէ ես չգիտեմ, որ դուք ինձնից շատ բան արիք. ձեր հոգացողութիւնն ու բարութիւնն ամեն բան այնպէս կարգի ձգեց, որ ինձ դատաւճիռ տալուց աւելի ոչինչ չմնաց:

Քահանայն: Ողորմած տէր, Ձեր բարութեամբ դուք շատ հեռու էք գնում:

Արններ: Ո՛չ, բարեկամ, ես միմիայն ճշմարիտ եմ ասում. ես անշնորհակալ ու անարդար Ֆլինէի, եթէ այդ չխոստովանէի: Դուք մեծ աշխատանքով ու խելացիութեամբ կարողացաք իմ պապի անզգայ զատաւճիռն երեւան բերել և նրա հետեանքներին վերջ տալ: Այն պատուաւոր և բարի մարդն երկնքումը կուրախանայ Ձեր արածը և վերջապէս չար բանը բարի դարձած տեսնելով. հարկաւ նա չի ների ինձ, տէր-հայր, որ ես ձեր այդ գործն առանց վարձատրութեան թողնեմ: Ի նշան իմ երախտագիտութեան՝ Ձեզ եմ նուիրում գիւղի տուած կալուածավարձի փոքրիկ տասանորդը:

Այդ ասելով՝ նա քահանային տուեց մի կնքուած վաւերագիր, որ գրուած էր խորին շնորհակալութիւն արտայայտող մտքերով:

Թէրէզան Արնների կողքին կանգնեց և քահանայի ձեռքը տուեց մի անպիսի հրաշալի ծաղկեայ փունջ, որի նմանը չէր տեսնուած երբէք մի քահանայի տանը: Այս մեր պապի յիշատակի համար է, տէր-հայր, ասաց նա:

Միայն միւս օրուայ առաւօտը նկատեց տիրուհին, որ փունջը կապուած էր մի շար մարգարտով: Բարի քահանան զգացուած էր, աչքերում արտասուք ունէր, բայց չէր կարողանում խօսել:

Արններ: Խօսելն աւելորդ է:

Քահանայն: Ի՞նչ իշխանաւորի սիրտ ունիք:

Արններ: Մի ամաչացնէք ինձ, սիրելի տէր-հայր. եղէք իմ բարեկամը. ձեռք ձեռքի տուած աշխատենք մեր ժողովուրդը բաղդաւորացնել, ինչքան կարող ենք: Ապագայում կուզէի աւելի շուտ շուտ տեսնել Ձեզ, տէր-հայր, դուք էլ աւելի շուտ շուտ կգաք ինձ մօտ, այնպէս չէ՛: Իմ կողքը ձեր տրամագրութեան տակ եմ դնում: Ինձ

մօտ գալիս՝ ամեն անգամ վերցրէք, առանց արտաքին ձե-
ւականութիւնների:

95.

ԱՐՆԵՐԸ ՆԵՐՈՂՈՒԹԻՒՆ Է ԽՆԴՐՈՒՄ ԱՅՆ ՄԱՐԴՈՒՑ,
ՈՐԻՆ ԻՐ ՊԱՊԸ ԶՐԿԵԼ Է

Այդ միջոցին եկաւ Հիւսէլրուդին. Արները ձեռքը մեկ-
նեց դէպի այդ խեղճ մարդն ու ասաց. ԲՆՈՂԻ, իմ պապն
անարդար է վարուել քեզ հետ և քո արօտը խելով ուրի-
շին է տուել: Այդ մի դժբաղդութիւն էր, բարի մարդուն
խաբէ՛լ են. դու պէտք է ներես նրան և ռա չպահես սըր-
տումդ:

Բոուդի: Ա՛խ, Աստուած, պարոն, ես շատ լաւ գիտէի
որ նա մեղաւոր չէր:

Արներ: Բարկացած չե՞իր նրա վրայ:

Բոուդի: Սկզբում հարկաւ ինձ մե՛ծ ցաւ էր պատճա-
ռում, որ աղքատ տեղավ զրկում եմ իմ արօտից. բայց
ողորմած տիրոջս դէմ ես երբէք տրտունջ չեմ յայտնել:

Արներ: Անկե՛ղծ ես ասում, Բուդի:

Բոուդի: Ի հարկէ, ողորմած տէր. Աստուած գիտէ, որ
ասածս ճշմարիտ է և ես նրա դէմ չէի կարող բարկանալ.
Ես շատ լաւ գիտէի, որ նա մեղաւոր չէր: Ի՛նչ պէտք է
անէր նա, քանի որ տանուտէրը կեղծ վկաներ գաւաւ և նը-
րանք էլ իմ դէմ երդուեցին: Բարի, ծեր և ողորմած պա-
րոնն այնուհետեւ ինձ պատահելիս ողորմութիւն էր տալիս
և բոլոր տօներին ինձ միս, գինի ու հաց էր ուղարկում և
Թշուառութիւնս փոքր ինչ սփոփում: Աստուած փոխարէնը
հատուցանէ այդ բարի, սիրելի և ողորմած պարոնին, քա-
նի՛ք քանի անգամ նա մխիթարել է խեղճ ընտանիքս (արտա-
սուքն աչքերին). Ա՛խ, Աստուած, պարոն, եթէ նա էլ Ձեզ
նման մեզ հետ մէնակ խօսէ՛ր, շատ բան այնպէս չէր լինի,
ինչպէս որ եղաւ. բայց արիւնհարբունները միշտ նրա շուրջն
էին և ամեն բան յեղաշրջում էին:

Արներ: Այժմ պէտք է մոռանաս այդ, Բուդի: Արօտն
այժմ կրկին քոնն է: Արձանագրութեան միջից տանուտէրի
անունը հանել տուի. իսկ քեզ սրտանց երջանկութիւն եմ
ցանկանում, Բուդի:

Բուդի: (Գողալով ու կակազելով) չե՞մ կարողանում շնորհակալութիւնս արտայայտել, տէր:

Արններ: Ինձ շնորհակալ լինելու պատճառ չունիս, Բուդի, արօտն օրէնքով քոնն է:

Բուդին ձեռքերը կցեց, բարձրաձայն լաց եղաւ ու ասաց. Ո՛հ, մօրս օրհնութիւնն է այս. նա կրկին հեկեկաց ու ասաց. Ողորմած տէր, նա ուրբաթ օրը մեռաւ և մեռնելուց առաջ ինձ ասաց. բանդ լաւ կլինի, Բուդի, յիշիր ինձ, Բուդի, — Ո՛հ, ռըքան ցաւում եմ, պարոն, խեղճ, սիրելի մայրս:

Արնների ու քահանայի աչքերում արտօսներ երևացին. Արններն ասաց. բարձր, երկիւղած Բուդի. Ասածու օրհնութիւնը բեզ հետ կլինի, բանի որ այդպէս բարեպաշտ ես:

Մօրս օրհնութիւնն է, ա՛խ ամենալաւ, ամենաերկիւղած և ամենից համբերող մօրս օրհնութիւնն է, պարոն, ասաց Բուդին և լալիս էր շարունակ:

Ո՛րքան խղճում եմ այս մարդուն, տէր-հայր, որ այսքան երկար ժամանակ զրկուած էր իր սեպհականութիւնից, ասաց Արնները քահանային:

Բուդի: Արդէն անցաւ, պարոն, թշուառութիւնն ու վիշտը: Բայց ես չե՞մ կարող սրտիս շնորհակալութիւնը յայտնել, որ դուք ինձ գործ տուիք եկեղեցու շինութեան վրայ. այդ բանը մօրս մահուան օրերում նրան մխիթարեց նոյնպէս և արօտի համար: Ես չգիտեմ թէ ի՞նչ պէտք է ասեմ և ի՞նչ պէտք է անեմ, պարոն: Ա՛խ, երանի թէ մայրս էլ տեսներ այդ:

Արններ: Բարեպաշտ մարդ, նա երկնքումն էլ կուրախանայ քո բարւոք դրութիւնը տեսնելով: Քո թախիժն ու երկիւղած սէրն ա՛յնպէս գրաւեցին սիրտս, որ համարեա՛ մոռանում էի ասել բեզ, որ տանուտէրը պարտական է տալ բեզ քո փեսան ու քո արօտից ստացած օգուտը:

Քահանայ: Այդ մասին, ողորմած Տէր, Բուդիին բան ունիմ ասելու:

Բուդի, ասաց քահանան, տանուտէրը շատ նեղ դրութեան մէջ է: Ի հարկէ նա պարտական է տալ բեզ քո վը՛նասն և իր ստացած օգուտը, բայց ես գիտեմ, որ դու այնքան ցաւակցութեան զգացումն ունիս, որ նրա հետ հաշիւ

չես անի և նրան իր ծերութեան օրերում բողբոջվին մու-
րացկանութեան չես մատնի: Ես նրա տխուր հանգամանքնե-
րի մէջ խոստացայ, որ գթասրտութիւն և ցաւակցութիւն
խնդրեմ նրա համար, ինչքան կարող եմ: Ուրեմն միւսնայնը
պէտք է և բեղ խնդրեմ, ԲՈՒՂԻ: Խղճա՛ նրան իր թշուառ
օրերում և խոստասիրտ մի լինի նրա դէմ:

96.

ՄՂՔԱՏ ՄԱՐԴՈՒ ԲԱՐԵՍՏՈՒԹԻՒՆԸ ԴԵՊ ԻՐ ԹՇՆԱՄԻՆ

Րուդի: Նրա ստացած օգտի յետ պահանջելու մասին
խօսք անգամ թող չլինի, արժանապատիւ հայր, ես չեմ
ուզում ինձ գովել, բայց եթէ տանուտէրն աղքատանայ, ես
կանեմ այն՝ ինչ որ արդար է. տեսէք, տէր-հայր, արօտն
այնքան խոտ է տալիս, որ աւելի քան բաւական է երեք կո-
վի համար. իսկ եթէ ես երկու կով ունենամ, Աստուած է
վկայ որ բաւական է, և աւելի՛ քան թէ ես կհամարձա-
կուէի ցանկանալ: Ես ամենայն սիրով թող կտամ տանուտէ-
րին, որ քանի կենդանի է, մի կովի խոտ վերցնի իմ արօտից:

Քահանան: Դու քրիստոնէաբար ես վարւում և շատ
լաւ ես անում, ԲՈՒՂԻ: Աստուած էլ քո ունեցածը կօրհնէ:

Արններ: Այդ շատ արդար ու լաւ բան է, տէր-հայր,
բայց այս բարի մարդն այժմ ուրախութիւնից զգացուած է,
— ԲՈՒՂԻ, գովում եմ առաջարկութիւնդ, բայց դու պէտք
է այդ բանը մի երկու օր մտածես. յետոյ կարող ես մի
այդպիսի խոստմունք անել, եթէ ապահով կլինես, որ ապա-
գայում արածդ չես զղջալ: Առ այժմ խորհուրդ եմ տա-
լիս բեզ, որ այդ բանում չշտապես:

Րուդի: Ես աղքատ մարդ եմ, ողորմած տէր. բայց
երբ պատուաւոր բան եմ խոստանում, երբէք չեմ զղջում:

Քահանան: Պարոնն իրաւունք ունի, ԲՈՒՂԻ. այս ան-
գամ այն էլ բաւական է, որ դու նրա ստացած օգտից շատ
բան չես պահանջում. երբ յետոյ տանուտէրն աւելի կարիք
ունենայ և դու էլ լաւ մտածած կլինես այդ մասին, միշտ
կարող ես անել ցանկացածդ:

Րուդի: Հարկաւ, տէր-հայր, ասածս կանեմ, եթէ տա-
նուտէրն աղքատանայ:

Արններ: ԲՈՒՂԻ, ես սրտանց ուզում եմ, որ այսօր

դու ուրախ լինես և լաւ տրամադրուած. կուզե՞ս այստեղ մեզ հետ միասին մի բաժակ գինի խմել՝ թէ աւելի լաւ կհամարես տուն գնալ՝ երեխաներիդ մօտ: Ես արդէն հոգացել եմ, որ տանը բեզ համար այս գիշեր լաւ ընթրիք լինի պատրաստ:

Րուդի: Դուք շատ բարի էք, տէր. բայց ես պէտք է տուն շտապեմ, երեխայոցս մօտ, նրանք մենակ են: Ա՛խ, կինս գերեզմանումն էր և մայրս էլ գնաց:

Արններ: Ուրեմն գնա՛ տուն, երեխաներիդ մօտ, Տէր ընդ բեզ. ներքեւ գոմում կապուած կովը բե՛զ եմ ընծայում, որ դու նորից գոհ լինես իմ պապից, որ այնպէս անարդար վարուեց բեզ հետ. այսօր երեխաներիդ հետ միասին ուրախացիր և յիշիր նրան: Հրամայել եմ նոյնպէս, որ տանուտէրի խոտից մի մեծ սայլ չոր խոտ բերեն կովիդ համար: Հէնց այժմ բարձած սայլը քո տան առաջը կգտնես. իսկ եթէ տունդ կամ գոմ ու ակոռդ նորոգութեան կարօտ է, կարեւոր փայտը կարող ես իմ անտառից կտրել տալ:

97.

ՆԱ ՇՆՈՐՀԱԿԱԼՈՒԹԻՒՆ Է ՅԱԾՏՆՈՒՄ ԻՐ ԱԶՆԻՒ

ՊԱՐՈՆԻՆ

Բուդին զգացուած էր և չգիտէր թէ ի՞նչ ասէր. բայց այդ մարդու շփոթութիւնը, որ մի խօսք անգամ չէր կորողանում արտասանել, աւելի ուրախութիւն պատճառեց Արններին, քան թէ կարող էր պատճառել խօսքերով արտայայտուած շնորհակալութիւնը: Վերջապէս Բուդին սկսեց կակազելով մի քանի շնորհակալութեան խօսքեր ասել, բայց Արններն ընդհատեց՝ ու ժպտալով ասաց. տեսնում եմ, Բուդի, որ շնորհակալութիւն ես ուզում յայտնել. յետոյ իր ձեռքը մեկնեց դէպի նա և ասաց. այժմ գնա՛, Բուդի, կովը հետդ տար տուն և յոյս ունեցիր, որ եթէ կարող լինեմ քո և ընտանեացդ կեանքը քաղցրացնել, ուրախութեամբ կա՛նամ: Բուդին հեռացաւ Արններից և ուրախ ու շնորհակալ սրտով իր ստացած կովը բռնեց, տարաւ տուն:

ՍԻՐՏ ԵՌԻՉՈՂ ՏԵՍԱՐԱՆՆԵՐ

Քահանան, կանայքն ու աղջիկներն այս տեսարանից սրտաշարժուած, արտասուում էին և այդ մարդու գնալուց յետոյ մի րոպէ դեռ լուռ էին:

Թէրէզէ: Ի՞նչ երեկոյ անցրինք, Արներ. Աստուծոյ ստեղծած երկիրը սիրուն է և ամբողջ բնութիւնը տալիս է մեզ ամեն տեսակ ցնծալի բերկրութիւն և ուրախութիւն, բայց մարդկութեան զմայլումը մե՛ծ է քան երկրի գեղեցկութիւնը:

Արներ: Ճշմարիտ որ, սիրելիս, նա մե՛ծ է քան երկրի բոլոր գեղեցկութիւնները:

Քահանան: Իմ արտօսումները շնորհակալութիւն են յայտնում Ձեզ, պարոն, այն բոլորի համար, ինչ որ այսօր տեղի ունեցաւ: Վեանքումս երբէք մարդկային սրտի ներքին վեհութիւնն այնպէս անարատ և ազնիւ չէի զգացել, ինչպէս որ զգացի այս մարդու գործողութեան ժամանակ: Բայց, պարոն, Աստուած է վկայ, որ մարդկային սրտի վեհութիւնը պէտք է որոնել խեղճ լքեալների ու թշուառների մէջ:

Տիրուհին բոլոր արտասուող երեխաներին իր կրծքին սեղմեց, մի խօսք չարտասանեց, երեսը դէպի մանուկները դարձրեց և սկսեց նրանց պէս լալ: Մի քանի վայրկեանից յետոյ երեխաներն ասացին նրան. հէնց այսօր գնանք այն մարդու խեղճ երեխաների մօտ. մեր ընթրիքը նրանց ուղարկեցէք:

Տիրուհին ասաց Արների ամուսնուն. եթէ հաւանում էք այս առաջարկութիւնը, երեխաների հետ միասին գնանք:

Սիրով, պատասխանեց Թէրէզէն. Արներն ու քահանան ևս ցանկութիւն յայտնեցին նրանց հետ գնալու:

Արները կառքով այդ խեղճ ընտանիքի համար իր հետ բերել էր մի ամբողջ քառորդ խորոված հորթ. տիրուհին էլ մի լաւ և անսխալ արգանակ եփել տուեց. սրա վրայ աւելացնելով նաև իրենց և երեխայոց ընթրիքը և Վառսը տարաւ այդ բոլորը խեղճ Բուդիի խրճիթը: Գիւղի բոլոր ամբոխը, երիտասարդ թէ ծեր, կին թէ մարդ և զբաւրոցի բոլոր աշակերտներն ու աշակերտուհիները կանգնած

էին Բուդիի խրճթի մօտ և նայում խոտի սալլին ու սիրուն կովին: Կլաուսից միայն մի քանի քայլ հեռու գալիս էին Արներն ու քահանան, Արների ամուսինն ու տիրուհին երեսպոյց հեռ. սրանք բոլորը ներս մտան Բուդիի սենեակը և ամբողջ տան մէջ բացի կիսամերկ երեսաներից, բաղջ ու կարիք արտայայտող ստեղծուածներից ոչինչ չգտան ու չըտեսան:

Այս տեսարանը նորից լցրեց Արների սիրտը թախիժով և այժմ նա առաւել լաւ զգաց՝ թէ մի դատաւորի անզգուշութիւնն ու թուլութիւնն ի՞նչպիսի թշուառութիւններ կարող են առաջացնել: Ամենքը գթաշարժուած էին այս ընտանիքի թշուառութիւնը տեսնելով: Վերջապէս Արներն ասաց կանանցը. Բուդին այժմ կամենում է իր արօտի մի երրորդ մասը ցմահ տալ տանուտէրին, որ նրան ձգեց այս տասնամեայ թշուառութեան մէջ, ինչպէս տեսնում էք:

Թէրէզէ (արագ և եռանդով՝ այս խորին թշուառութիւնից զգացուած): Ո՛չ, չպէտք է թոյլ տալ, որ այս մարդը՝ այսքան երեսաներ ունենալով՝ մի կոպէկ անգամ տայ այն անաստուած անպիտանին:

Արներ: Բայց, սիրելիս, մի՞թէ կցանկանայիր այն առաքինութեան և վեհանձնութեան ընթացքը սահմանափակել, որ Աստուած տանջանքով ու թշուառութեամբ այս բարձրութեանն է հասցրել, մի բարձրութեան, որ հենց նոր քո սիրտը յուզեց և իմ արտասուքը քամեց:

Թէրէզէ: Ո՛չ, ո՛չ, այդ չեմ ցանկանում ես, թող նուիրէ նա իր բոլոր ստացուածքը, եթէ կարող է. այսպիսի մարդուն Աստուած երեսի վրայ չի ձգի:

Այժմ Արներն ասաց Բուդիին. երեսպոյցդ ուտելու բան տուր: Բուդելին բռնեց հօր թէն ու փսփսաց նրա ափանջում. հայրիկ, Գերտրուդի համար էլ մի բան կտանեմ: Այո՛, ասաց Բուդին, միայն սպասիր դեռ:

Արները լսեց Գերտրուդի խօսքը և հարցրեց Բուդիին. ի՞նչ է ածում փոքրիկը Գերտրուդի մասին: Բուդին պատմեց Արներին՝ գողացած գետնախնձորի, իր մօր մահուան անկողնի, Լինհարդի ու Գերտրուդի բարութեան մասին և ասաց, որ նոյն իսկ իր հագած գուլպան ու կօշիկն էլ դրանք են տուել: Յետոյ աւելացրեց, տէր, այսօրուայ օրն

ինձ համար օրհնաբեր եղաւ, բայց ես ուրախ սրտով մի պատառ անգամ չէի կարող ուտել, եթէ այդ մարդոց էլ չհրաւիրէի:

Ես չեմ կարող մանրամասնաբար պատմել, թէ ինչպէս Արները գովեց այդ, ինչպէս տիկնայք արտասուքն աչքերին հիացան մի խեղճ որմնադրի կնոջ գաղտնի արած գործերի վրայ, ինչպէս Բուդելին բաբախող սրտով Լինհարդի ու Գերտրուդի մօտ վազեց՝ նրանց հրաւիրելու, ինչպէս արանք՝ ոչ թէ Բուդելիի ասելով, այլ Արների հրամանով, որ Վառսին ուղարկել էր նրանց բերելու, իրանց երեխաների հետ ամաչելով և աչքերը գետին յառած եկան վերջապէս, ինչպէս Վարլը Բուդելիի համար հօրից և Էմիլիան Գրիտէի ու Լիզէի համար մօրից կոշիկ ու գուլպաններ և գործածուած զգեստներ էին խնդրում, ինչպէս նրանց իրանց լաւ կերակրից շարունակ մի մի բան էին տալիս նրանց, ինչպէս Արների ամուսինն ու տիրուհին սիրով էին վարւում երեխանց հետ, ինչպէս սրանք այն ժամանակ աւելի ուրախացան, երբ Գերտրուդն եկաւ, բոլորը դէպի նա վազեցին ու նրա ձեռքերն էին որոնում, ժպտում և նրա գիրկն ընկնում:

Արներն ու Թէրէզէն որքան կարողացան լսեցին ներքին յուզման այս տեսարանի և թշուառ դրուծիւնից ազատուելու նկարագիրը և վերջապէս լռելայն ու արտասուքն աչքերին մնաք բարեւ ասացին ու գնացին:

Արներն ասաց կառապանին. մի փոքր ծանր գնա՛. տիրուհին էլ ժողովեց մնացած կերակուրն ու երեխաներին տուեց: Լինհարդն ու Գերտրուդը Բուդիի մօտ մնացին մինչև ժամի ութը և շատ ուրախ էին:

99.

ՄԻ ՀԱՃԵԼԻ ՊԱՏԿԵՐ

Անցեալ շաբաթուանից մեր գիւղում մի ընդհանուր խօսակցութիւն է տարածուած՝ թէ Գերտրուդն աշխատում է երիտասարդ Մայերի բրոջը, իր ամենալաւ ընկերուհուն, ամուսնացնել Բուդիի հետ: Եւ որովհետեւ Բուդիի կրկին ձեռք բերած արօտը եղբայրների մէջ երկու հազար գուլդէն արժէ և ինչպէս ասում են, Արներն էլ նրա եղբօրն ասել է, որ այդ ամուսնութիւնն իրեն ուրախութիւն կպատճա-

ուէ, ամենքն էլ կարծում են, որ նա կհամաձայնի ամուսնանալ Բուդիի հետ:

Որմնագրի գործն էլ շատ լաւ է գնում շինութեան վրայ և հետզհետէ աւելի սիրելի է դառնում Արներին:

100.

ՀԱՒ ԾԱԽՈՂԻ ՎԱՐՉԱՏՐՈՒԹԻՒՆԸ

Հաւ ծախողն էլ բաղդի արժանացաւ: Կառքով տուն գնալիս Թէրէզան տեսաւ նրան ու ասաց Արներին. սա էլ պէտք է մի բան ստանայ, որովհետեւ իսկապէս նա էր, որ իր գիշերային ճանապարհորդութեան ժամանակ տեսաւ տանուտէրի արարքն ու ամեն բան կարգի բերեց:

Արները կանչեց հաւ ծախողին ու ասաց. Քրիստոֆ, ամուսինս չէ ցանկանում, որ դու քո սատանայական գործն առանց վարձատրութեան արած լինէիր. ահա՛ բեղ մի զոյգ թալէր:

Հաւ ծախողը խոնարհ գլուխ տուեց ու ասաց. տէր, կցանկայի որ կեանքիս մէջ ամեն օր սատանայական գործ ունենայի:

Այո, պատասխանեց Արները, եթէ ապահով լինէիր, որ շներն ամեն անգամ շղթայուած մնային:

Այդ էլ ճշմարիտ է, տէր, ասաց հաւ ծախողն ու կառքն առաջ գնաց:

101.

ՏԱՆՈՒՏԵՐԸ ԿՐԿԻՆ ԳՆՈՒՄ Է ՍԱՀՄԱՆԱՔԱՐԻ ՄՕՏ

Տանուտէրը պէտք է նոյն օրն երեկոյեան սարը բարձրանար և կիսահասն սահմանաքարը նորից իր նախկին դրութեան մէջ դնէր: Ամբոխը շղթայից ազատուածի նման առաջ էր վազում և կարելի է ասել համարեա՛ թէ՛ եթէ դահիճը մերկ սրով պոգ մարդոց առաջը կտրէր, չէր կարող նրանց յետ կանգնացնել: Նոյն իսկ դպրոցի երեխաներն աղմկելով առաջ էին վազում և կէս ժամ նրանից առաջ հասան: Մի քանիսն աղաղակում էին. տանուտէրին բերում են, միւսները պատասխանում էին. երեկ նրան սատանան էր տանում, այսօր դահիճն է բերում: Որտեղից նա անց էր կենում, պատանիները պարիսպների ու ծառերի վրայ էին

լցւում. աղջիկները ձեռք ձեռքի տուած տասնեակներով կանգնած էին ցանկապատների ետեւը և բարձրութեանց վրայ՝ ճանապարհների երկու կողմերում և ուրախ ու զուարթ ծիծաղում էին մի այսպիսի զրօսանքի վրայ: Բայց ամենքը չէին ծիծաղում: Էմիլիայի Գրիտէն մօր ձեռքը բռնած կանգնած էր իրանց դրան ետեւը և սրբում էր արտասուքը. տանուտէրը տեսաւ նրանց ցաւագին կսկիծը և սփրթնեց: Աղջիկն երեսը դարձրեց դէպի մայրն ու սկսեց բարձրաձայն լալ: Շատ ժամանակ չէր անցել, որ տանուտէրը նրանց սիրելուն զինուորագրողին վաճառել էր ինչպէս որ անասունը վաճառում են մսագործին: Համարեալ թէ տանուտէրի անցկացած բոլոր պատուհանների ու դռների ետեւից անէծք էր լսւում: Այստեղ ու այնտեղ չարամիտ կանայքը բաց էին արել իրանց բերանն ու աւելով և աղբի երկժանիքով սպառնում: Այսպէս անցաւ տանուտէրն ամբողջ ճանապարհը դէպի սարն ու այնտեղից էլ յետ. միայն Լինհարդի տան առաջ ոչ ոք չերեւաց. ոչ մի դուռն ու պատուհան բաց չէր:

102.

ՔԱՀԱՆԱՆ ԽԱՌՆԻՈՒՄ Է ԽԱՂԻ ՄԷՋ

Բայց քահանան տեսնելով այդ անկարգութիւնն և լսելով որ վաղն աւելի վատ կլինի, նոյն գիշերը հետեւեալ նամակը գրեց Արներին:

Ազնուածնունդ, մեծարգոյ Տէր:

Այս երեկոյ, տանուտէրին դէպի սահմանագլուխը տանելիս, այնպիսի անկարգութիւններ են տեղի ունեցել, որ ես չեմ կարող ձերդ ազնուութեան չոյստնել և չարտայայտել իմ երկնղը, որ այս անկարգութիւնը վաղը կարող է աւելի մեծ ծաւալ ստանալ: Ընդհանրապէս լսւում է, որ երեք-չորս ժամ հեռու տեղերից ամենքը գալու են. պէտք է խոստովանեմ, որ շատ ցաւում եմ նախագուշակելով՝ որ մի այսպիսի խառնաշփոթ աղմուկի մէջ այդ տարաբաղդ մարդու պատիժը ոչ ոքին չի ուղղի, այլ ընդհակառակն այսպիսի անկարգութիւնը կամ չափազանց զուարճութիւնն այսպիսի տխուր առիթով ժողովրդին կարող է աւելի խստասիրտ դարձնել: Այդ պատճառով ես կցանկայի, որ վաղն եկեղե-

ցում օտար մարդ չլինէր, որ ես իմ հօտի հետ լրջօրէն խօսէի այդ դժբաղդ հանգամանքի մասին և աշխատէի որ պատիժ կրողն ու դիտողները մի պնդիսի տրամագրութիւն ստանային, որ երկուսին էլ ճշմարիտ օգտակար լինէր: Ինչպէս որ երկրի դրութիւնը ցոյց է տալիս, նախագուշակում եմ, որ առանց ձեր օգնութեան և ամեն կողմերից պստեղ հաւաքուած երիտասարդների աղմկայոյլ շփոթութեան մէջ իղուր աշխատած կլինիմ պարտքս կատարելու: Այդ պատճառով խնդրում եմ վաղուան համար պնդիսի կարգադրութիւն անել, որ օտարներին արգելուի մեր գիւղը գալ և մեզ մօտ էլ ամեն անկարգութիւնների և չափազանցութիւնների առաջն առնուի:

Եօխիմ Էրնստ, քահանայ:

Արններն անմիջապէս պատասխանեց քահանայի նամակին այսպէս.

Արժանապատիւ, սիրելի տէր-հայր:

Ես զգում եմ, որ այդ բոլորի մասին պէտք է մտածէի. շնորհակալ եմ ձեզնից, որ այս անգամ էլ ինձ արթնացրիք:

Ահա ուղարկում եմ իմ կարգադրութիւնը վաղուայ համար, որ յուսով եմ ձեր ցանկութեան կհամապատասխանէ:

Տանուտէրի պատժին ներկայ կարող են լինել միայն ներանք, որոնք առաւօտը եկեղեցում ժամասացութիւն կլսեն: Ամենքը պէտք է կարգի բերուած ու լուռ ընթացքով եկեղեցուց պատժատեղին գնան: Պահպաններ կդրուին օտարականների մօտքն արգելելու, որ դուք խռնուելուց ապահով միայն ձեր համայնքը գտնէք եկեղեցում: Ով որ կհամարձակուի անարգել կամ մի անպատշաճ խօսք ասել տանուտէրին, կամ թէ անկարգութիւն կամ աղմուկ կանի, իսկոյն տեղն ու տեղը նրան պէտք է բռնեն և Բօննալում բանտարկեն՝ մինչև այլ հրաման լինի:

Այս բոլորի համար, սիրելի տէր-հայր, բոլոր հրամանները տրուած են որոշ և յուսով եմ որ ձեռք առնուած միջոցները կապահովեն այս հրամանների ճիշտ կատարումը:

Պատիւ ունիմ լինելու և այլն Արնհայիմի:

Շտապ. համարեա կէս գիշերին:

103.

ԱԴԱՄՆ ՈՒ ՆԻԱՆ

Հատ լաւ եղաւ, որ Արնէրն այդպիսի հրաման տուեց, որովհետեւ յաջորդ առաւօտը վաղ՝ շատ հեռու տեղերից դէպի Բօնալի կախաղանն էին ուղևորուել բոլոր պարապ մարդիկ, աղմկող պատանիներն ու ամեն բանով հետաքրքրուող կանայք: Սրանք բոլորն էլ ուէինները բաց ու աչքերը չռած տեսնում էին, որ ամեն տեղ պահապաններ կան և իրանց յետ են մղում: «Նրեւում է, որ Բօնալի պարոններն իրանց կախաղանը միայն իրանց համար են ուղևում ունենալ, որ ոչ ոք չմօտենայ. — հա՛, դրա տակը մի բան կայ, մերժուած սատանայի բանն երեւի այնպէս չէ, ինչպէս որ կամենում էին ուրիշներին հաղորդել»: —

Այսպէս ամեն մէկը իր կարծիքն էր յայտնում. մի քանիսը լեզուները կծեցին, ուրիշները ծիծաղում էին այն երկար քթերի վրայ, որոնցով իրանք այժմ տուն պէտք է վերադառնային: Ուրախ տուն գնացողները՝ երիտասարդներն ու ամբոխն էին, քիթը կախողները հաստափոր դիւղացիներն էին իրանց մեծ ձեռնափայտերով: Բայց ոմանք չբաւականացան քիթները կախելով. այդ կանայքն ու մարդիկը սաստիկ ցանկանալով արգելուած տեղը դնալ՝ մտածում էին թէ ինչ խորամանկ ու նենգ միջոցներով կարողանան իրագործել իրանց ցանկութիւնը:

Հապա որ մենք նրանց հրամանի համեմատ այժմ չըջանկայինք տուն դառնալ, ասաց Էջմբախի տանուտէրի կինը Պիլխտալի երդուեալ դատաւորի կնոջը:

Դատաւորի կինը: Ուրիշ ի՞նչ կարող ենք անել:

Տանուտէրի կինը: Խեղճ, կողմնակի ճանապարհներով գիւղը մտնենք:

Դատաւորի կինը: Յետո՛յ:

Տանուտէրի կինը: Յետոյ կթագնուենք ամբոխի մէջ և ուրիշների հետ կվազենք, ուր որ նրանք կերթան:

Դատաւորի կինը: Յետոյ որ եկեղեցու մօտ էլ պահապաններ լինեն:

Տանուտէրի կինը: Այլ գայ ժամանակը, կը գայ և խորհուրդը, յամենայն դէպս գրպանումս էլ փող ունեմ:

Դատաւորի կինը: Սիրով ծախսի կէսը կվճարեմ, եթէ այդ յաջողուի:

Տանուտէրի կինը: Փորձերն է վարպետութիւնը. արդեօք մեր ամուսիններին հետներս վերցնե՞նք, թէ տանը թողնենք:

Դատաւորի կինը: Տանը թողնել և վրաները ծիծաղել. այս է իմ կարծիքը:

Տանուտէրի կինը: Բայց եթէ մարդս մեզ հետ լինի, աւելի շուտ կանցնենք, որովհետեւ նա տանուտէր է և պահապանները նրանից կվախենան:

Դատաւորի կինը: Ուրեմն ես էլ իմ մարդուն կանչեմ:

Է՛յ տանուտէր, է՛յ դատաւոր, թաշկինակս կորցրել եմ, դուք հօ չէ՞ք գտել. կանչեց տանուտէրի կինը, որ ուրիշները չնկատեն իրանց արածը: — Խենթ, հոգայի՛ր որ չկորցնէիր, պատասխանեց տանուտէրը և շարունակեց ճանապարհը դատաւորի հետ: Մի րոպէ կանգնի՛ր, բո՛ւնը պէտք է ինձ տաս, կանչեց կրկին տանուտէրի կինը և ծիծաղեց բարձրաձայն: Միմռալով յետ նայեց տանուտէրն ու ասաց. ի՞նչ խաբար է, ի՞նչ ես փողոցում բղաւում. բայց նա նշան արեց նրան և հասկացրեց, որ թաշկինակ չէ իր ուղածն, այլ ուրիշ բան և տանուտէրը կանգ առաւ:

Ագամի ժամանակից յայտնի է, որ երբ կանայք ծառիցը խնձոր են բաղում, տղամարդիկն էլ կծում են խնձորը: Տանուտէրն ու դատաւորը հետեցին իրանց կանանցը և ուռենիների ետեից կիրճերի միջով և ցանկերի ու մացառների վրայով անցնելով՝ առանց տեսնուելու և փորձանքի մտան գիւղը: Բայց նրանք մէնակ չէին. ամեն կողմերից եկած մեծամեծներն ու ճամարտակները փողով ու խնդիրքով մտան եկեղեցի: Սկզբում կարծես թէ չէր յաջողում նրանց. զրան մօտ կանգնած պահապանը չէր համոզւում ու կաշառւում. բայց երբ մէկը ներս մտաւ, բանը հետզհետէ հեշտացաւ: Վերջը ներս մտնել ցանկացողների թիւն այնքան շատացաւ, որ պահապանն երկիւղից էլ ոչ ոքին չէր ուզում ներս թողնել. բայց արդէն ուշ էր. նա չկարողացաւ դիմադրել: — Ի՛նչ, պատասխանում էին նրան կանայքն ու չարաճճիները. ուրիշները մեղնից լաւ էին. կամ մեզ էլ ներս թող կամ թէ բոլոր օտարականներին էլ մեր աչքի առաջ

եկեղեցուց դուրս արա. ուրիշ կերպ տեղներից չենք շար-
ժուի. լուռ-թիւն, լուռ-թիւն պատասխանում էր պահապանը,
ներս գնացէք, բայց թագնուեցէք անկիւններում որ ոչ ոք
չնկաւէ ձեզ: Եւ այսպիսով ամենքն էլ ներս մտան:

104.

ՔԱՀԱՆԱՆ ՀԱՏԵՐԻՆ ԱՐՏԱՔՍՈՒՄ Է ԵԿԵԴԵՑՈՒՑ

Քահանան բեմ բարձրանալով կարդաց առաջ Արների
հրամանն ու ասաց. հրամանը պէտք է կատարուի և բոլոր
օտարներն առանց այլևայլութեան եկեղեցուց դուրս գան:
Օտարները տեսնելով որ նա լրջօրէն է ասում, մէկ-մէկ վեր
կացան և դուրս գնացին. ոմանք այնպէս էին դուրս փախ-
չում, կարծես նրանց ետևից վազում են. ոմանք էլ գնում
էին կամաց և շուրջները չէին նայում. մի բանիսը մինչև
անգամ գլուխ էին տալի քահանային, չնայելով որ բարկու-
թիւնից կարմրել էին: Ցանուտէրի կիներն ու Կիլիսթալի դա-
տաւորի կիներ չէին ուզում դուրս գնալ և կարծում էին թէ
հանդարտ մնալով, կամարի սիւների տակ ու իրանց առաջը
կանգնած կանանց ետևը թագնուելով կարող են մնալ.
բայց միւս կանայքն ամեն կողմից գլուխները դարձնում էին
դէպի այդ թագկացածներն ու քչփչում և ծիծաղում էին
նրանց վրայ, այնպէս որ քահանան նկատեց և լուսարարին
ասաց, որ հրամանը վերաբերում է ինչպէս տղամարդոց
նոյնպէս և կանանց. այնպէս արա՛, որ դրանք էլ հեռանան
եկեղեցուց. այդպիսով այդ թագնուած կանայքն ևս ստի-
պուած էին միւսների հետ եկեղեցուց դուրս գալ:

105.

ՄԻ ՀԱՏՈՒԱԾ ՔԱՀԱՆԱՅԻ ՔԱՐՈՁԻՑ

Երբ օտարները դուրս գնացին՝ քահանան սկսեց իր
քարոզը և խօսեց Ժողովրդի հետ՝ տանուտէրի, իր մասին,
մեղքի թշուառութեան և իսկական երջանկութեան մասին:
Նրա խօսքը կարծես ամեն մէկի սրտիցն էր բղխում, կարծես
ամեն մէկի ընակարանը մտնելով՝ նկարագրում էր թէ ինչպէս է
վարուում նա իր կնոջ ու երեխայոց, հօր և եղբոր, ծառայի և
աղախնի հետ. նա նկարագրեց թէ ինչպէս երբեմն մարդ-

անընկերսիրութեամբ և անզգուշութեամբ, թեթեամտութեամբ ու անփութութեամբ, աջ ու ձախ, իր շուրջը, բարի մարդկանցը վատացնում է, փոքր սխալները ներելով մեծերի առաջացման առիթ է տալիս և այդպիսով մարդ ինքն իր սիրելիներին փոխանակ բազդաւորեցնելու ու գոհ վիճակի մէջ դնելու, անբաղդացնում ու թշուառացնում է և խղճալի դրութեան հասցնում: Այսպիսով տանուտէրը բահանայի ձեռքին մի հայելի էր, որի մէջ նա տեսանելի դարձրեց իր համայնքի կեանքը: Թողովուրդն այդ դժբաղդ մարդու մէջ իր պատկերը տեսաւ և Աստուծոյ օրհնութիւնը բահանայի հետ էր: Ունկնդիրներից շատերը բարոզը լըսելով՝ մոռացան տանուտէրին և միմիայն իրանց մասին էին մտածում: Այդ բարոզի մի երկու հատուածներն առաջ բերենք.

Սիրելի՛ եղբայրներ. ձեզանից և ոչ մէկի մասին կարելի է չէ ասել՝ թէ միւսնոյնը չէր կարող և նրա հետ պատահել: Բարձրացրէ՛ք վեր ձեր աչքերը և տեսէ՛ք ինչո՞ւ է այդ խեղճ մարդը ձեր առաջ կանգնած. պատասխանեցէ՛ք. որովհետեւ նա մեծամիտ, ժլատ, խստասիրտ և անշնորհակալ էր Աստուծոյ և մարդկանցից: Ուրեմն աչքերդ ուղղեցէ՛ք վեր դէպի Բարձրեալը և ասացէ՛ք, ո՞վ ձեզանից ժլատ, խստասիրտ և անշնորհակալ չէ. ասացէ՛ք, խօսի՛ր, մարդդ կին, վերկաց և խօսի՛ր. կա՞յ մէկը ձեր մէջ որ մեծամիտ, ժլատ, խստասիրտ և անշնորհակալ չէ. եթէ կայ այդպիսի մէկը, թող վեր կենայ. նա մեր ուսուցիչն է. ես նրա ոտի տակը կնստեմ, նրան կլսեմ և նրան կյարուհիմ, ինչպէս մանուկն իր հօրը: Որովհետեւ ես, ո՞վ թէր, մեղաւոր եմ, և հոգիս մաքուր չէ այն բոլոր չարիքներից, որոնց-համար ձեր առաջը կանգնած այս խեղճ մարդը չարչարւում է: Սկզբնական մեղքի և տանուտէրի վարած վայրենի կեանքի տարբերութեան մասին նա հետեւեալ նմանութիւնն արեց.

Մեծ զանազանութիւն կայ մի հասկի և մի ամբողջ քառորդ (չափ) պտղի մէջ: Բայց երբ հասկը ցանում ես և մի տարուց յետոյ հնձում, գուցէ հարիւրն ես ստանում՝ իսկ եթէ այդ հարիւրը նորից ցանես, երկրորդ տարին կուռնենաս այդ մի հասկից մի քառորդ չափ: Սիրելի՛ եղբայրներ, երբ սաղմը մեր մէջն է, ծլում և արմատներ է ձգում՝

պտուղ է տալիս. և ինչպէս որ միակ մի հասկը ժամանակ
ու տարիներ անցնելուց յետոյ մի քառորդ պտուղ է տալիս,
քո մեղքն էլ, ո՞վ մարդ, ժամանակ ու տարիներ անցնե-
լուց յետոյ կըօրեղանայ ու կծանրանայ: Այդ պատճառով
հասկի և քառորդներով չափած պտուղի մէջ եղած զանա-
զանութիւնը շատ մեծ մի՛ համարի. և մի՛ կարծիր թէ դու
էլ ամեն մի մեղքից այս խեղճ մարդու օրը չես ընկնի, ե-
թէ դու չաշխատես ու չհոգաս այդ մեղքի սաղմերը քո մէջ
խեղդելու և արմատախիլ անելու:

Նրա բարոյի մի ուրիշ հատուածն հետեւեալ բովանդա-
կութիւնն ունէր.

Որդիքս, տեսէ՛ք այժմ աշխարհի արդարութիւնն ու
դողացէ՛ք: Երկրիս արդարութիւնը ջարդում, փշրում և
սպանում է: Լս'ց եղէք այն թշուառների և այն բոլոր մարդ-
կանց վրայ, որոնք արդարութեան ձեռքն են ընկել և աղա-
չեցէ՛ք Աստծուն, որ իշխանները գթան ու ողորմեն այդ
խեղճերին ու թշուառներին և նրանց չարչարանքը չափից
դուրս չմեծացնեն: Գո՛ւք էլ, որդեակք, եղէ՛ք մարդասէր և
խնայելով ու խղճով վարուեցէ՛ք այդպիսի դժբաղդների հետ
և հաւատացէ՛ք որ ստրուկների ցոյց տուած օրինակն ազ-
դեցութիւն կունենայ նաև երկրի տէրերի վրայ և նրանք էլ
խնայող և ցաւակից կլինեն տարաբաղդներին:

106.

Եթէ ԲԱՆՏԵՐԻ ԵՒ ՈՒՂՂԻ-2 ՏՆԵՐԻ ՄԷՋ ՄԻ ԱՅՍՊԻՍԻ
ԱԶԴԵՑԻԿ ՔԱՀԱՆԱՅ ԼԻՆԻ, ԿԱՐՈՂ Է ԲԱՆՏԱՐԿԵԱԼՆԵՐԻ
ՀԵՏ ՎԱՐՈՒԵԼՈՒ ՍԿԶԲՈՒՆՔՆԵՐԸ ՊԱՐԶԵԼ

Քարոզը վերջացնելով՝ բահանան իջաւ բեմից, մի փոքր
ժամանակ էլ նստեց դժբաղդ տանուտէրի կողքին, խօսեց նրա
հետ եղբայրաբար, ինչպէս որ արել էր այս ամբողջ օրը:
Եւ որովհետեւ այդ դժբաղդ մարդը շուտով պէտք է ճա-
նապարհ ընկներ, բահանան նկատեց որ խեղճը թուլութիւ-
նից հազիւ է ոտքի կանգնում և տեղեկանալով որ նա դեռ
ևս անօթի է, շուտով պատուիրեց, որ իրենց տնից ուտե-
լու և խմելու բան բերեն: Հանսը բերելով պատուիրածը,
դրեց աւազանի վրայ, որի կողքին նրանք կանգնած էին:
Այդ բարկացրեց լուսարարին և նա նշան արաւ Հանսին, որ

ուրիշ տեղ դնի: Հանսը նշանը հասկանալով ուզում էր խփել Վերցնել և ուրիշ տեղ դնել, բայց քահանան նկատեց այդ ու ասաց. Հանս, թող մնայ, վեհա չունի:

Եւ քահանան իրաւունք ունէր: Սիրով սրբուածը չի պղծում բեմը. իսկ այն բեմը, որի վրայ սրբապղծուում է սէրը, պղծում է այն սրբութիւնը, որին ինքը նուիրուած է: Նոյն իսկ ամենից սուրբ բանը, չսիրելով՝ սրբութիւնից զրկւում է. և քահանայի անկեղծ սիրով առաջարկած հացն ու գինին իրաւամբ դրուած էր աւազանի վրայ:

Տանուտէրը աւաղանի վրայ կերաւ ու խմեց. ամենքն էլ սիրով ու ցաւակցութեամբ էին վարւում նրա հետ. քահանան ասաց նրան. չե՞ս կամենայ ներողութիւն խնդրել այս մարդկանցից, որոնց մէջ շատ քչերը կլինեն, որոնց դու անպառւած ու վիրաւորած չլինես:— Ա՛խ, Աստուած, սիրով, տէր այր, ասաց տանուտէրը, երեսը շրջեց դէպ իրեն չըջապահողներն ու ասաց. Ի սէ՛ր Աստծոյ, բոլորդ էլ ներեցէք ՝ յո՛ւ. նա աւելի չկարողացաւ խօսել, բայց այնպէս թախծալիք ու խոնարհ նայեց բոլորին, որ ամենի սիրտն էլ մեղմացաւ: Վանայքն ու տղամարդիկ ամեն կողմից իրենց ձեռքը մեկնեցին դէպի նա ու ասացին. աւելի բան ներում ենք, թէ նա ինչպէս ուրախացաւ, որ ամենն էլ ձեռք են տալիս իրեն, թէ ինչպէս երկար ժամանակ աջ ու ձախ երկու ձեռքով էլ բոլորի ձեռքերը դողալով սեղմում էր—կարող ես երեւակայել, ընթերցող, բայց նկարագրել ես չեմ կարող: Մի բանի վայրկեանից յետոյ քահանան ասաց տանուտէրին. կարծեմ որ այժմ ժամանակ է գնալու: Տանուտէրը գթութիւն հայցելով նայեց նրան, բայց ոչինչ չկարողացաւ խօսել: Յանուն Աստծոյ պէտք է կատարուի, ասաց քահանան, նրա ձեռքից բռնեց, ուզեց բարձրացնել ու ասաց. ուշացնելով աւելի կծանրացնես, արի՛ւ այժմ և համբերութեամբ կրիր խաչդ: Ուշադրութիւն մի՛ գարձրու թէ ի՞նչ կայ և ի՞նչ է գործւում շուրջդ, միմիայն քեզ վրայ մտածիր:

107.

ՄԱՐԴԱՍԻՐՈՒԹԻՒՆԸ ԱՐԴԱՐԱԴԱՏՈՒԹԵԱՆ ՀԵՏ

Յետոյ նրանք միասին գնացին պատմի տեղը. քահանան ամբողջ ճանապարհին աղօթում էր բարձրաձայն և ամ-

բոխը խորին լուսութեամբ հետևում էր նրանց։ Այսպիսի համը լուսութիւն է տիրում այն բաղաբացու գագաղի շուրջը, որի անտէր մնացած մանուկներին ցաւակցաբար դէպի գերեզմանն է ընկերակցում գթաշարժուած ամբոխը։ Լուս զգացուելու ժամը, որի միջոցին Բօննալում մահագոյժ զանգակներ էին խփում, տանուտէրի ու ամբոխի սրտի վրայ բարի ազդեցութիւն ունեցաւ։ Տե՛ս, այդ մի կատաղի գաղանի պատիժ չէր, որին բոլորովին ոչնչացնում են երկրի երեսից՝ որ այլ ևս ուրիշներին չմնասէ։ այդ մի մարդու պատիժ էր, որ կատարւում էր իրեն և իր մերձականերին առաջուանից աւելի խելօք ու աւելի լաւ դրութեան մէջ դնելու համար։

Տանուտէրը կանգնած էր գլխաբաց ու բոկոտն և երեք անգամ բարձր ձայնով կրկնեց այս խօսքերը. այստեղ փտելուն արժանի եմ. դատաւորը ուժեղ ձայնով պատասխանեց. այո՛, արժանի ես, որ ոսկրներդ փտեն այստեղ և մարմնդ երկնքի թռչուններն ուտեն։ Տանուտէրը կրկին երեք անգամ պատասխանեց. այո՛, արժանի եմ։—Նա ողորմութեան արժանացաւ, արդարագատութեան ստրուկ, մի՛ սպանի նրան, աղաղակեց այժմ բարձր ձայնով գայիսոնը ձեռքին բռնած դատաւորը։—Ապա ի՞նչ պէտք է անեմ նրան պատասխանեց արդարագատութեան ստրուկը։—Նրան պէտք է կախաղանի սիւնին կապես, ձեռքը մի ձողի վրայ ամրացնես և այդ մատներն երեք անգամ սեւացնես անջնջելի ներկով. արդարագատութեան ստրուկը կատարեց տուած հրամանն ու մերկ սրով կանգնեց դժբաղդ տանուտէրի ետևը։

Այդ միջոցին դատաւորը գայիսոնը ձեռքին դարձաւ դէպի ժողովուրդն ու բարձրաձայն ասաց. Լսի՛ր, ժողովուրդ. բո տէրն ու հայրը պատուիրում է ասել ձեզ. ով ձեզնից այսպիսի խայտառակութիւնից աւելի չէ վախենում քան մահից, նա իր ընտանիքով, երեխանցով ու ցեղով դէպի թշուառութիւնն է դիմում, որի մէջ ընկած էք տեսնում այժմ այս խեղճ մարդուն։ Յետոյ համարեա՛ թէ մի ամբողջ ժամ խօսեց քահանան և ժողովուրդը ոչ մի եկեղեցում այնպէս ուշադրութեամբ և սրտաշարժ չէր լսել, ինչպէս լսում էր այժմ։

Տանուտէրը համարեա՛ թէ անշնչացել էր և հազիւ

կարողանում էր կանգնել. երբ բահանան նկատեց այդ, կան-
չեց իր Կանսին ու ասաց նրան. գնա փոքր կառքը բեր և
վրան էլ անկողին ձգիր. Կանսը գնաց ու բերեց: Որովհետև
արդէն ժամն անցել էր և տանուտէրին կապանքից ազատել
էին, բահանան բռնեց նրա ձեռքն ու ասաց. այժմ, ի սէր
Աստծոյ, կառք նստիր, տեսնում եմ որ պէտք ունիս և հա-
զիւ թէ կարողանաս ոտքով տուն գնալ: Ճշմարիտ է, ասաց
տանուտէրը, բոլորովին դողում եմ, շնորհակալութիւն յայտ-
նեց, կառք նստեց ու ասաց. արժանի չեմ սրան: Քահանան
ժողովրդով շրջապատուած՝ կառքի կողքին ոտքով գնաց մին-
չև Բօննալի բանտը և կառքի անկողինն էլ տուեց նրան, մին-
չև որ իր տանից անկողին բերել տայ:

108.

ԳԻՒԼԱՑԻՆԵՐԻ ԽՕՍԱԿՑՈՒԹԻՒՆՆԸ ՈՒ ԶԳԱՅՈՒՆՈՒԹԻՒՆՆԸ

Այսօր Լինհարդը մենակ էր բանում եկեղեցու գաւ-
թում, որովհետև նրա բանուորները բոլորն էլ գնացել էին
տանուտէրի ետեւից: Նա սրտանց լաց եղաւ երբ լսեց իրանից
ոչ հեռու գտնուող աշտարակի զանգի ձայնը, որ նշան էր
թէ տանուտէրի պատիժն ի կատար ածին: Մի բանի վայր-
կեանից յետոյ բանուորները յետ եկան և համարեաւ ամ-
բողջ օրը միմեանց հետ խօսում էին այդ դէպքի մասին:

Սիրտս շատ ցաւեց, ասացին Էբին ու Կինաստը:

Կրիխէր: Իմը նոյնպէս, կարծես թէ վրաս սառը ջուր
էին ածել:

Րիւտի-Մարքս: Բայց անպիտան լինելն այդպէս է:

Լէէման: Նրա համար այնպէս էին հոգում, կարծես
ծննդական լինէր:

Լէնկ: Եթէ ես լինէի տանուտէրի տեղը կամ մէկ ու-
րիշը, ի հարկէ այդպէս չէր լինի:

Հըրի: Ինչ այնպէս է թւում, որ ոմանք էլ նախան-
ձում են, որ նրան չկախեցին:

Լէէման: Դեռ ուրիշ պատմութիւններ էլ դուրս կգան:

Միխէլ: Ինչո՞ւ:

Լէէման: Արները կամենում է բրբրել տաս տարուայ
ընթացքում բոլոր պատահածները:

Րիւտի-Մարքս: Դրա համար ոչ ոք չի հոգայ:

Միխէլ: Ինչո՞ւ ես այդպէս կարծում:

Րիտի-Մարքս: Կարծում եմ, որ այդ բանն այնպիսի հաստատօրոններին կգիպէի, որոնք հեշտութեամբ կծածկեն ամեն բան:

Կրիխէլ: Սատանան գիտէ. այդ դեռ ապահով չի կարելի համարել:

Էջի: Բայց լսե՞լ էք՝ թէ ի՞նչ էր խօսում Հարտկոպֆը քարոզի մասին:

Միխէլ: Նա խենթ է:

Մարքս: Բայց նա մի մի անգամ էլ ճիշտ է ասում:

Միխէլ: Այո՞, երբ նա ասում է թէ տասններկու ժամն է, կէսօրը տալիս են:

Մարքս: Յիմար բան ես ասում. հաւատի վերաբերութեամբ ինձնից ու բեզնից էլ լաւ է հասկանում. եկեղեցուն նա շահէնի նման ուշադիր է և կարող է քրիստոնէական հաւատի նշանաւոր խօսքերը բահանայի հետ միասին ասել:

Միխէլ: Այդ շատ աստուածահաճոյ գործ է:

Մարքս: Այդպէս կարելի է քո կարծածից աւելի շատ բան եզրակացնել. երեւակայի՜ր նա նզովում է, որ բահանան իր վերջին քարոզի մէջ ոչ մի անգամ ֆրիստոս խօսքը չէ արտասանել:

Մարքսը ուէիւր կախ է գցում, իսկ Միխէլը շարունակում է:

Քահանան իրաւունք ունի, որ իր խօսքերն այնպէս չէ ասում, որ ամեն մի վանկը բարեպաշտութիւն արտայայտի: Դուք բառեր համարելով ու վանկեր չրջելով այնքան շփոթում էք մարդկանց, որ նրանք եւր ուզում են ուղեղը գործածել՝ աչքերն են չռում և ձեռքը գործածելու փոխարէն՝ ուէին են բաց անում:

Մարքս: Մի՞թէ:

Միխէլ: Այո՞, ի հարկէ. սէրն ու խելքը հէնց բահանայի ասածների մէջն է. նրա մասին խօսողները պէտք է ամաչեն:

Մարքս: Մի՞թէ:

Միխէլ: Խենթ ես, ինչ է, Մարքս:

Կինաստ: Իմ կարծիքով այդ մասին կարելի է լռել:

մարդ բար պէտք է լինէր, որ այսօրուայ քարոզից չսրտա-
շարժուէր:

109.

ՏՆԱՅԻՆ ԿԱՐԳԱՊԱՀՈՒԹԻՒՆ ԵՒ ԱՆԿԱՐԳԱՊԱՀՈՒԹԻՒՆ

Այս առաւօտ Գերտրուդը գնաց իր բարի դրացի Հիւ-
մէլըուդիի մօտ, որ այլ ևս եկեղեցու շինութեան վրայ չէր
բանում: Նա գիտէր որ չքաւորութիւնն ու ճնշուած դրու-
թիւնը այնպէս խանգարում է մարդու տնային կարգապա-
հութիւնը, որ եթէ դիպուածով կրկին ոտքի կանգնի ու
խորհրդատու չգտնէ, այդ բաղդաւորութիւնը նրա ձեռքից
այնպէս կ'իւլաւորէ, ինչպէս օձաձուկը ջրի մէջ: Եւ որովհետեւ
մեծ մօրը մահուան անկողնում խոստացել էր հոգացողու-
թիւն ունենալ երեխաների վրայ, Գերտրուդը ոչ մի բան
չէր ուզում կորցնել Բուդիին օգնելու, իր կարողացածին չափ,
ամեն բան կարգի բերելու, քանի որ նոր ձեռք բերածի
կէսն անկարգապահութեան շնորհիւ կրկին չէր ոչնչացել:

Նա բոլոր երեխաներին դեռ ևս անկողնում գտաւ,
Քուդին էլ նոր էր վերկացել: Երեխայոց զգեստները յա-
տակի վրայ այս ու այն կողմն էին ածած. կատուն էլ նըս-
տած էր սեղանի վրայ այն սեւ ամանի մօտ, որից երեկ ի-
րենք կերակուր էին ընդունել: Գերտրուդը զգում էր այս-
պիսի անկարգութեան փչացնող հետեանքներն ու երկար-
բարակ բացատրեց Բուդիին՝ թէ այդպիսով մինչև ուր կա-
րելի է հասնել: Գերտրուդի խօսելու ժամանակ նա քնա-
թաթախ լսողի նման աչքերը չուր էր. նա այնպէս սովո-
րել էր այդ անկարգութեան, որ այժմ կրկին իր արօտը
ստանալով՝ կարծում էր թէ ամեն բան կարգի է ընկել և
երկար ժամանակ չէր կարողանում ըմբռնել թէ Գերտրուդն
ի՞նչ է ուզում ասել իր քսրոզով: Վերջապէս հասկացաւ
ու պատասխանեց արտասուքն աչքերին. Ա՛խ Աստուած,
դու իրաւունք ունիս, Գերտրուդ. բայց Աստուած է վկայ,
որ մեր թշուառութեան միջոցին ուրիշ տեսակ չէր էլ կա-
րող լինել: Վերջին ժամանակները ես ժամերով ու օրերով
թափառում եի և համարեա՛ չգիտէի թէ գլուխս որտեղ է
դրուում—կամ թէ ինչ պէտք է անեմ:

Գերտրուդը: Հէնց այդ է իմ ասածն էլ. այժմ դու

պէտք է ուրիշի խորհուրդն ու օգնութիւնը չմերժես։
 Բոլորի։ Սրտանց շնորհակալ կ'լինեմ քեզնից, եթէ
 այդպէս անես։

Գերտրուդ։ Ես սրտանց ու սիրով կ'անեմ, ինչ որ կա-
 րող եմ։

Բոլորի։ Աստուած վարձատրէ քեզ՝ իմ և երեխայոցս
 մասին ունեցած հոգացողութեանդ համար։

Գերտրուդ։ Բուբի, եթէ ուզում ես որ երեխաներդ
 լաւ դաստիարակուին, ամէն բան պէտք է ուրիշ կերպ կար-
 գաւորես։ Սակայն այժմ խօսելու ժամանակը չէ, այլ գոր-
 ծելու։ Այսօր դեռ արեւը մայր մտնելուց առաջ ամէն բան
 պէտք է այնպէս փոխուի այստեղ, որ այլ ևս կարելի չլինի
 ճանաչել սեղանը, պատուհանները, յատակը, ամէն բան
 պէտք է մաքուր լուանալ ու դուրս դնել։ շնչել անգամ
 կարելի չէ այստեղ։ Հաւատա՛ որ քո երեխաների առողջու-
 թիւնն էլ միւսների հետ համեմատելով նրա համար է վատ,
 որ սենեակիդ մէջ այսչափ աղտոտութիւն կայ։ Դժբաղդու-
 թիւն էր, որ քո ողորմած հոգի ամուսինդ էլ վերջին ժա-
 մանակներն արիութիւնը կորցրել էր և տնային կարգապա-
 հութեան վրայ բոլորովին ուշադրութիւն չէր դարձնում։
 Որքան որ աղքատ լինի կինը՝ նա պէտք է գոնէ իր ամուս-
 նու և երեխաների համար անէ այն, ինչ որ փող չարժէ։

Բոլորի։ Նոյնը հազար անգամ ասել է նրան տատը,
 բայց նա վերջին ժամանակները վշտից փայտ էր կտրել և
 ես երբեմն համարեմ թէ կարծում եմ՝ որ ինձ և երե-
 ւաններիս համար բաղդաւորութիւն էր նրա մահը, եթէ
 նա չպէտք է փոխուէր։ Բայց, Գերտրուդ, եթէ նա դեռ ևս
 կենդանի լինէր և տեսնէր մեր այժմեան դրութիւնը, նա
 խելքի կգար և առաջուայ նման կ'լինէր։ Երեկուանից նա
 մտքիցս չէ հեռանում և ուր որ գնում եմ, կարծում եմ
 թէ նա էլ այնտեղ պէտք է լինի և ինձ հետ միասին վա-
 յելէ այսօրուայ բարիքը, ինչպէս որ վայելեց ինձ հետ
 թշուառութեան դառնութիւնը։

Գերտրուդ։ Այժմ նրա դրութիւնը մեր ամենիս դրու-
 թիւնից լաւ է, Բուբի. և ես չեմ կարծում, որ այս աշ-
 խարհում նա կրկին թեթևութիւն զգայ. ով որ նրա պէս

երկար ժամանակ ծանր վիշտ է կրում, հեշտութեամբ չի կարող նորից ուղղուել:

Րուդի: Այդ էլ ճիշտ է:

Գերտրուդ: Ամենից լաւ բանը, որ դու այժմ կարող ես անել քո կնոջ յիշատակին, և նրան ուրախութիւն ու մխթարութիւն կպատճառէ երկնքումը՝ այն է, որ դու խնամքով դաստիարակես երեխաներիդ, որ նրանք էլ իրանց մօր նման դժբաղդ չլինեն: Հաւատաւ, Աստուած է վկայ, որ մանկութեան օրերում չնչին ու փոքր բաներից շատ բան կախումն ունի. թէ արդեօք մանուկը կէս ժամ շուտ կամ ուշ է վերկենում, թէ նա իր կիրակնօրեայ զգեստն ամբողջ շաբաթը մի անկիւն գցած է պահում, թէ հոգացողութեամբ ու մաքուր մի տեղ է դնում. թէ նա սովորել է հացը, ալիւրն ու իւղը շաբաթուայ մէջ ճիշտ բաժանել և դրա նման բաներ անել, կամ թէ անարդարութեամբ մէկ շատ մէկ քիչ գործածէ՝ առանց գիտնալու—այսպիսի բաներն են որ նոյն իսկ ամենաբարեսիրտ կնոջն՝ մարդով ու երեխաներով ամենամեծ դժբաղդութեան մէջ են ձգում: Ես պէտք է քեզ ասեմ—և դու գիտես թէ ես չար մտքով չեմ ասում—որ քո կինը բոլորովին պատրաստուած չէր տնային կարգապահութեան համար. ինձ ծանօթ էր ծեր Ըօրէրի տնային կարգապահութեան եղանակը. այնտեղ շատ բան հիմնայատակ եղաւ:

Րուդի: Մանկութեան ժամանակ նա քահանայի տուն շատ էր գնում:

Գերտրուդ: Այդ էլ ճիշտ է:

Րուդի: Հարկւր անգամ աչքերս լցուել են, երբ նա դեռ ևս երեխայոց չլուացած ու չսանրած աղօթագիրքը կամ յայանութեան բացատրութիւնն էր ձեռքն առնում ու կարդում. ինքս ամեն օր խոհանոց պէտք է գնայի հնոցի կրակը մարելու, ապա թէ ոչ նա իր մոռացկոտութեամբ կաթող էր և տունը կրակ գցել:

Գերտրուդ: Կնոջ համար գրքերը պէտք է կիրակնօրեայ զգեստին նմանեցնել, իսկ աշխատանքն ամենօրեայ:

Րուդի: Իմ թշուառութեան վրայ այժմ ինքս էլ ծիծաղում եմ: Նա հէնց այդ կիրակնօրեայ զգեստն էր ամեն օր հագնում և այնպէս դաստիարակում երեխաներին, որ

կարծես աշխարհիս վրայ ապրում են միմիայն աղօթելու և կարդալու համար:

Գերտրուդ: Այդպիսով այնտեղն են հասցնում, որ նրանք աղօթելն ու կարդալը հենց այն ժամանակ են մոռանում, երբ ամենից շատ կարիք կայ:

Րուդի: Դժբաղդաբար հենց այդպես էլ պատահեց մեզ հետ: Երբ նա հիւանդացաւ և էլ ուտելու հաց չուներ, նա այլ ևս երեխայոց հետ չէր կարդում և երբ մէկը մօտենում էր նրան՝ լաց էր լինում:

Գերտրուդ: Թող այդ բանը այժմ զգուշացնէ բեզ, Բուդի, և երեխաներիդ խօսելուց առաջ սովորցրու աշխատել ու հաց վատարկել:

Րուդի: Ես բոլորովին համաձայն եմ, և հենց այսօրուանից նրանց կարանողի 'օտ պէտք է ուղարկեմ:

Գերտրուդ: Ամենից առաջ դու պէտքէ նրանց զգեստ հագցնես. այժման դրութեամբ նրանք սենեակից չեն կարող դուրս գալ:

Րուդի: Խնդրեմ դրանց համար շապկացու և դերիացու գնիր. ես չգիտեմ այդ բաները. միայն այսօր ես պարտք կվերցնեմ:

Գերտրուդ: Ուրիշից պարտք չպէտք է վերցնես, Բուդի, ես կառնեմ, յետոյ ինձ կվճարես:

Րուդի: Ինչո՞ւ պարտք չառնեմ:

Գերտրուդ: Որովհետեւ տնային կարգապահութեան կանոններից մէկն էլ այն է՝ որ մէկ մեկից միւսի վրայ չկախես և որովհետեւ հարկւրաւոր փոխ տուողների մէջ տասը չես գտնի որ չկեղեքէ, մանաւանդ բեզ. դու շատ բարի ես, այդ պատճառով կարճ ժամանակում արիւնարբունները կը շրջապատեն բեզ և կկողոպտեն:

Րուդի: Փա՛ռք Աստծոյ, որ կողոպտելու բան կգտնեն ինձ մօտ:

Գերտրուդ: Ես չէի ցանկանալ այդ մասին կատակ անել. դու պէտք է լրջօրէն ամեն կերպ աշխատես և պահպանես այն, ինչ որ այդբան երկար տանջանքից յետոյ Աստուած կրկին բեզ ու բո մանուկներին տուեց:

Բուդին մի փոքր վարանելուց յետոյ ասաց. բանի որ

տանուտէրը կենդանի է, արօտի մի մասը նրան պէտք է տամ.
դրա դէմ ի՞նչ ունիս ասելու:

Գերտրուդէ: Ա՛յդ ինչ բան է:

Րուդի: Ես քահանային խոստացել եմ, որ քանի տա-
նուտէրը կենդանի է իմ արօտից մի կովի պաշար խոտ տամ
նրան: Նա մի խեղճ, ծեր մարդ է և ես չէի կարող նրան
այն թշուառութեան մէջ տեսնել, որի մէջ ես եմ եղել:

Գերտրուդէ: Այդպէս ասա՛. ես կարծեցի թէ արօտը
պէտք է բաժանես և մի մասը նրան տաս. բանից դուրս է
գալիս, որ միայն խոտ պէտք է տաս:

Րուդի: Ո՛չ, մտքովս էլ չէր անցել. արօտը, եթէ
Աստուած կամենայ, պէտք է որդոց որդի իմը մնայ. իսկ
խօտը, ինչպէս որ խոստացել եմ քահանային՝ կտամ նրան:

Գերտրուդէ: Ես արգելք չեմ լինի. բայց դեռ առաջ
պէտք է տեսնէիր՝ թէ արդեօք տանուտէրն այդչափ կարիք
ունի՞ և ապա խոստանայիր:


Րուդի: Քահանան էլ նոյնն ասաց. բայց եթէ ինչպէս
լսէիր, թէ տատն ինչպէս էր մահուան անկողնում նրա հա-
մար աղօթում, դու էլ քո կարողութեան չափ կօգնէիր նրան:

Գերտրուդէ: Նա իր մահուան անկողնումն էլ նրա հա-
մար էր աղօթում:

Րուդի: Այո՛ Գերտրուդ, և ի՞նչպիսի յորդառատ ար-
ցունք թափելով:

Գերտրուդէ: Ա՛խ, ուրեմն լաւ է որ այդպէս ես ա-
նում:


Մինչ Բուդին խօսում էր Գերտրուդի հետ, վերջինս
արթնացրեց երեխաներին, նրանց ձեռքերն ու երեսը լուաց,
նրանց համար անսովոր խնամքով սանրեց մազերը և զգեստ-
ներն աւելի կարգին հագցրեց, բան իրենք սովոր էին: Յե-
տոյ գնաց իր խրճիթը, բերեց այնտեղից աւել, խոզանակն
ու տաշտը և սկսեց մաքրել սենեակը և ցոյց տուեց Բու-
դին թէ նա ինչպէս պէտք է անէ և թէ ինչո՞ւմ երեխաները կա-
րող են իրեն օգնել: Բուդին ջանք էր անում և մի քանի ժա-
մից յետոյ նա այնպէս լաւ էր տանում իր գործը, որ Գեր-
տրուդը թողեց նրան ու գնաց իր տուն: Գնալու ժամանակ
նա ասաց. եթէ երեխաներդ լաւ օգնեն քեզ, երեկոյեան
բոլորին ինձ մօտ ուղարկիր:



ԼՈՒՄԱՅ

Գ Ր Ա Կ Ա Ն Հ Ա Ն Դ Է Ս

(ԵՐԿՐՈՐԴ ՏԱՐԻ)



Սոյն 1897-ին կը հրատարակուի երկու գիրք:

Առաջին գիրքը լոյս տեսաւ յունուարի 1-ին, իսկ երկրորդը՝ լոյս կը տեսնի յուլիսի 1-ին:

«ԼՈՒՄԱՅ» հանգիսի բաժանորդագիրն է տարեկան 3 ռ. Իւրաքանչիւր գիրքն առանձին արժէ 2 ռուբլի:

Հասցեն՝ Կիւնստ, св.м. Гюмю Агапьянц.

Հրատարակիչ Գիւտ քահ. Աղամեանց



ԲՈՎԱՆԴԱԿՈՒԹԻՒՆ



Պետրոս Չանչեանց, կենս. Մեջքիսեղեկ եպս. Մուրառեան	1
Ենդրէաս երէց, պատմ. վիպակ. Մուրացուն	52
Մշոյ աշխարհ, տեղագր.	123
Խաչատուր Աբովեան, կենս. Ն. Տէր-Կարապետեան	145
Հայր սուրբը, պատկեր. Ստեփան Աւետիքեան Բանանցեցի	187
Բանաստեղծի ժամացոյցը. Ը. Թումանեան	222
Մանուկ, բանաստ. տ. Ազնիւ	241
Աւօ, պատկեր. Ա. Մկրտչեան	242
Աղբատի հալը, պատկ. Յ. սարկ. Ճուղուրեան	257
Մամօ-Զին, քրդերէնից. Սաղաթիէլ	274
Վարակիչ հիւանդութիւններ, գիրմ. Թարգ. քժկ. Ս. Մայ-սուրեանց	308

Պ Ա Տ Մ Ա Կ Ա Ն

Նիւթեր Աղուանից պատմութեան համար	325
Գ. եպս. Սրուանձտեանցի նամակը Հ. Ալիշանին	332
Օտեանի նամակը Գ. եպս. Սրուանձտեանին.	333
Ք. Պատկանեանի նամակը առ իոյն	334
Մ. Նալբանդեանի մի նամակ	335
Ս. Նազարեանի նամակներ	337

Ա Յ Լ Ե Ի Ա Յ Լ Ք

Վհհ. Հայրապետի նուէրը	340
Վանի բեւեռագիրները	—
Հարիւրամեակ Նոր-Նախիջևան քաղաքի	346
Մաքի լուսանկարը, Թարգ. Ա. Սպարապետեան	347
Տիգրանակերտի կանանց զարդերը	351
Ստացուած գրքեր	353
Հանգ. Սրուանձտեանի երկերի հրատարակութիւնը	354

Յ Ա Յ Տ Ա Ր Ա Ր Ո Ւ Թ Ի Ի Ն Ն Ե Ր

Յ Ա Ի Ե Լ Ո Ւ Ա Յ

Լինհարդ և Գերտրուդ, Պետալոցցու. գերման. Թարգ.	
Իս. Յարութիւնեան (վերջ)	241—424